



Facebook: [@wasel.book.store](https://www.facebook.com/wasel.book.store)

- سورة (يس) سامعها بتردد حواليتا.

أصوات بكاء ونحيب

- حوارات متداخلة كالأتي:

- أنا مش مصدقه لحد دلوقتي.

- يا رب صبرنا يا رب.

- إنا لله وإنا إليه راجعون.

طيب أنا فين؟! واقف عند باب شقتنا وسامع كل ده ومتردد أدخل أو لا.

بعد تفكير ليس بطويل.. (زقيت الباب ودخلت)..

الصالة كانت خليط من الرجالة على الستات وقفت ابص لهم

أشوف أعرف مين فيهم.

مش عارف حد... لا انتنوا.

ده جارنا عم (خلاف).

والحاج مختار أبويا الروحي فاكرينه طبعًا.

والشيخ (لظفي) بسبحته إالي مبتفارقش إيده أبدًا.

ووالدي الحاج (مصطفى فوده)

وخالتي (صفية) وشوية ستات مع أمي. وكلهم لا بسين إسود.

واتفتح باب أوضتي ولاقيت (أمنية) أختي طالعه منها وبشاور
ل (ماما) راحت لها.

اتكلموا في حاجة مع بعض .. حاولت أسمع معرفتش! روح ط
عشان أفهم .. اتحركوا ودخلوا المطبخ وتجاهلوني الاتنين ..

معرفش في إيه؟! .. حتى الرجالة لما دخلت محدش إداني أدنى اهتمام
هما مش عاوزين ينسوا أبدًا إلي خصل وهيفضلوا علطول قافس
عليا كده ولا إيه؟

وبعدين (أمنية) داخله أوضتي بتاع إيه؟ ده أنا لما بدخل أوضتي
مبخلصش من لسانها الطويل!

أنا أدخل أوضتي أفضل وأشتري دماغني من وجع الدماغ ده كله.
زقيت الباب ودخلت الأوضة وقفلت ورايا ..
ومديت أيدي نورت نور الأوضه صرخت صرخة تصحي الأموات
لأني .. لأني .. لأني ..

لقيت جسم على السرير أو بمعنى أصح جثة متغطية بملاية.
نفس مشهد وفاة عمي بيتعاد كله تاني .. طب إزاي؟! ..
الزمن بيتكرر تاني إزاي؟! حد يفهمني!

عشان كده بقا اللي قاعدين بره دول والقرآن والستات اللي لابسه إسودا
مبقتش بخاف الحقيقة .. روحت وشديت الملاية من على وشه ..
شوفته بس ده مش عمي شحاته ده ده إزاي!!?

ده أنا .. (نادر مصطفى عبد الرحيم فوده).

أنا ميت..... أنا صاحي..... ميت على السرير..... وصاحي يبصن
عليا..... هو في إيه؟!!

مسكت جثتي من أكتافها وبدأت أهزها بعنف ولكن مفيش
أي فايده.....

جريت على المرايه الكبيرة اللي عندي.. اللي لسه مشروخة من المرة
اللي فاتت وبصيت فيها..... مفيش أي صوره... يعني أنا روح أو شبح
أو طيف ملوش وجود!

اتفتح باب الأوضة ومعاه دوشة كبيره وزعيق.. وظهرت أمي
وتلات أربع ستات ييمنعوها من الدخول.

دخلت في الآخر وأول ما دخلت صرخت وقالت:
مين كشف ابني.. حرام عليكموا الميت له حرمة ابني لأ.. ابني لأ.....

غطت الجثة واترمت عليها وهاتك يا عياط لحد ما الستات تمكنوا
منها وشدوها بره وخرجوا وقفلوا باب الأوضة.....

وأنا دوري متفرج لا أكثر ولا أقل!
قعدت على طرف السرير أفكر...

طب إيه.. هل هيبقى الحال كما هو عليه؟؟؟

هل دي بقا الحدوته اللي بتيجي في الأفلام؟

هل دي بقا الروح المعلقة اللي بتفضل بين الحياة والموت؟

اللي صاحبها يموت وبتفضل الروح سارحة كده أو تايهة؟

بيقولوا إن ده بيحصل لما تكون الروح عاوزه توصل رسالة معينة من صاحبها للناس إنه مثلاً مات مقتول أو إنه عنده سر معين عاوز يوصله لشخص ما.

- بس ديتيّا ده تخريف مطلق.. البني آدم لما روحه بتقبض بتصعد لبارئها مش بتقضيها لف هنا وهناك.....

يعني من الآخر ده شغل أفلام خيال علمي مش أكثر!

- أو مال أنا إيه دلوقتي؟؟ وليه أنا كروح مستني! يعني هو حد كان راح وجرب ورجع حكى لنا... مش يمكن هو ده الموت! ...

الباب اتفتح لقيت الحاج (مختار) دخل وقفل الباب وشد كرسيه وقعد جنب السرير وبدأ يتكلم:

ليه يا (نادر)... ليه يا ابني... ياما قلت لك إنك بتفكرني بشبابي..
ليه دخلت في الحت التانية... ليه أصريت تكمل في الطريق ده...
ليه؟؟؟؟

أنا السبب.. أنا اللي وديتك السكه دي من الأول بإيدي..

بس بس.. أنا وديتك لـ (لظفي) مكنتش أعرف إنك هتمشي في السكة الشمال دي..

وياما سألتك وياما نهتكت لما بدأت أشك... لكنك كانت دماغك

ناشفه، ولأن عندك نفس الفضول إلي كان عندي في شبابي

فمهما كنت هعمل كنت هتنفذ إلي في دماغك يا (نادر).

- فضل يرغي بشكل مبالغ فيه وبين كل جملة والتانية كالعادة لازم

يقول جملته الشهيرة إيلي إنتوا حافظينها طبعًا: إني بفكره بريعان شبابه...

أنا كنت بس مستنيه يقول أنا مت إزاي؟ لأني مش فاكراي حاجة...
أنا كل إيلي فاكراه إني بدأت تدريب في جورنال مش مشهور أوي اسمه
(عمق الحدث) بروح مرتين في الأسبوع ويادوب رويحت مرتين....
وآخر حاجة فاكراها: إني كنت في التدريب وطلبت من عم (مدبولي)
الساعي كوباية شاي...

عمال أعصر في دماغي إيه إيلي حصل... مفيش فائدة مش فاكرا أبدًا..

نرجع للحاج (مختار) فضل يتكلم شويه وكشف وشي وباس راسي
ورجع الملايه وهو بيرجعها جثتي فتحت عينيها على الآخر....

أنا خفت... أيوه خفت مني!

والواضح إن مش أنا لو حدي إيلي خفت ولا أنا لو حدي إيلي شوفت..

لأن عم (مختار) قال: أعوذ بالله واتقلب بالكرسي على ظهره.....

قام بسرعة وكشف الملايه عن وش الجثة فلقاها عاديه مغمضه..

فاستعاذ بالله من الشيطان الرجيم وقام وخرج....

جريت كشفت الملايه وبدأت أحاول أفوق فيا... أيوه متستغربش

بفوق فيا... ما هو أصله وضع غريب ومش مفهوم أنا ميت

ولا صاحي!؟

ميت على السريز وصاحي بتفرج عليا!!

نادر فوده كساب

كانت الساعة حوالي ثمانية إلا شويه وتردد آذان العشاء في المكان فبدأ
الرجال أسمعهم يقولوا: ده إكرام الميت دفنه يا حج (مصطفى)...

فرد والدي: لأ

هندفن بكره بعد صلاة الظهر عشان قرابيننا يكونوا وصلوا من السفر
فالكل سكت وسمعت صوت باب البيت اتفتح وخرج الرجال
واتبقى همس الستات...

والباب اتفتح ودخلت (أمينة) أختي ووقفت قدام الجثمان شويه
ولقيت معاها حاجة مخبياها في هدومها وحريصه جدًا إنها متبانس..
- إيه يا (أمينة) حتى انتي كمان طلع وراكي أسرار؟

رجعت لباب الأوضة وقفلته وفضلت تتلفت حوالها زي
الحراميه.... كان وشها شاحب جدًا وخايفه أوي إن حد ياخذ باله من
اللي ناويه تعملة..

- بصيت لقيتها طلعت كيس أسود فيه حاجة ملفوفه أد كف الإيد
وبدأت تفتح الكيس وتخرجها..

لحظات مرت عليا كساعات وصدومات بمر بيها، وشريط ذكريات
جمعتني بأختي (أمينة).. كل ده بيمر قدام عنيا وأنا في انتظار خروج
الشيء اللي معاها وأنا مش مستوعب الموقف أكثر من إني خايف!

الحقيقة أول حاجة شوفتها كانت علبة كبريت... إيه ده هتعملي
إيه يا مجنونه؟!!

حطت الكبريت على الكومدينو. بعدها... طلعت إزازة برفان..
إيه... دي بديل البنزين ولا إيه؟

وكشفت الملايه وبدأت ترش كل الجثة من أول شعرها لحد رجليها..
خلصت الإزازه كلها على الجثة...

وبعدها مسكت علبة الكبريت وولعت عود... هتحرقيني
ليه.... ليه؟!!

جيت اتحرك عشان يمكن اقدر امنعها اتكتفت في مكاني.. اتكتفت
وأختي لسبب معرفوش هتتحرق جثتي!

وطت ونزلت تحت السرير فجأة وبدون مقدمات!!
فضلت شويد تحت... لقيت دخان بدأ يبان ويكثر من تحت السرير..
في إيه... في إيه بيحصل؟

مستغرقتش وقت كثير عشان أدرك حقيقة المشهد بالكامل..

(أمنية) طلعت مخبية مبخرة تحت السرير وغالبًا كل شويه بتدخل
تولع بخور فيها عشان ريحة الجثة متطلعش..

وده نفس تفسير إزازة البرفان بردو وغالبًا هي كل شويه بتدخل
تعمل ده.... ظلمتها للأسف.... وطيت تحت السرير وفضلت أتأمل
دموعها وهي قدام المبخرة..

وهي بتقول هتوحشني يا اخويا....
إلي فاصل بيني وبينها دخان البخور الكثيف
ناديت عليها كثير دون جدوى...
مديت إيدي لعل وعسى أعرف اطبب عليها حتى لو هي
محستش.... إيدي اخترقت الدخان...
فإذا بصرخة منها شقت الأوضة... بعدها باب الأوضة اتفتح وكل
الستات اللي برا دخلوا... وأمي صرخت: فيه إيه يا أمنية...
إنهارت (أمنية) من البكاء و اترمت في حضن أمي:
كنت بولع البخور زي ما بعمل كل شويه وأول ما الدخان زاد
لاقيت إيد طلعت لي من وسط الدخان.. والله يا ماما إيد بني آدم
خرجت من وسط الدخان جايه ناحية وشي!

الستات معظمهم سكت ماعدا واحدة أو اتنين قالوا: أكيد
بيتهيا لك يا أمنية... متدخليش لو حدك تاني..
وأمي قالت لها: طيب هاتي المبخرة ويا لالا هنخرج كلنا... وكشفت
أمي عن وش الجثة بتظمن عليها وغطتها تاني وخرجوا كلهم...

- (أمنية) شافت إيدي... يعني ممكن تشرف أكثر وممكن كمان
تسمعني وممكن يكون فيه تواصل بيني وبينها بعد كده لو حياتي فضلت
بأشكلك ده!

لاحظت حركة غريبة في الأوضة.. بصيت حواليا مشوفتش أي
حاجة.. بس فيه حاجة

في الأوضة... ستاير شباك الأوضة اتحركت لجوا وكان في هوا شديد
وراهامع إن الشباك مقفول!

ورجعت تاني لوضعها العادي...

باب الأوضة اتفتح ومحدث دخل... واتقفل لوحده بهدوء!

لمبة السقف بدأت ترعش وصوت زن يخرج منها...

كل اللي بيحصل ده معناه من خبرتي إن فيه حضور لحاجة... معرفش
هي إيه الحقيقة....

بس هو في حاجة الحقيقة وهتبان.... هتبان أكيد...

الملايه اتكشفت لوحدها عن الجنان... وعنيا أو عين جتني فتحت
على الآخر وكأني صحيت من الموت...

وبنفس الهدوء قامت الجثة قعدت على السرير.. في اللحظة دي أنا
رجعت لورا لحد باب الأوضة ووقفت عشان أشوف هعمل إيه واخرج
في الوقت المناسب... لو حصل حاجة تستدعي ده.

مع حركتي دي جتني انتبهت لي وبصت لي....

هو مش المفروض إن اللي بيص لي ده أنا؟؟ أنا بقا اترعبت مني!

أنا عمري في كل اللي مررت به مع الشيخ (لظفي) في علاج حالات
السحر وإخراج الجن ما خرفت كده...

أيوه أنا خايف مني... مرعوب من نظراتي ليا..

قام بهدوء ونزل من على السرير ومشى حافي ووقع الملايه على الأرض..
وبدأ يتحرك ناحيتي.

لو قلت شكل مشيته زي الزومبي مش هكون ببالغ
(واعملوا حسابكوا إني هتكلم عنه كشخص آخر غيري بعد كده)..

كان بيترنح وهو ماشي لكنه عارف كويس هو رايح فين؟!
هو جاي لي والله أعلم باللي هيحصل..

وجت لحظه المواجهة وأصبحت في مواجهة جثتي..
تخيلوا الموقف ده.. غمض عينك وتخيل.. واقف وضهرك للحيطه
وقدامك انعكاس كامل ليك... مش توأمك لأ.. ده جثتك
اللي صحيت..

جثتك وشها في وشك.. أنفاسها بتخبط في وشك!
وبرغم إنها جثة إلا إنها صادر منها حرارة حارقة.. بتجتاح كل
جزء فيك!

جثتك محاصرك ومش ساعمالك تتحرك يمين أو شمال.. مع إن إيدك
قريبه جداً من مقبض الباب بس مين يقدر يجازف وياخذ الخطوه دي!!
هو ده الوضع بالضبط....

أنا بدأت اتكلم... انت لو انا فعلاً يبقى مش هتأذيني لأن أنا
وانت واحد..

واتصدمت إنه بدأ يتكلم بصوتي... نسخه طبق الأصل منه!

الجثة: ولما أنا وانت واحد.. إنت أذنتي ليه؟!

نادر: إيه أذيتك إزاي انا؟!

الجثة: أذنتي لما روحت لـ (حفيظة) والكابوس جالي وجسمك
كله إتحرم

أذنتي لما دخلت مكان مش مسموحلك

أذنتي لما اتفقت مع مرات عثمان....

نادر: وإيه اللي فكرك بالحاجات دي... خلاص عدت ونسيتها.

الجثة: بس أنا منستش يا نادر، واتحول صوت الجثة لصوت

آخر أجش..

أنا منستش يا نادر.. أنا منستش!

ومدت إيديها وخنقتني.... وفضلت تضغط، (وإذا بعينين الجثة يتزل

منها خطين دم)... الغريب إني مكنتش بتألم أوي!

مش عارف ليه؟!

هل لأنني أصلاً مش إنسان حالياً؟!

ولا هل لأن دي في الأصل جثة؟!!

المهم إني مش بتألم أوي...

وش الجثة بدأت ملامحه تتغير... عنيتها وسعت.. دقنها طولت شويه

صغيرين.. شعرها بدأ يكون أخف وشاب جزء فيه..

كل ده عشان الوجه ده يتحول من وجه (نادر) لوجه آخر تمامًا أنا
وانتم عارفينه وحافظينه كويس.... الوقاد!

صرخت: انت تاني؟

الوقاد: تاني وتالت وعاشر أنا رجعت... رجعت عشان أردلك إلي
عملته... رجعت لك يا فضولي يا ملعون....

رجعت!! حتى وانت ميت مش هسيك..... وضحك
ضحكة رهيبة.....

إنت خلاص مش هتموت تاني.. إنت جيت لي.. أنا وانت في نفس
المدار... إحنا في مدار ما قبل البرزخ..

ومش هتروح حتة تانيه.. ريح نفسك انت معايا... هتشوف مني
الويل... كل الويل.. معايا للأبد يا نادر.

أنا: مفيش حاجة اسمها كده، الجثة مجرد ما هتدفن كل ده هيخلص
وروحى هتطلع عند ربنا....

الوقاد ضاحكًا: خيلنا نشوف سوا.

أنا: وبعدين أنا معملتش فيك حاجة!

الوقاد: معملتش؟؟؟؟!!!! صرخ بعدها بكل غضب.... شوف

انت عملت إيه؟

واتحول كل جسمه في لحظة لكتلة فحم... ما عدا عينيه بقت حمرا
تمامًا بشكل بشع..

شوفت انت عملت إيه؟ مش انت اللي دخّلت جنية (عثمان) خلوتي؟
تعالى جرب إيلي أنا شوفته يا ملعون.. هخليك تعيشه دي أسعد
لحظة.. دي اللحظة اللي مستنيها من وقت ما موتني!

المكان كله اتغير ولقتني بقيت في بيت (الوقاد) ومشهد النهاية
بيحصل قدامي من جديد..

لقيت (الوقاد) بيصرخ ويكلم الجنية السودا: حتى لو مت.. هتعيشي
بردو في عذاب... وهرجع هرجع وهنتقم منك ومن (نادر) الملعون.
وهجمت عليه بكل شراسة وتحولت لما يشبه ثعبان الأناكوندا.
سمعت صوت بيهمس في وداني: شوفت عملت فيا إيه.. طب إيه
رأيك تجرب بنفسك؟

ولقيت حاجة ضربتني في ضهري جامد جدًّا واتزقت بمنتهى العنف
ناحية (الوقاد) وهو بييموت. ودخلت جوا المعركة..
لقيتها بتعصره جواها وجسمه بيشتعل بنار أنا مش حاسس بحاجة..
بس المشهد حرفيًا لا يحتمل.

النار كانت غريبة لونها أسود بتاكل فيه وهو حتى مش قادر يصرخ..
لحد ما تفحم في دقائق.

جسمه تفحم بالكامل وهي فكت قبضتها عنه وتلاشت واختفت...

نادر فوده 2 كساب

ولقيت نفسي رجعت تاني لأوضتي.. و(الوقاد) واقف قدامي وبيقولي شوفت عملت إيه؟!... إالي حصل ده هتدفع ثمنه للأبد... يا نادر.

- حصل حاجة غير متوقعة؛ الباب اتفتح... وحمد بيدعي عادي وبيقول:

بسم الله وبحوله نستأذن بالدخول.. وش (الوقاد) ازرق تمامًا وزى ما يكون اتحنق وصرخ في غضب واتحول وشه لوش (نادر) من جديد لكن وش (نادر) نايم أو ميت....
كمان إالي حصل إن الجثة في لمحة كانت على السرير..

مين بقا إالي دخل؟

الشيخ لطفى... أول ما شوفته حسيت براحة ما بعدها راحة وكان نفسي . يكون شايفني... محتاج أترمي في حضنه وأعيط...

بدأ الشيخ (لطفى) يكلم نفسه:

الشيخ (لطفى): الله مين إالي وقع الملايه من على نادر... إزاي كده؟
الجثة مش متغطيه ولسه بينادي وبيقول يا أم نادر... رجع كمل كلامه وقال: واضح إن نادر مش لوحده هنا!

واضح إن في حاجة بتحصل في الأوضة دي!

إنتوا عاوزين منه إيه؟

انتم أتباع (الوقاد) الجبان؟

فاكرين إنكم كده هترجعوه

(الوقاد) مات و(نادر) مات.... سيوه يقابل ربه..
اللي كان مسخركم ومستعبدكم نفسه مات... إنتوا دلوقتي أحرار..
عيشوا وانسوا إنه ممكن يرجع مهما كان مصورلكم إنه هيرجع
بعد موته..

أنا بقولها لكم أهو... مش هيرجع...

سيوا (نادر) في حاله... المرة دي أنا بنهكم المرة الجاية هحرقكم..
كان نفسي يكون سامعني - كنت هقوله... لأ يا شيخ (لطفى)..
(الوقاد) رجع وأشرس من الأول أو تقار تقول بالضبط هو فعلاً
مرجعش أنا اللي روحت له..

ولو فضلت محبوس معاه محدش غيرك هيقدر يخلصني من الجحيم ده
يا شيخ (لطفى)..

الشيخ (لطفى) شال الملايه وغطى الجثة بيها
وقعد يقرأ قرآن جنبها وأنا كمان قعدت على كرسي تاني.. ومش
عارف يا ترى إلي جاي هيكون إيه؟! **BOOK**

خرج بعد شويه وسمعت كلامهم برا يقولوا: من الصبح بدري
هنكون هنا...

وعم (مختار) بيقول لوالدي: هندفن (نادر) مع عمه شحاته صح؟
فرد والدي بالموافقة وصرخت أمي: خلاص هيتدفن خلاص؟
فبدأ الجميع يطلب منها الاستغفار.

كمل الحاج (مختار) كلامه: نزيه هيحي الصبح بدري ياخذ منك يا
مصطفى مفاتيح التربة وهيروح عشان يزيث القفل ويكنس قدام التربة
ويجهزها لاستقبال ابننا نادر.

. وهيحيب معاه ليك الكفن صحيح عشان يجيبك الكفن الشرعي ...

أنا بسمع كل ده عني! بسمع إجراءات التخلص مني!
وبدأت الناس المتبقية تمشي لحد ما غالبًا البيت فضي ومش باقي غير
بابا وماما و(أمنية) أختي وخالتي (صفية).

كل شويه حد منهم يعيط والباقي يوأسوه :
والحوار كله كان بيدور في فلك مجموعة جمل:

- طول عمره محترم ومؤدب.

- ميغلاش على اللي خلقه.

- ربنا يعوضه خير في شبابه.

- عمره ما زعل حد.

- لأنه في حاله دايمًا.

- موت الشباب ده من علامات يوم القيامة والله.

- لازم كل حاجة تكون بالقرآن والسنة.

- هو انا عمري هنسى وقفته مع (مرورة) بنتي أبدًا.. ده لو ليها أخ

مكنش عمل كده..


أينعم هي اطلقت في الآخر.. بس بقت علطول مبسوطة وبتضحك

في وش الناس.. اتغيرت تمامًا.

- اه من موضوع (مرورة) أول ما سمعت سيرته!! اهو موضوع
مرورة ده بالذات أنا عارف اني هتحاسب عليه حساب عسير بسبب إني
وديتها بيأيدي

للوقاد.... عشان أهدافي الشخصية لا أكثر ولا أقل!
معرفش دماغي كانت فين مش كانت ممكن تموت؟ واديا اتطلقت
في الآخر..

كل ده مكنش في دماغي.. كان في دماغي حاجة واحدة بس (الوقاد)!



الفصل الثاني

الرسالة الملعوننة

BOOK
STORE

سمعت جرس الباب بيخبط... وصوت خالتي (صفية) بتزقق:
إنتي فين من الصبح؟ تو ما افكرتي؟ ده انا قاعده في نص هدومي بسببك
يا شيخه!

وكل اللي بسمعه من الطرف الثاني عياط وصراخ وعويل
وصوت والدي: بس صلي على النبي واستغفري ربنا هو في مكان
أحسن دلوقتي.. إهدي يا مروة إهدي يا بنتي.. اللي بتعمله ده بيعذبه
حرام.

- إيه ده مروة؟! صحيح مجتث زيه من بدري... متضايقه مني ولا
من زعلها عليا مش عاوزه تصدق إلي حصل؟! بس اديها جايه منهارة.

والدي: يا مروة إنتي عارفه نادر كان بيعزك أد إيه.
مروة باكية: يا عمي إنت اللي مش عارف... نادر أفضاله عليا ملهاش
أول من آخر.

والدي. ادعي له يا بنتي.. وسامحيه.
مروة: أنا أول ما سمعت الخبر ما صدقتش.. قفلت على نفسي
باب أوضتي ونمت عشان أصحى ألاقى إن كل ده كان كابوس
والاقي نادر لسه عايش.

والدي: اللهم لا اعتراض.

مروة: لأ نادر مكنش عيان ولا فيه حاجه.. الوضع غريب يا عمي.

والدي: يا بنتي بس بطلي كلام ملوش لازمه إنتي عاوزه إيه؟.. يعني عاوزاهم يشر حوه ويبهدلوه حتى وهو ميت.

مروة: لأ طبعًا.

والدي: خلاص إكرام الميت دفنه.

مروة: طب أشوفه أرجوك يا عمي.. وانفجرت في العياط تاني.

والدي: مالوش لازمه انتي هنا وعامله كده.. أومال جوه هتعملي

إيه؟

مروة: هسكت خالص هسكت.. بس دخلني أسلم عليه مش هقدر

أشوفه في الكفن.. أبوس إيدك يا عمي.. أشوف نادر وبعدها اطردي من

البيت كله لو عاوز.

والدي: يا بنتي بس... إيه الكلام ده؟!

خالتي صفية باكية: دخلها يا مصطفى.. مروة زي أمنية بالضبط..

بالله عليك.

والدي: خلاص تعالي معايا يا مروة...

صوت الباب اتفتح ودخل والدي ووراه مروة لابسه عبايه سودا..

عماله بتترعش من العياط وماسكه نفسها زي ما وعدت والدي..

راحت قعدت على الأرض جنب السرير وطلعت من معاها كتيب صغير

في أدعيه المتوفى وبدأت تدعي وطوّلت:

اللهم أنر قبره.

اللهم حاسبه بما أنت أهل له يا عظيم المغفرة.

اللهم اجعل قبره روضة من رياض الجنة.

اللهم ثبته عند السؤال.

اللهم هون عليه ضمة القبر وارحمه من عذاب القبر.

- الدعوه الأخيرة دي بالذات رعبتني لأنني دائماً راسم لي بيحصل
جوا القبر تخيل مرعب وكنت كل ما اقوله للشيخ (لظفي) يضحك
ويقولي: يا بني هون على نفسك ربنا أرحم بينا مما تتخيل.. بطل تعيش
نفسك في الهلع ده هتموت من الرعب كده.. اعبد ربك واعمل اللي
عليك وادعي بالجنة وتخيل جمالها.. مش يكون كل تفكيرك في العذاب
وبس!

فضلت (مروة) تدعي والحقيقة إنها كانت بتعيط بالراحة من غير
مبالغة..

ووالدي سابها وخرج وقفل باب الأوضة وراه..

كملت (مروة) دعاء وبعدها قامت ووقفت وراحت جنب الباب
بتاع الأوضة ودعت تاني..

غالبًا هي فاهمه كده اتجاه القبلة.. بس هو غلط الحقيقة.

بعدها رجعت عند الجثة تاني وكشفت عن وش الجثة.

وعملت حاجة غريبة!!!

رفعت العبايه اللي كانت لابسه تحتها بنطلون جينز وطلعت من

جيبها حاجة!

إبه ده ازاي .. إنتي .. إنتي يا مروة .. إنتي .. كساب!

وبعدها قالت: واضح انهم هيظبطوك دنيا وآخره يا نادر وضحكت بصوت واطي.

وقفت شويه تبص للجيثة وقالت: أنا عاوزه أعرف مكتوب فيها إيه .. (كساب) مرضيش يقولي .. اشوفها بنفسي أفضل.

فتحت بوقي تاني وطلعت الورقة ..

كانت عبارة عن حجاب مثلث الشكل

فكته وبصت فيه ... وأنا كمان بصيت وشوفت المكتوب

واللي أدركت إنه مش (لا إله إلا الله، محمد رسول الله) خالص المكتوب أهو اقروه بنفسكم:

الحارس العارف الكامل

نأمركم بأن تراققوا حامل الرسالة

أوقدوا عليه نارًا

عذبوا روحه

أذيقوه طعم الجحيم

نأمركم بكل ما لنا منكم من طاعة

وكل من لكم منا من ولاء

الأب ترك .. والوريث تسلم.

وأنتم تعرفون.

شوفت الورقة وأدركت المصيبة... (كساب) ابن الملعون بعثت عن طريق (مروة) تعويذة استحضار حطتها في بوق الجثة... معرفتس ممكن تعمل إيه.. بس دي حقيقة وحصلت..

كده (الوقاد) ظهر من جديد.... و(كساب) ابنه بدأ انتقامه هو كمان... يعني انا وسط أباطرة الشر بطولي ولوحدي.

- مروة رجعت الورقة في بوق الجثة وفقلته عليها.. وقربت من وذن الجثة

وقالت: (كساب) باعتلك السلام يا (نادر) وبيقولك دي مش النهاية.. إوعى تخاف دي مجرد بداية.

وغطت الجثمان وفجأة وبدون أي مقدمات بدأت تعيط.. وقربت من الباب ورجعت فتحت كتيب دعاء المتوفى ورجعت تدعي:

اللهم بيض وجهه.

اللهم يمن كتابه ويسر حسابه.

اللهم أبدله دارًا خيرًا من داره وأهلًا خيرًا من أهله.

اللهم أمنه من فزع يوم القيامة ومن هول يوم القيامة.

وخذت بعضها وخرجت من الأوضة... وهي معيطه ومكمله

الدور بمنتهى الاحتراف.

وبعدها دارت برا حوارات كتير انتهت بأمر من بابا بمرواح (صفية

ومروة) يرتاحو وييجوا من الصبح..

وغالبًا قررت أسرتي كلها يدخلوا يرتاحوا عشان عندهم يوم
حافل الصبح...
يوم جنازتي!!

- هدوء سيطر على المكان كله.. فيما عدا الأوضه اللي أنا فيها.. أنا
عمال رايع جاي مش مستوعب الوضع اللي أنا فيه دلوقتي...
لحد ما فجأة جتني اتحركت تحت الملايه وبدأت تتنفض بعنف ويطلع
منها صوت حشرجة...

أنا مستوعب الصوت.. صوت حاجة محشورة في زور بني آدم...
الصوت عمال بيزيد والحركة بقت هستيريه.. السرير كله بيتهز بعنف،
وانا لازلت خايف من جتني..
بس مبدعهاش جريت كشفت الملايه، فإذا بي أرى ما لم أتوقع أن أرى
نفسي عليه في يوم من الأيام.

وشي كان ازرق تمامًا
وعمال بنزل رغاوي بيضا من بوقي (من بوق الجثة طبعًا)
وعينين الجثة انفتحت على الآخر لكنها كانت بيضا كلها تمامًا شكلها
مرعب جدًا

واستمرت الجثة في الانتفاض والصوت بدأ يزيد...
وفجأة القميص اللي الجثة لابساه بدأ يتقطع.. كأن فيه سكاكين
بتقطعه كلها مع بعض في نفس الوقت!!

والأغرب إن من تحت القميص بدأت الجثة تنزف مع إنه مينفعش..
بس ده إلي بيحصل قدام عينيا..
رجعت عيون الجثة لطبيعتها وبدأت تبص لي بنظرات كلها استجداء،
وكأنه هينطق ويكلمني ويقول انقذني..

طب أعمل إيه؟!..! أعمل إيه!؟!

حطيت إيدي على بطنه مفيش حاجة اتغيرت.. بس صوت
الحشرة زاد..

بوق الجثة اتفتح على الآخر وزدات الرغاوي الي بتخرج منه..
مديت إيدي بدون تفكير ناحية بوق الجثة.. نفس الشعور المؤلم
والحارق..

لكني ماتراجعتش.. مديت إيدي جوه بوقه ووصلت لزوره.
لحد ما وصلت للحجاب شديته.. كان فيه حاجة بتشده مني بس انا
شديته بقوة أكثر...

طلعته بس كان اتهرى وشبه داب ورميته في درج كومدينو جنبي..
مستنتش كثير عشان أدرك إن الي عملته هو ده الصبح...
لأن الجثة رجعت لهدوئها تاني..

بس وشها «الجثة» كأنه زي الي خارج من معركة شديدة....
وش مجهود وتعبان وعرقان جدًا..

بس ازاي يحصل ده؟!... مفيش جثة بتعمل كل ده...

حتى لو حاسه معندهاش القدرة إنها تظهرلك زي ما كانت وهي على
قيد الحياة...

ورجعت ارد... وهو انت بني آدم يعني!

دخلت الحمام بليت فوطتي بالميه وجبتها وبدأت أمسح وش
الجثة بالكامل..

وجبت قميص من دولابي وغيرت القميص اللي اتقطع وملقتش آثار
جروح خالص وغطيتها بالملايه.. وقعدت...

عدى شويه دخل والدي.. جت لي فكرة معرفش اتأخرت إزاي..
جريت على ورقة وقلم وبدأت أكتب أنا عايش يا بابا... أنا ماموتش
وشايفك وشايف كل حاجة..

لكن كنت بكتب والقلم زي ما يكون بيكتب بلون أبيض.. غيرت
القلم نفس الموضوع اتكرر..

جريت عاوز اشيل الملايه من على (نادر) بقت إيدي تحترقها
ومتحركش من مكانها.. اشمعني دلوقتي!

روحت لمكتبي عاوز أوقع أي حاجة من فوقه.. نفس المشكلة.
بعد ما بابا خرج بجرب أرفع الملايه اترفعت غادي... زقيت مكتبي
كله اتزق واتحرك..

فأدركت إني مش مصرح لي أتواصل مع البشر تاني خلاص وأي
محاولة هتفشل في الآخر فيما عدا (أمنية) لما شافت إيدي كانت فلتة
مش مفهومة!

نادر فوده 2 كسابج

رجعت تاني قعدت لحد الصبح ما طلع... أول صوت سمعته كان

صوت عم (مختار)!
وتوالت الأصوات وبدأ سيناريو وفاة عمي (شحاتة) يتكرر
بكل تفاصيله.

ميكروفونات الجوامع بتعلن وفاتي:

بسم الله الرحمن الرحيم.... إنا لله وإنا إليه راجعون.

توفي إلى رحمة الله تعالى.. نادر مصطفى عبد الرحيم فوده.

والدفنة النهارده بعد صلاة الظهر.


والبقاء لله.

بسم الله الرحمن الرحيم.... إنا لله وإنا إليه راجعون.

توفي إلى رحمة الله تعالى.. نادر مصطفى عبد الرحيم فوده.

والدفنة النهارده بعد صلاة الظهر.

والبقاء لله.



الفصل الثالث

WASEL

آخر المشوار

BOOK
STORE

باب أوضتي اتفتح ودخل عم (مختار) وابويا وراه وورا هم ثلاث
رجاله عمري ما نسيت شكلهم أبداً «دول إالي غسلوا عمي شحاته»

وفتحوا الشنط إالي معاهم ودخلوا لهم من برا أواني فيها ميه
ودخلوا خشبة هيحطوا الجثة عليها عشان تتغسل!
أبويا أول ما بدأوا يقرأوا قرآن وأدعيه معينة انهار فخرجوه...
وفضل عم مختار...

قلعوا الجثة القميص وظهر التقطيع وأثاره من تاني بعد ما كان
اختفى.. لكن من الواضح إن أنا لوحدي اللي شايفه وهم مشافوش أي
حاجة خالص!.. لأن محدش كان له أي رد فعل على أي حاجة!
والله حاجة هايلاه.. حضرت غسلي وشويه كمان هحضر
جنازتي ودفني.

غطوا ما بين سرتي وركبتي... وخطوني على خشبة غسل الميت..
وواحد منهم بدأ يضغط على بطني بالراحه ويصبوا ميه
وعملوا حاجات تانيه. بعدها وضوا الجثة.... أيوه وضوء الصلاة
اللي نعرفه

وغسلوا جنب وبعدين التاني..

الباب خبط ولا قيت إيد ممدوده من بره بقماش أبيض.. أخده عم
(مختار) وحطه على جنب..

وكملاوا تغسيل.... وبعدين واحد منهم خد القماش الأبيض اللي
مكتش محتاج تفكير عشان أعرف إنه الكفن:
لما فكوه كان ثلاثة قطع..

أول قطعة لفو بيها ما بين السرة والركبة..
تاني قطعة زي الباطو كده بين المنكين لنص رجلين الجثة..
تالت قطعة لف الجسم كله مرتين ورا بعض..
ونيموني إتجاه القبلة...

خلاص كده النهاية تقرب..
وهل هي النهاية فعلاً؟!!

ولا دي مجرد بداية زي ما (كساب) قال؟!
وأنا وضعي هيكون إيه؟! هفضل متعلق كده ليوم القيامة يعني
ولا إيه?!

عم (مختار) خرج واللي معاه خرجوا... وبقيت عبارة عن حاجة بيضا
ملفوفة على السرير..

نفس فضولي القديم بيطاردني..

قربت من جثتي وبدأت ألمسها وألمس كفني.

ضغطت بالراحه على راسي.. مفيش أي استجابة.. خلاص

انا بقيت عبارة عن حاجة مخشبة متجمدة ملفوفة..

خلاص الحقيقة بواجهها.. أهم حقيقة؛ الموت.

سمعت حاجة زي همس خارج من الجثة، وسمعت اسم (نادر) في وسط الهمس ده.. بس مش عارف افهم.. قربت ودني عشان افهم مفيش فايده نفس الوضع.. همس خارج منها غير مفهوم واسمي بيتقال وسط الهمس..

فجأة، الجثة صرخت واتقلبت على جنبها.. اتفزعت وقعت فوقها نفس مشهد وقوعي فوق جثة عمي شحاته... قومت بسرعة وقفت لانيت الجثة المتكفنة واللي مش باين منها أي ملامح خالص غير إنها كيس قماش أبيض.. قعدت على السرير وبدأت تتكلم:

بدأت اللعنات.

بدأت اللعنات.

عد اللعنات يا نادر.

باب الأوضة اتفتح الجثة اترمت ونامت تاني.. دخل أربعة شباب ومعاهم النعش.. خلاص دي آخر مواصله لـ (نادر فوده) لآخر محطات الدنيا «القبر».

النعش كان ضخم ولونه أخضر ومكتوب عليه آية واحدة من القرآن:

﴿ يَا أَيُّهَا النَّفْسُ الْمُطْمَئِنَّةُ ﴿٢٧﴾ ارْجِعِي إِلَىٰ رَبِّكِ رَاضِيَةً مَّرْضِيَّةً ﴿٢٨﴾ فَأَدْخِلِي فِي عِبْدِي ﴿٢٩﴾ وَأَدْخِلِي جَنَّتِي ﴿٣٠﴾ ﴿

شالوا الجثمان وحطوه في النعش وخرجوا من الأوضة وبدأوا يصيحوا في الناس:

مشيت وسط الناس تايه متلخبط فاقد الأمل ويائس من كل حاجة..
ماشي سرحان في ملكوت الله..

فوقت لاقيت معظمهم دخلوا الجامع..

دخلت انا كمان الجامع ولقيتهم حطوا النعش ورا في آخر الجامع
روحت قعدت جنبه... وشعوري وقتها مهما كتبت مش هعرف
اوصفه صح.

وأقيمت صلاة الظهر فقامت وصليت ورا الوحدي..

وسجدت ودعيت يا رب وسكت.. ما اصل انا مش عارف ادعي
بياه في الوضع ده... فضلت اقول يا رب واكررها وخلاص!

خلصوا صلاة ولاقيتهم كلهم جاينين ناحيتي يجروا.. اترعبت منهم
بس أدركت إنهم رايجين على النعش مش ليا..

شالوه وحطوه قدام قبل أول صف وأقيمت صلاة الجنازة.. وأبويا
كان هو الإمام.

وأنا وضعي كان غريب جدًا... واقف أصلي مع الناس عليًا!

ووقفت وصليت ووصلت للتكبيرة الثالثة اللي المفروض بندعي
فيها للميت...

ودايماً صيغة الدعاء بتكون «اللهم اغفر له وارحمه وأسكنه
فسيح جناتك»

طب أنا أدعي إزاي وبإيه؟!!

نادر فوده 2 حساب

لقيتني بقول: يا حي يا قيوم برحمتك أستغيث..

يا حي يا قيوم برحمتك أستغيث..

اللهم أغثني..

اللهم أغثني..

اللهم أغثني..

وانتهت صلاة الجنازة... وحملوا الجثمان لثواه الأخير!

ومشيت وراهم في الشوارع زي التايه.. لا فاهم ولا مدرك إيه الي

هيحصل بعد كده!

وبدأت أسئلة غريبة ومرعبة تتوارد في رأسي:

هو أنا لو دخلت معاه ممكن الموضوع يتحل؟

هو أنا لو دخلت معاه هحس بضمة القبر وهو بيضيق عليه؟

أنا بخاف منها أوي!

هو أنا لو دخلت معاه هشوفه وهو بيتحاسب؟

هو أنا لو دخلت معاه ملائكة الحساب وهم بيحاسبوه ممكن يشوفوني؟

ولو شافوني هيعملوا فيا إيه؟

ولا هو ده العادي أصلاً؟

طب لو دخلت معاه ومفيش أي حاجة حصلت؟


لو دخلت ومشوفتش أي حاجة؟

لو دخلت وفضلت محبوس معاه؟

ولو خرجت هعيش زي اللي لابس طاقة الإخفاء كده للأبد؟

مهما أحاول أوصف لكم المشاهد دي تفصيليًا.. مش هو صفلكم
الصورة الكاملة أبدًا...:

الفكرة في حد ذاتها إنك شايف حاجات ميتحملهاش عقل
بشري أبدًا..



الفصل الرابع

لمثل هذا فأعدوا

BOOK
STORE

بدأت أدخل بين الصفوف والناس بسهولة لحد ما وصلت لباب
القبر أوزي ما بنقول عليه عندنا «باب التربة» ونزيه بدأ يفتح الباب..
كان مش عاوز يفتح وفضل يقول: «أنا والله مزيت القفل من بدري..
معرفش جراه إيه؟!»

بس بعد محاولات فتح... ودخل بسرعة اتنين جوا

. ومجموعة تانية بدأوا ينزلوا الجثمان من النعش ويوحّدوا الله ويقولوا:
«إنا لله وإنا إليه راجعون.»

وناولوه لبعضهم لحد ما استلمه الناس اللي جوا... وابتلعتهم ظلمة
القبر جميعاً... وأنا واقف مكاني مش عارف الخطوة الجاية إيه!؟

- بصيص نور دخل من مصدر مجهول جوه القبر فشوفت
منظر عجيب....

شوفت طفل قاعد جوا وساند على الحيطه..

دققت التركيز والنظر فلاقيته فعلاً طفل

وبدأ يتكلم:

- انت مستني إيه؟

- لازم تدخل دلوقتي..

نادر فوده 2 كساب

- انت روحه...

- لو مدخلتش دلوقتي مفيش مجال للدخول تاني..

- مكانك جوا معاه..

- ادخل يا نادر..

- ادخل..

- ادخل..

دخلت... ولاقيتهم بيضطوا الجثمان على القبلة وعم (مختار) كان

جوه معاهم

وقضل يقول: «مع السلامة يا بني.. مع السلامة يا بني..»

مع السلامة..»

دورت على الطفل ملقيتوش مكان ما شوفته..

خرجوا واحد ورا التاني.. وبعدها شدوا الباب والقبر اتقفل عليا..

وعند اللحظة دي محتاج اتكلم كثير..

ضلمه.. صمت.. صوت الناس من برا أصبح بعيد ومكتوم وبدأت

أحس إنها خلاص فعلاً النهاية الحتمية لكل إنسان..

مكان موحش مرعب مُقبض حزين..

بدأوا برا يتكلموا بصوت أعلى وسمعت الشيخ (لظفي) بيخطب في

الناس عن الموت..

وقال: «مثل هذا اليوم فأعدوا، ينادي القبر خمس مرات يوميًا على ابن آدم..»

هل أعددت له؟

هل غلبت الدنيا أم الدنيا غلبتك؟

إذا مات ابن آدم انقطع عمله إلا من ثلاث: صدقة جارية أو علم ينتفع به أو ولد صالح يدعو له..

إن ميتنا اليوم نحسبه على خيز، وتوفي وهو شابًا صغيرًا فاللهم اجعل ذلك شفيعًا له عند ربه..

يا عباد الله لا تنسوا أبدًا هادم اللذات ومفرق الجماعات.. لن يستأذنكم بل إنه يأتي بغتة..»

وختم كلامه..... بـ «اسألوا لأخيكم التثبيت فإنه الآن يسأل..»

سمعت همهمات من بره عبارة عن أدعية كثير متداخلة من الي جم يدفوني!

بعدها بدقيقتين بدأت اسمع خطوات الناس بتمشي وكأنهم يهربوا مني!

لحد ما كله مشي.... ظهر نور خفيف مجهول المصدر خلاني اشوف القبر كاملاً من الداخل.. نور قلته أفضل بكثير..

وأصبح الصمت هو بطل الموقف الأول.

أما عن باقي الأبطال فهم:

الضلمة المرعبة.

ريحة الموت المقبضة.

نادر فوده 2 كساب

جثة نادر.

هياكل عظمية.

بقايا أكفان بالية.

وأنا وسط كل ده... أنا مجرد شيء غير مفهوم وسط المشهد ده..

لحظات بتمر زي السنين ومفيش حاجة بتتغير...

ووسط سكون الموت ده وبمتهى الهدوء والثبات اتحرك أحد

حوائط القبر!

اتحرك لجواشويه ووقف..

وإذا بالثاني يفعل نفس الأمر ويتوقف، ثم الثالث، ثم الرابع.

فاللي حصل إن مساحة القبر انكمشت للنصف...

وبعد سكون دام لمدة طويلة معرفش أد إيه...

بدأت الحوائط الأربعة تتحرك مع بعضها دفعة واحدة.... والقبر

عمال يضيق يضيق....

واتحركت الأكفان القديمة مع حركة الحوائط للداخل، واتحرك كمان

جثمان (نادر) معاهم

وسمعت صوت عضم بيتكسر.. صوت رهيب لا يتحمل

ولما أنا كمان الحيطان طبقت عليا خفت جدًا..

مكنش الحقيقة فيه ألم كبير... لكنه موجود... والأصعب منه إني

عايش الحدث ده!

استمر الوضع وصوت تكسير العضم بيعلو أكثر

وأنا مدرك وموقن وعارف دي إيه؟ ... دي ضمة القبر... اه من الضمة الرهيبة دي..

ياما قرئت عنها... وتخيّلتها... لكن مجاش في خيالي إني أحضرها زي فيلم سينما ثلاثي الأبعاد بل وأحس بيها كمان...

توقفت حركة الحوائط الأربعة وأصبح القبر أشبه ما يكون بتابوت صغير جدًا مزنوق جواه شوية عضم وجثة (نادر) المتكسرة وأنا! وفضلنا على الوضع ده كثير جدًا.. وأنا لا مفر ولا مهرب ليا من اللي انا فيه!
وزي ما بدأت القصة بدون سابق إنذار.. رجعت تاني تستمر بردو بدون أي إنذار..

رجعت الحيطان تتحرك واحد ورا الثاني ووراه التالت والرابع لحد ما رجعوا لمكانهم الطبيعي ورجعت جثة (نادر) استقرت بهدوء في منتصف القبر مع باقي عظام المتوفين واللي كان منهم عم (شحاته) الله يرحمه..
ورجعنا تاني للصمت والهدوء التام لحد ما صوت رعد ضرب المكان مصحوب بصرخات كثير.... أصوات ناس كثير بتتعذب أو كأنها خارجه من الجحيم.

قعدت وضميت رجليا لصدري من الخوف في ركن من القبر مستني أشوف إيه هيحصل تاني...

خبطات متتالية على باب القبر... ومحدث بيتكلم..

المكان نور أكثر والمصدر لازال مجهول..

واتفتح باب القبر... بس مش باب القبر اللي دخلت منه... باب تاني خالص مكنش أصلًا له وجود...

اتفتح وظاهر جدًا إنه بيطل على إيه... جهنم الحمر ابعينها، الباب
وراه جحيم،

أنا مش فاهم حاجة! وتعبت خلاص! القبر بقا منور من نار جهنم.

ومن نفس الباب دخل كائن بيزحف عامل زي ما يكون بني آدم محني
لكنه كان ارفع بكتير من أي إنسان وأسود بكتير من أي كائن تعرفه..
ياما شوفت الكائن ده في كوابيسي وانا طفل وكان بييجي عاوز يخطف
أختي (أمنية) مني!
بدأ يزحف

ووصل هيكل عظمي وبدأ يشمشم فيه وبعدها سابه وراح
لكفن تاني وشمشم فيه بردو وسابه.. كان واضح أوي إنه بيدور على
حد معين... نادر..

لحد ما وصل لـ (نادر) فعلاً ولسه يشمشم أدرك إنه هو ده المطلوب
فانقض عليه...

الحقيقة أنا مش فاهم هو بيعمل إيه... بياكله ولا إيه بالضبط لكنه
فضل فوق جثته (نادر) لمدة مش هينة....
وأصوات زمجرته أشبه بالكلاب المسعورة..

بعدها سابه وراح ناحية الباب اللي جه منه وبص شويه.. وبعدها
رجع تاني لجثمان (نادر)

وبدأ يشد الكفن ببوقه ويسحبه ناحية الباب...

جسم الميت يبقى ثقيل... وكان موضوع تحريك الجثة مش سهل
أبدأ عليه..

لكن هو عنده إصرار غريب جداً إنه يشده لباب الجحيم..
هل ده بقا معناه إن (نادر) هيدخل النار كده خلاص؟
فضلت قاعد مكاني بشوف اللي بيحصل لحد ما قرر فعلاً يحرك الجثة
ناحية الباب وقرب جداً من الباب... فرجع وراها وبدأ يزقها عشان
يرميها من الباب ده لجهنم الحمراء دي..

لكنه توقف بدون مقدمات ورجع تاني بص للباب المفتوح على النار..
ولاقيته بيزق الجثة تاني ويرجعها لمكانها بعيد عن الباب...
ورجع هو للباب وخرج منه والباب اتقفل بسرعة..
بس في حاجة منعت الباب إنه يتقفل للأخر ورجع اتفتح نص فتحه..
ولمحتها أيوه أفعي مينفعش أقول تعبان... لأنها ضخمه
وحجمها مرعب..

دخلت بسرعة رهيبة والباب اتقفل والمكان تحول لظلمة القبر من
جديد.... وعدنا للصمت.

وفضلنا احنا: «أنا ونادر وباقي الأموات والأفعي».

- لحظات انتظار رهيبة.. مسبتي أسمع صوت الأفعي وهي بتكمل
على (نادر)

مسبتي مسبتي..

بدأت أسمع صوت زحفها على الأرض وهي بتدور في المكان كله..

فضلت تلف المكان كله كأنها بتدرسه!

وبعدها الصوت بتاع زحف الأفعى سكت تمامًا... غالبًا وقفت

وفجأة لقيت فحيح أفعى في وشي! أيوه في وشي!

باب القبر رجع يخبط تاني!

فحيح مرعب وهو سخن بيتنفخ في وشي.. ده معناه إنها شايفاني

وبمعنى أصح جايه ليا أنا مش الجثة!

قطرات ميه اترشت في وشي.. معرفش ده ميه ولا سم!

فضلنا على الوضع ده وكنت خايف.. لأ مرعوب لأنني مش عارف

هتعمل فيا إيه!!

لحظات مرت زي الساعات.....

حسيت باقتراب راسها أكثر من وشي وحسيت بحاجة رقيقة لمست

وشي... ده لسانها ولا إيه!؟

في لحظة لفت حواليا... وأصبحت حبيس عضلاتها القوية وبدأت

تضغط.. المرة دي حسيت بألم حقيقي... ألم أي إنسان عادي لو في

موقفي ده...

فضلت أقول:

يارب

يارب

يارب.

- باب الجحيم اتفتح بعنف ونور المكان كله وشوفت وشها.. راسها
كبيرة جدًا... لها أنياب مرعبة ممكن تقتل بيهم في ثانية
وعنيها مش موجودة.. أيوه مكانها فاضي....
مع فتحه باب الجحيم لاقيتها بتفك نفسها عني وبدأت تدور في القبر
زي المجنونة..

وتلف وترجع بسرعة هستيريه!
في أحد المرات وهي بتلف في أقل من الثانية رجعت لي وهجمت
عليا وعضتني من كتفي ورقبتي...
الموضوع حصل بسرعة جدًا حتى إني مقدرتش أقاومها من
سرعتها وعنفها.
وخرجت الأفعى من الباب اللي دخلت منه واتقفل باب الجحيم
من جديد...
لكن أنا بدأت أحس خلاص بانبياري... مكنش فيه ألم ثاني لكن فيه
حالة من الشعور بالنهاية...

BOOK
STORE

إزاي هموت وأنا أصلاً ميت؟!
هي الروح لو أنا روح يعني..... بتموت؟!
يارب ريحني وخلصني من اللي أنا فيه بأي طريقة..

- مرحلة جديدة من الرعب بدأت.... لما بدأ زلزال يضرب الأرض...
زلزال حرك الجثث والهاكل وخرج هياكل ثانية من تحت الأرض

وبدأت تتكون حفرة في نص القبر حفرة صغيرة وبدأت تكبر اتكونت
بالضبط تحت جثة (نادر) وأول ما كبرت بدأت الجثة تقع جواها فأدركت
إنها كده النهاية

وبعدها ابتلعت الأكفان القديمة باللي باقي جواها!
بدأت ألمح نور خارج منها... وفضلت تكبر لحد ما وصلت عند
حواف القبر، وكنت على وشك إني أنا كمان أقع فيها.
لما وصلت لي بصيت جواها وشوفت المعنى الحرفي لجحيم الأرض
- تحت.. وعلى عمق مش قليل كان فيه بركان مشتعل بيتحرك
زي الأمواج..

وعلى جوانب الحفرة ناس كثير جدًا متعلقة وعارية تمامًا وكل شويه
البركان يلفظ نار.. تاخذ جزء من الناس دي تحرقها وهم متعلقين
وبعدها يقعوا في البركان ويبلعهم في ثواني..
وفضل الوضع كده لحد ما كل الناس وقعت جواها...
بعدها ظهر ناس جديدة مكان اللي اتحرقوا بس أعدادهم أكثر
بكتير جدًا..

أجسام عارية لرجاله وستات ماسكين في جدران الحفرة كأنهم
ماسكين في آخر أمل للحياة...
لكن الحفرة المرة دي مطلعتش نار عليهم.. دي خرج منها جنازير
عملاقة مشتعلة ومتوهجة من النار
وبدأت تضربهم... وتعال الصرخات وصوت الناس وهي بتتعذب
وتنصهر لا يحتمل أبدًا.

هو ده شكل جهنم اللي تخيلته دايمًا... لطفك يارب.... حاولت الملح
جثتي مش شايفها وسط المعذنين دول خالص!

توقفت الحفرة عن الاتساع... وفضلت أنا أتابع المشهد الرهيب
وكان بيتكرر كل مرة بأسلوب تعذيب مختلف وأشرس..

لحد ما لمحت نادر.. أيوه شوفتني وأنا وسط دفعة جديدة جت وسط
المعذنين... غمضت عيني عشان مشوفش اللي هيحصل... لكن
الغريب إني فضلت شايف.. رجعت فتحت عينيًا وغمضتها اكتشفت
إني مفتوح زي مغمض.... كده كده هشوف
باب القبر رجع يخبط تاني!!

لمحت (نادر) بيشاورلي وبدأ صوته يوصل لي وسط صرخات
وعويل المعذنين

ويقولي: «شوف مين بيخبط عليك... أرجوك رد.. رد.»

بعدها التحول وجه (نادر) لوجه أعرفه كويس... وجه (الوقاد)..
وابتسم ابتسامه.. كلها شر وشماتة...

- خبط القبر للمرة يمكن العاشرة فقررت أرد زي ما قال

نادر: مين بيخبط على باب القبر؟

صوت أنثى: أخيرًا... أخيرًا رديت.

نادر: مين طيب إنتي!؟

نادر فوده 2 كساب

صوت: أنا اللي معايا وسيلة خلاصك من كل ده!

نادر: يعني إيه؟

صوت: مش انت عاوز روحك تخرج من اللي هي فيه؟

نادر: أيوه.

صوت: خلاص عندي اللي هيعمل ده.

نادر: إنتي صوتك مش غريب.... إنتي مين؟

صوت: ركز وانت تعرف.

نادر: أنا على حافة حفرة من الجحيم وبتقولي لي ركز.

صوت: أنا اللي إنت حقت كل أحلامك المريضة على حسابها،

عرفت ولا لسه؟! أنا اللي ضيعتها عشان توصل لنهايتك.

نادر: مروة؟!

صوت: أيوه مروة.

نادر: إنتي عاوزه إيه؟.. أنا شوفت اللي حطته في بوقي!

مروة ضاحكة: وإيه يعني... ده مييجيش حاجة جنب اللي انت

عملته فيا.

نادر: إنتي ازاي سامعاني؟!

مروة: عشان هو سمح لي بده.. بص من غير رغي كتير هو جاي لك

كمان شويه وفي إيده يخلصك زي ما قلت لك.

نادر: الوقاد.

مروة: وقاد مين؟؟ (الوقاد) مات وشبع موت.

نادر: بس أنا شوفته.

مرودة: مليش فيه.. اللي جاي لك الوريث... هو سيدي وأنا
خادمتة المخلصة....

نادر: (كساب) بقى سيدك!

ولاقيت صوت غليظ مش شايف له مصدر بيقول: «أيوه سيدها
وسيدك انت كمان.»

نادر: كساب!!

كساب: الوريث يا ملعون.. روح (الوقاد).. الانتقام.. سميني زي
ما تحب..

في حالات الانتقام دايمًا بيمشي تصاعدي...

بس أنا قررت أبدأ معاك من فوق علطول..

من موتك وعزل روحك... هسيبك كده متعلق لا انت طاييل سما
ولا طاييل أرض يا مسكين.

- كل ده بيحصل وأنا سامع صوت بس مشوفتش خلقتة!

نادر: كافر.. ربنا اللي بيحيي ويميت.. ربنا اللي بيحاسب.

كساب: هو فيه حد قال حاجة غير كده.. (وضحك بعدها
بصوت عال)

أنا سبب... مجرد سبب... سبب إنك تشوف الجحيم..

نادر: يا ويلك من انتقامه... انت بتسخر منه.

كساب: لا لا.. بلاش الكلام الكبير ده.. كبير عليك أوي.

قولي صحيح:

أخبار ضمة القبر إيه؟

وأخبار عذاب القبر إيه؟

اتحاسبت ولا لسه؟

الحفرة دي اللي هزقك فيها حالاً.. اللي بتدعي دايماً ربنا يحفظك منها

أخبارها إيه؟

مش أنت برردو دايماً بتدعي:

اللهم اجعل قبري روضة من رياض الجنة ولا تجعله

يا مولانا حفرة من حفر النار...

أهي هي دي حفرة من النار..

وأنا على فكره اللي لحقتك قبل ما تقع فيها لحد لما أجي أسلم عليك.

نادر: ولا ليك أدنى قدرة.. كداب جبان!

- ظهر فجأة جنبي وكان على وشه كل نظرات الغل والشهامة!

- وضحك وقال لي: طيب الجبان بيقولك إن النار مستمرة في

أكلها للناس و(نادر) لأ... ومستنيه الإذن من الكافر إنها تاخده.....

إيه رأيك؟

نادر: برردو كافر.. متفرقش كتير عن المسيح الدجال!

كساب بغضب: أنا اديتك فرصة أخيرة وانت ضيعتها خلي

إيمانك ينفعك.

نادر: انت عاوز مني إيه؟

كساب: ولا حاجة.. أنا وعدتك إني هعمل كثير.....

نادر: واديك عملت... غور وسبني باللي أنا فيه!

كساب: عملت..... وضحك ضحكة مرعبة... أنا مجرد بدأت..

أبويا يا حشرة

إنت قضيت عليه، وياريتك خدت مقابل...

إنت قضيت عليه عشان غبائك وفضولك مش أكثر!

مكنت منه عدو كان بينه وبينه تار قديم وحرقت روحه..

بس انت دلوقتي زيك زيه تمام.. وهو مبسوط جدًا عشان يعرف

يبيلك ويتشفى فيك كل شويه.

نادر: صحيح إلي خلف مماش.. سايب وراه واحد أسوأ منه

مليون مره.

كساب: إنت هتقضيها حكم... يا شيخ نادر... مش انت كنت

شيخ بردو؟

وإنت كده اجتزت أول مراحل انتقامي ولعناتي عليك:

رؤيتك لجثتك.

ومواجهة جثتك المرعبة.

ومواجهة (الوقاد).

ومواجهة أختك المسكينة.

نادر فوده 2 كساب

وبلع التعويذة من مروة..

وغسلك..

وتكفينك..

وجنازتك..

ومواجهة كل هلاوسك..

عملك الضعيف.. (الراجل المعني)

الأفعى..

ضمة قبرك..

حفرة جهنم..

وأنا!

لسه باقي مراحل كثير ولعنات أكثر لحد ما هو وصل لمرحلة نهاية المطاف ودي أسوأ مرحلة على الإطلاق!

وأوعدك يا نادر... لو قدرت تواصل للآخر ممكن نكون في يوم من الأيام حلفاء!

نادر: لعنات إيه وحلفاء مين يا مجنون انت؟.... إنت جاي تكمل عليا؟....

مش مكفيك اللي أنا وصلت له.... إنسى إن يجمعني بيك أي شكل معرفة طول حياتي.... أنت كافر... وملعون.

كساب: وانت إيه؟!!

نادر فوده 2 كساب

بس عيني لمحت (نادر) إلي واقف وسط المعدين.. بدأ يتسلق فوق
الناس وبيتجه ناحية حافة الحفرة

كل تركيزي اتصب عليه الحقيقة... و(كساب) بيعيد التعويذة أو
الطلمس

لحد ما نادر وصل لحافة الحفرة.. بدأت الحفرة تتقبل وخرج منها
وقعد على الأرض واتقفلت الحفرة تمامًا..

ونادر بمقاش جثة هامدة.... نادر صحي وللمرة الثانية بقينا في
وش بعض.

(كساب) ضحك وقال لي: أول مرة أشوف حد بيخاف من نفسه،
حد يخاف من (نادر)..

ده حتى أليف.... وهيجيلك دلوقتي وهيهجم عليك من هنا وضغط
على مكان عضة

الأفعى إلي كنت نسيت ألمه من تلاحق الأحداث، لكنه مجرد ما
ضغط حسيت بألم رهيب وصرخت...

(نادر) زحف بمنتهى السرعة وانقض عليا هو كمان ولاقيت ضوافره
طويلة وبدأ يغرسها مكان العضة

والتاني عمال يضغط على مكان العضة التعبان معاه ويقول:

حيث كان حيث كان أمركم حيث كان...

فجأة الزمن توقف بيا ولقتني شبه دخلت في دوامة بتحيط براسي
وأحداث متلاحقة بتمشي حواليا بالعكس...

نادر بيتزل الحفرة تاني..

ثعبان خانقني ويتركني ويخرج من باب الجحيم..

كائن شبه الإنسان فتح الباب ودخل وخرج منه مسرعاً..

وبعدھا حيطان القبر بتبعد وتراجع ليتسع القبر..

باب القبر اتفتح ودخل منه عم (مختار) وكذا واحد..

شالوني وخرجت وشوفت النور من جديد..

حطوني في النعش ووقفوا قدام القبر..

بدأوا يمشوا بظهرهم بأعداد كبيره..

وصلوا للمسجد وصلوا عليا وحطوني على الأرض ورجعوا شالوني..

ورجعوا خرجوني من المسجد ومشوا بيا تاني بظهرهم..

وصلوا بيتنا.. رجعوني للسرير.. بدأوا يفكوا الكفن عني

« أو عن جثمان نادر لدقه الكلام بس.. »

بدأوا إجراءات الغسل..

وأحداث.. أحداث.. أحداث..

وبعدھا تكونت صفحة بيضا قدام عيني وصوت تصفير حاد

في وداني مش قادر أتحمله..

بدأ يتسلل لوداني صوت كنت محتاجه جدًا وهو بينادي عليا باسمي:
نادر.. نادر.. نادر.. مالك يا بني.. مالك يا حبيبي.

«صوت أمي» جاي من بعيد جدًا وبيقرب... صوت التصفير كان
كل مرة تنادي عليا يتلاشى ويبعد....

كنت بعاني وبيجادد عشان أركز مع صوتها.... وحاولت أشوفها...

فبدأت أنصفحة البيضا دي تتحرك ويظهر حد فيها مش عارف أركد
في ملامحه لكنها بتظهر ببطء شديد....

أمي.. أيوه هي أمي..

فلاقتني بقولها: ماما.. ماما.

ردت عليا: لأ.. أنا كساب.

في اللحظة دي الصورة اتضححت تمامًا ولقيتني في أوضتي و(كساب)

إلي قدامي ويبص لي بصره غريبة.. مزيج من الفضول والسخرية

والاستهزاء والفرحة العارمة... وقاللي:

خلصنا شوية لعنات ومراحل انتقام.... وانت بتقول يا ماما؟؟؟

هتكمل ازاي ولا هتاخذ ماما معاك؟...

ويا ترى أنا هلحقك في آخر لحظة زي ما لحقك المرة دي؟ .. ولا
هيكون ورايا حاجات أهم منك شاغلاني ف مش هلحقك يا مسكين ..
وقال بسخرية: ولا هكون مع (مروة) ومش هكون فاضي لك ...
ممك وقتها تستعين بماما ... هحاول الحقك عشان اكمل لعب بيك
يا نادر ..

مع السلامة يا صديقي العزيز وهنتقابل تاني قريب ... أقرب مما
تتخيل ... صحيح كلم ماما بقا ..
وتبدلت ملامحه لوش ماما ... إالي كانت عماله تقول: مالك
يا (نادر)؟ ..

لقيت نفسي نايم على السرير فتحاملت على نفسي وقعدت
واترملت في حضنها وفضلت أعيط زي الأطفال لمدة طويلة
وهي مصدومة وواضح إنها مش فاهمه أي حاجة!
دخل على صوت عياطي (بابا وأمنية) والي بالتالي اندهشوا جدًا
و(أمنية وماما) عيطوا على عياطي، وكلهم نفس السؤال:

مالك يا حبيبي؟

مالك يا ابني؟

مالك يا نادر؟

- مالي؟ طب أقول إيه وأحكي إيه؟ .. كل ده كان إيه أصلًا كابوس
ولا حقيقة؟ .. والي جاي هيكون ازاي؟!
أنا دخلت نفسي في مدار والخروج منه أصبح مستحيل!

الفصل الخامس

مجرد كابوس؟!!!

BOOK
STORE

يومين مروا عليا شبه فاقد النطق... لا عاوز أتكلم مع حد
ولا قادر أحكي حاجة لأي حد..

حط نفسك مكاني لو مررت بكل ده... هل هيكون عندك طاقة تحكي
أي حاجة لأي مخلوق؟

طب سؤال تاني: هل هيكون عندك طاقة تتكلم أصلاً في أي حاجة؟!

سؤال ثالث: هل هيكون عندك رغبة إنك تعيش تاني أصلاً؟

أجاوبكم أنا: أنا لا كنت طايق نفسي ولا طايق أبويا ولا أمي ولا
(أمنية) أختي..

أصبح عندي حالة من الرفض لكل حاجة... حتى للأكل..

حتى الجورنال إلي لسه كنت فرحان بتدريبي فيه... كلمتهم

وقولت إن حصل عندي حالة وفاة ومحتاج أجازة أسبوع فوافقوا لأنهم

يحبوني جداً

تحت ضغوط (بابا) وبكاء (ماما) المتواصل.. قررت أحكي لهم

خطوط عريضة

وخصوصاً إني فهمت إنهم شايفين إني من وقت اللي عملته في
(الوقاد) إني اتمسيت أو لبسني عفريت..

و ممكن كمان أكون دخلت في مرض نفسي طويل...

هو الحقيقة تقدر تقول إن الإختيارات كلها صح...

أنا اتمسيت من كل أشكال الجن والعفاريت..

ولبسني عفاريت الدنيا وزعيمهم الكبير (كساب)..

ودخلت في أمراض نفسية مش مرض واحد!

حكيت بعد ما عدا حوالي ثلاثة أيام يمكن حتى أربعة وللأسف زي

ما توقعت...

- قوم صلي.. انت بقالك مدة مش منتظم.

- انت أكلت إيه قبل ما تنام؟!

يا نهار إسود كل اللي حصل لي ده والرد:

انت أكلت إيه قبل ما تنام؟!!!!

إنتوا متخيلين يا جماعة، كل اللي حصل ده ويترد عليا: انت، أكلت إيه

قبل ما تنام؟!!!!!!

أنا مررت بأيام طويلة داخل القبر وقبلها يوم كامل على فرش الموت

في البيت

وأمي بتسألني: أكلت إيه قبل ما تنام!!

ثورث عليهم بسبب سؤال أمي... واعتذروا جميعًا ورجعوا للنقطة
البداية: انت بعدت عن ربنا.. الحقيقة هما مش كدابين.... أنا من
وقت ما سمعت اسم (الوقاد) لأول مرة في حياتي وأنا دينيًا بقرب
من الصفر..

وحاليًا حالي هو حال ناس كتير باصلي فرض وبسقط فرض، عندي
حالة من اللامبالاة.. بقيت متبلد دينيًا..

الحاجة إلي كنت حاططها رقم واحد في حياتي وهي رضا ربنا..
تراجعت جدًا المركز حتى مش قادر أشوفه عشان أقول لكم هو رقم كام.

أقر وأعترف بكل ده.... ولازم أفوق من الغيوبة إلي أنا دخلتها
بمحض إرادتي..

ويوم ما يجي زفت (كساب) ده تاني.. هكون مستعد له كويس أوي
بقربي من ربنا.... أما أشوفه هيعمل إيه ولا هيبعت لي (مروة)...
مروة!.. مروة!.. مروة!

أنا ازاي نسيت... يا خبر إسود... البنت دي... يا ربي.... أنا
نسيت كل اللي عملته فيا إزاي؟!
أنا لازم أروح لها البيت.. لازم أواجهها.. لازم أفضحها
قدام الكل....

أفضحها ليه بس؟

أنا لازم أساعدها... وأخرجها من تحت إيده تمامًا..

دي بقت تابعة ذليلة له وإلي يجنن إنها سعيدة بده!!

فوقت على صوت ماما: ماها (مروة) يا ابني سعيدة وتابعة لمين؟
إيه ده أنا سرحت وهمنا معايا واتكلمت مع نفسي بصوت عالي
وسمعوني..

ياترى سمعوا إيه تاني؟

قولت لها: يا ماما مفيش حاجة...

الباب خبط ولاقيت (أمنية) داخله بتقول: ياللا يا جماعه عشان
الأكل جاهز..

معرفش كانت إمتي هنا؟ وخرجت وعملت الأكل..

خرج بابا وماما....

وفضلت (أمنية)... جت عندي وقالت:

أنا مصدقك برغم إن الكلام صعب يتصدق..

بس أنا عارفك كويس وعارفه إمتي بتكذب وإمتي بتقول الحقيقة..

كل إالي قولته حصل أو على الأقل إنت مقتنع تمامًا إنه حصل.

قولت لها: هو مش انتي كنتي معاهم.. لما دخلوا خرجتني ليه؟

أمنية اتوترت: أنا كنت بجهز الأكل..

نادر: أكل مين ومن إمتي وانت بتجهزي أكل!!!

أمنية: لا ما هو أصل أنا جالي تليفون بردو ورديت عليه.

نادر: طيب يا أمنية.

كان وشها أصفر ومخطوف جدًا بسبب حوارني معاها!
بس مش فاهم ليه دماغي قفلت تمامًا...

طلعت أكلنا وكان غدا بس متأخر بسبب الجلسة اللي حصلت
وانا قاعد مبرايلى رن.. بصيت عليه لاقيت الشيخ (لطفي)... أد إيه
الراجل ده مجرد ذكر اسمه بيفرحني..
رديت عليه بلهفة زي الطفل..

نادر: أيوه يا شيخنا وحشني أوي والله.

الشيخ لطفي: وانت والله يا ابني.

نادر: ربنا يخليك يا رب.

الشيخ لطفي: مالك يا ابني.. إيه اللي جرالك؟

استغربت جدًا سؤاله! هو يقصد إيه؟

نادر: مالي! إزاي يعني؟!

الشيخ لطفي: يا نادر انت قعدت معايا زمن طويل وأقدر أعرف إنك
مش مضبوط.

نادر: شيخ (لطفي) متعودتش عليك بتلف وتدور أبدًا.

الشيخ لطفي: ولا بلف ولا حاجة.. أنا بسألك مالك؟.. فين اللف

في كده؟

نادر: حد حالك حاجة؟

الشيخ لطفني: أنا مستنيك بعد صلاة العشا في بيت عمك (مختار).

نادر: عمي (مختار) كمان؟! كملت....

الشيخ لطفني: هستاؤذك هقفل عشان صلاة المغرب.

نادر: حاضر اتفضل... وهاجي حاضر بعد العشا عند عمي مختار.

قفلت والتلاتة على السفره بيبصولي وعنيهم مليانه أسئلة لكن ساكتين..

قومت من على السفره.. دخلت الحمام.. مسلت إيديا واتوضيت عشان

أصلي المغرب.... ومش هقطع علاقتي بربنا تاني نهائي...

وفي الميعاد..

خرجت من البيت في اتجاه بيت ابويا الروحي من أول ما بدأت

(الحاج مختار)...

أول ما فتح لي الباب هو بنفسه حسيت زي ما أكون بقالي سنين

مشوفتوش..

طبعا بسبب اللي مریت به..

دخلت معاه للصالون لاقيت الشيخ (لطفني) قام وقف وفتح لي إيديه..

اترميت في حضنه وانفجرت في العياط... سمعت صوت عم (مختار)

بيكي

ويقول: لا حول ولا قوة إلا بالله.. مالك يا حبيبي؟... أنا السبب

في كل ده..

أنا اللي وصلتك للحالة دي.. الجملة دي سمعتها وأنا ميت على سريري!

أما الشيخ (لظفي) ففضل يطبب عليا زي الأطفال وسندني وقعدني وبدأ يرقيني.....

عم مختار: يا نادر يا ابني فيه إيه؟

نادر: معلش شوية توتر وهبقى كويس طالما أنا وسطكم.

عم مختار: لأ مش توتر.... أنا عارف.

نادر: عارف.... عارف إيه؟

عم مختار: ما تتكلم يا شيخ لظفي.

نادر: ما تتكلم يا شيخ ما هو ادالك الإذن.... اتكلم.... اتكلم.

الشيخ لظفي: أهدي بس يا نادر يا ابني.

نادر: أهدي إيه وزفت إيه؟!

عم مختار: جرى إيه يا نادر... هو أنا غريب عنك!

الشيخ لظفي: اسكت يا حج (مختار) شويه من فضلك.. نادر

يا ابني أنا عرفت التجربة إلي مريت بها وجيتلك النهارده أنا وعمك

(مختار) عشان لو فيه حاجة نقدر نعملها هنعملها مش هنتأخر ثانية.

نادر: هو سؤال مالوش تاني.... عرفت منين؟

عم مختار: جرى إيه هتمسك في الهايفه بقا.

نادر: لو سمحت يا عم (مختار).. بابا صح؟

الشيخ لطفني : لأ يا ابني .. أختك (أمنية) كلمت عمك (مختار).
عم مختار: كلمتني وكانت هتموت عشانك وحكيت لي حاجات
غريبة.

وطلبت مني أتصرف .. فمكانش فيه غير الشيخ (لطفني) حكيت له
كل حاجة ... هو ده إلي حصل يا ابني والله العظيم.

- وقتها ربطت لما (أمنية) سابتهم وطلعت تجهز الأكل وقالت لي كان
معايا مكاملة .. يبقى دي المكاملة.

دخل حد من ولاد عم (مختار) ودخل بالشاي ويسأل: نجيب العشا
إمتى .. وانتوا طبعًا عارفين عم (مختار) وكرمه إلي يخنق
فلما سألنا أنا والشيخ لطفني ردينا في نفس واحد: وقت ما تحب:

بدأت أحكي .. بس المرة دي حكيت بمتهى الدقة بكل التفاصيل
وكل ما كنت أنسى جزء أرجع له وأحكيه من تاني ..

كل اللي حكيتة ليكم حكيتة ليهم ... استغرقت يجي ساعة
بتكلم لو حدي ... وعم (مختار) فاتح بوقه على الآخر وابنه جه سأل:
نجيب العشا؟ .. زعق فيه وقاله: اطلع بره دلوقتي ..

والشيخ (لطفني) بييجي عن نقاط معينة يهز دماغه ونقاط تانية أحس
إن وشه إسود ... حاجات تالته ألاقى بوقه بيتحرك وغالبًا
يا بيستعيز بالله من الشيطان الرجيم يا بيقول «ذكر ما»

أو بيقرأ قرآن..

انتهيت من رواية كل اللي حصل ورجعت براسي
لورا على الكنبه من التعب والإجهاد... وبدأ عم (مختار) والشيخ
(لظفي) التعليق والأسئلة ليا.

- (الوقاد) لسه عايش يعني.. طب ازاي؟

- مروة حطت فعلاً عمل أو طلسم في بوقك؟

- طب انت كنت ميت وشايفك إزاي يعني؟

- إشمعني (أمنية) شافت إيدك؟

- طب لما دخلت القبر.. الطفل إلي شوفته ده مظهرش لك تاني

خالص يا نادر؟

- مقالكش تعمل إيه ويبعد عنك اللي اسمه (كساب) ده؟!؟

- نادر انت أخذت أي أدويه غلط؟

رديت عليهم يانه لو كان عندي إجابات مكنش ده بقى حالي.. أنا

حكيت لكم كل اللي حصل بالتفصيل وأعتقد أن الدور عليكم تقولوا

رأيكم وانت يا شيخ (لظفي) تحديداً تفسر لي ده إيه؟

انتوا طلبتوا تعرفوا كل اللي حصل وأنا عملت دوري وحكيت

وأدينني مستني أسمع....

فضلوا الاتنين ساكتين شويه يبصوا لبعض شويه ويبصوا في الأرض

تطوع عم (مختار) واتكلم:

يا (نادر) أنا هقول إالي شايفه .. بس طبعًا الكلمة الأخيرة للشيخ
(لطفني) .. ما هو لا يفتى ومالك في المدينة ...

انت اللي حصل لك ده حقيقي .. ما هو أصل انت ما بتلعبش مع حد
قليل ... انت بتلعب مع الملعون ابن الملعون ... انت فاهم انت عملت
إيه؟ انت مَوّت له أبوه ... أبوه ده كان بيع الكل بيخافوا منه وبيعملوا
له مليون حساب ..

ده احنا كنا لما بنزل العزبة الغربية إالي بيته فيها كنا ندور على أي
شارع ان شالله يكون أطول عشر مرات ولا إنا نعدي بس قدام بيته ..
(الوقاد) كان حاجة كبيرة أوي وقدر يعمل من نفسه أسطورة وحكاية
كبيرة أوي أوي ... جيت انت كده هديت لهم كل ده ...

انت مش عارف الناس بره بتقول عنك إيه ..
دول بيقولوا إنك عندك كرامة .. والي يقول إنك مخاوي جن شديد
جدًا هو إالي مكنك من (الوقاد).

نادر: بس بردو بيقولوا إني هتلعن ومش هتعددي الحكاية على خير
وغالبا ده اللي حصل يا عم (مختار) .. وكانوا بيقولوا إني هتسبب لهم في
حياة تعيسة لأن الكل عارف إن (كساب) أسوأ بكثير من (الوقاد) ...
وإن (الوقاد) كان كل هدفه يكون ثروة وخروجه من بيته كان شبه معدوم
بسبب خوفه من انتقام الجنية السوداء مرات (عثمان) .. أما (كساب)
فهيكون موجود وهيطلع لهم في كل حته وهيقلب حياة الكل جحيم وإن
السبب في ده كله أنا يا عم (مختار).

دول مستئينه يظهر عشان يعملوا وفد منهم يروحوا يعزوه! ومش
بس يعزوه... لأ كمان هيقدموه له اعتذارات وفروض الولاء والطاعة..
ومش بعيد أستغفر الله العظيم يقدموا له قرابين..

عم مختار: أهل البلد لو سمعوا اللي أنت حكيتة والي حصلك
هيعملوا أكثر من كده.. عشان كده يستحسن متحكيش الكلام ده تاني
بعد النهارده..

لأن أنا زي ما بقولك إني شايف إن (كساب) عنده قدرات غير أبوه
خالص وهو اللي عمل فيك كل ده فعلاً..

نادر: إزاي يعني هو القبر والحساب داخل القبر.. حد يعرف عنه
حاجة.. ولا حد يقدر يتدخل فيه يطلع إيه ويدخل إيه... لأ وكمان
يجيلك يزورك في القبر ويوقف عذاب القبر ويقولك كفايه عليك كده..
وبإشاره منه أرجع تاني أحياء بعد ما كنت مت؟

عم مختار: يا ابني إنت سألت رأينا إيه.. وأنا قلت فاضل الشيخ
(الطفي) يتول وكلامه أكيد هيريجنا كلنا.

نادر: ناسخ (الطفي) أنا واخد بالي إنك ساكت خالص ومش عاوز
تعلق.. مش هتقولنا رأيك.. أنا يهمني أسمع رأيك.

- الشيخ (الطفي) فضل ساكت ومعلقش خالص:

نادر: الله هو أنت مش عاوز تقول حاجة، ولا تكون مش مصدقني؟

- صمت طويل من الشيخ (الطفي)...

نادر فوده 2 كساب

عم مختار: إيه يا شيخنا سكوتك قلقنا أكثر.

نادر: خلاص يا عم (مختار) سيبه براحتة.

الشيخ لطفي: كابوس..... مجرد كابوس!

نادر: إيه!

الشيخ لطفي: أيوه..... كل ده كابوس.... محدش يا ابني يقدر يموت
ويبعث ويحاسب من الإنس أو الجن.... وانت لسه قايل الكلام ده من
شويه.

نادر: بس يا شيخ أنا عارف إني عشت كل ده..... والموضوع كان
مرتب جدًا ومنظم زي عذاب القبر اللي أعرفه.. حتى النقط اللي أنا
شايقها هتحصل وانت مش مقتنع بيها حصلت لي.

الشيخ لطفي: عشان كده هو كابوس... بس كابوس معمولك
مخصوص..

كابوس متفصل على مقاسك.. على مخاوفك وعلى قناعاتك
ومعتقداتك.

بص يا (نادر)..

(كساب) في الآخر بني آدم لو ضرك هيضرك وانت عايش....

لكن إنه يموتك ويصحيك طبعًا ده مش بتاعه.... ولو سلمنا بده
هنكون مشركين بالله.

(كساب) سلط عفاريتہ عليك.. عرفوا تصورک للموت شكله إيه ..

يعني مثلاً:

- لما أموت مين هايزعل عليا؟

- لما أموت مين هيدخل يغسلني؟

- التكفين إزاي؟

- مين له مصلحة في أذيتي؟

- مين هيدخل معاك القبر؟

- مين آخر واحد هيخرج؟

- عذاب القبر من منظورك إنت إيه؟

- انت كل اللي شوفته جوه القبر ده تصورك عن عذاب القبر... ده

فيلم انت أخرجته و(كساب) عيشك فيه.

- ضمة القبر.

- الكائن الغريب.

- باب الجحيم.

- حفرة جهنم.

وفي الآخر جه هو وأثبت لك إن كل ده هو اللي وراه وإنه لسه هيعمل

كثير.

- صدقني النبي آدم ده خبيث وعرف يدخلك صح.

نادر: يعني كل ده كابوس هو اللي صنعه؟

الشيخ لطفی: تقدر تقول آه.

نادر: يبقى هو هيوريني الذل في كل أحلامي اللي جايه.

الشيخ لطفی: معتقدش لسببين.

أولاً: لأنه مريض وخييث وعنده نرجسيه أكثر من أبوه.. هو مش هيحب بيان قدامك إنه قليل الحيله ومعدوش غير طريق انتقام واحد... بالعكس هيحب يستعرض عضلاته جداً معاك الفترة الجايه بحاجات غير متوقعه..

نادر: الله يطمنك..

عم مختار: وثانياً؟

الشيخ لطفی: عشان انت هيكون جواك يقين إن أي حلم هيجيلك وقلب بكابوس إنه هيكون هو وراه...

مش وانت نايم ساعات كده يبقى كابوس وحش وتلاقيك عمال تقول لنفسك: «أنا بحلم... أنا بحلم... وهصحى دلوقتي.»

عم مختار: آه والله صح... ده أنا في مرة حلمت إني بخنق مراتي وماتت وأهل البلد كتفوني وكانوا عاوزين يحرقوني.. وفضلت أقول أنا بحلم.. أنا بحلم.. لحد ما صحيت.

الشيخ لطفی: لأ.. ده عقلك الباطن يا (مختار)... انت عاوز تموتها (وضحك)..

مهما عمل معاك في موضوع الكوابيس ده مش هيكون بنفس

تأثير أول مرة.

نادر: طب والحل؟

الشيخ لطفني: تقصر معاه وتوصل معاه لشكل اعتذار.

نادر: اعتذار... أنا موّت أبوه... مش هيهدي غير لما يموتني. وانت يا شيخ لطفني إيلي بتقولي أعتذر له!

الشيخ لطفني: طب مموتكش ليه... هو كان ممكن بعد الكابوس ده يموتك بالفعل.

نادر: معرفش.

الشيخ لطفني: (كساب) مش عاوز يموتك... (كساب) مستمتع بالحالة إيلي انت فيها دلوقتي... موتك مش هيشفي غليله... متقلقش مش هيموتك خالص.

نادر: أوعلى الأقل مش دلوقتي.

- أعطى عم (مختار) الإشارة لأهل بيته فنزل العشا المفتخر وقال نوقف الكلام وناكل إحنا الوقت خدنا وأنا جوعت أوي.. أكلنا وتعمدنا احنا التلاته منفتحش الموضوع واحنا بنتعشى لأنه بصراحة كفاية كده أوي.....

بعد الأكل والشاي استأذنا وخرجنا أنا والشيخ (لطفني) واتفقنا نكرر القعدة.. بعد يومين.. بعد إلحاح شديد من عم (مختار)

اتمشينا أنا والشيخ (لطفني) ودار الحوار الآتي:

الشيخ لطفني: مش عاوزك تخاف من إيلي اسمه (كساب) ده يا (نادر).

نادر: ربنا يستر.

الشيخ لطفني: أنا عاوز أعمل لك كذا يوم ورا بعض رقية شرعية... لازم تتحصن يا (نادر) يا ابني من الخدم والفقاريت بتوعه.

نادر: ودي هتنفع معاه؟!!

الشيخ لطفني: آه هتنفع بأمر الله.. إحنا بناخد بالأسباب ولازم ثقتك في ربنا تكون أكبر من كده يا (نادر) وبعدين انت جراك إيه؟.. ده (نادر) اللي كان مثال جميل للقرب من ربنا!

أنا عارف من يوم ما سألتني عن اسم (الوقاد) إن اللي جاي مش هيكون كويس أبدًا...

إنت دخلت حته.. الخروج منها بيكون بأذى كبير.. أنا مش ناسي أول مرة سألتني عنه.. حسيت إن باب من أبواب جهنم اتفتح في وشي..

افتكرت مراتي وافتكرت كل الشر اللي اعرفه عن النبي آدم ده.

نادر مقاطعًا: خلاص يا شيخ (لطفني)... أنا عارف كل ده... مش لازم كل ما أقعد معاك إنت وعم (مختار) تفكروني إنكم نبهتوني وحذرتوني وإن أنا السبب في كل الشرور اللي حصلت للعالم كله!

الشيخ لطفني: مش القصد يا ابني والله... أنا آسف.

نادر: خير خير يا شيخ (لطفني).


الشيخ لطفني: طيب أي حاجة تحصل.. خيليني معاك يا (نادر) في الصورة وطلب أخير.

نادر: خير يا شيخنا؟

الشيخ لطفي: عاوز أشوفك في الجامع.. ارجع صلي في الجامع.. والله
كل حاجة هتتحسن بأمر الله.

نادر: حاضر يا شيخ (لطفي).... بأمر الله.

وكل واحد روح بيته..



الفصل السادس

لم يكن كابوسًا

BOOK
STORE

حلت البيت ودخلت مباشرةً على أوضتي... وقفلت الباب وقعدت
على السرير أقلب كل كلام الشيخ (لطفي) في دماغي... كلامه منطقي
جدًا بس فيه فرق وشعره بسيطة بين الحلم والحقيقة... حتى وانت بتحلم
بتبقى مدرك الفرق ده..

وكمية التعذيب والألم إالي حسيت بيه.. ده مستحيل يكون كمان ألم
أحلام.. لأ يا جماعه مش ممكن!.. أنا عارف إنه حقيقة...

- حسيت بنكش تحت السرير.. بصيت ملقتش حاجة.. رجعت
قعدت تاني.. حاجة مسكت رجلي... اتنظرت من مكاني... قومت
وقفت بس الحاجة دي فضلت ماسكه...

بصيت لاقيت إيد طفل ماسكه رجلي ومتبته عليها..

فضلت أهز رجلي بعنف لحد ما الإيد سابت رجلي وصاحبها سحب
دراعه تاني تحت السرير بسرعة..

رجعت لورا ويطت لاقيته وشوفت وشه.. نفس الطفل اللي جالي في
القبر..

يعني مكنتش بحلم.... ولا إيه؟

عينه كانت بتنور زي عيون القطط في الضلمه... وبدأ يزحف ويخرج
من تحت السرير..

وقام وقف «هو طفل عادي» بس دايرة عينيه مشقوقه طولياً زي القلط ولون بشرته شاحب جداً جداً..

نادر: انت عاوز مني ايه؟

الطفل: مكنتش بتحلم.

نادر: عاوز مني ايه؟

الطفل: مكنتش بتحلم يا نادر.

نادر: انت علققت.

الطفل: (كساب) بيقولك مكنتش حلم.

نادر: قول له (نادر) بيقولك ما تيجي تقول الكلام ده بنفسك ولا مبيظهرش غير في الأحلام بس.. وبيخاف يواجهه في الحقيقة؟

الطفل صرخ: بقولك مكنتش حلم... أخبار عضمة الأفعى ايه خفت ولا لسه؟

- أول ما قاللي كده حسيت بألم رهيب في كتفي ورقبتي في نفس مكان عضمة الأفعى في القبر..

ألم فاكره كويس حسيت بيه وانا في القبر وهي ملفوفة حواليا مكتفاني ورفعت راسها وعضتني من كتفي ورقبتي..

واترسمت ضحكة سخيقة على وش الطفل...

قعدت في الأرض من الألم.. مقدرتش اقوم وزحفت ناحية مرايتي وتحاملت على نفسي وقومت وقفت قدام المرايه وكان المنظر بشع عامل زي المدبوح دم مغرق رقبتي وقميص اتحول للون الأحمر من الدم..

ورقتي فجأة انفجر منها نافورة دم.. حطيت إيدي عشان أمنع
الدم... بس أمنع إيه.. ده الدم كان فعلاً نافوره... بدأت أحس بفقدان
الوعي... أو يمكن ده الموت..

بدأت ملامحي تتبدل في المرايه واتحولت لمامح وش (كساب).
كساب: انت فاكر فعلاً إني خايف أجيلك!.. انت مصدق نفسك!
والأهبل إلي قالك إنه كابوس لما يلاقي رقتك مدبوحة هيبقى صدق
ولو لمرة واحدة في عمره.... طول عمره (الوقاد) كان بيقول عليه الغبي
الأهبل...

- جيت أتكلم لاقيت صوتي عبارة عن حشرة زي حشرة خروج
الروح من الجسد.. والدم عمال ينزل وغرق الأرض وبقا حواليا بحر دم.
كساب: الحاجة الوحيدة إلي (لظفي) قالها لك صح.. إني مش
هموتك..

الموت راحة ليك من اللي هعمله فيك... أنا هو صلك لآخر لحظة قبل
الموت وبعدها هلحقك عشان ألعنك من جديد... وخلي بالك أنا مهدي
اللعب معاك والمره دي بموتك موته بطيئة... سلام.

واتحول وشه لوشي... بس وشي اتغير بقا رمادي غامق مفيهوش
نقطة دم وعينيا برزت وجحظت بشكل مخيف وعضم وشي برز لبرا

شوفت ورايا الطفل وقال لي: «مع السلامة يا (نادر) وهنقابلك في
لعنة وانتقام جديد إذا كان في عمرك بقيه!»

(كساب) مأمرش الجن المره دي بإيقاف العذاب...

معقول نسيك ولا قرر يسيك تموت.

- الغريبه إن رجليا مش شايلاني.. لكني مش عارف أقع على الأرض.. حاجة مثبتاني قدام المرايه زي الصخرة!
اتشاهدت من جوايا.... واستسلمت للنهاية!

باب أوضتي اتفتح ولاقيت (بابا) بيقول لي: «خبيبي أحسن حاجة عملتها إنك قعدت مع الشيخ (لطفي). قرار سليم جدًّا... صغر جديد كنت مديلو ضهري وبيبص لي من خلال المرايه...
إزاي مش شايف إالي أنا فيه ده!

كامل كلامه وبدأت ملاحني تتبدل وبدأ الدم يعود لداخل رقبتني بسرعة.. بيتجمع من كل حته من على رقبتني وهدومي ومن على الأرض!
بدأ لوني يعود لما كان عليه في الأصل...
وعدت للدنيا مرة أخرى... وفوقت على (بابا) وهو بيتكلم وهو مش شايف أي حاجة من إالي بيحصل:

والدي: بس هو بيقول إنك هتكون كويس ده طمني...

نادر (وانا باخد نفسي بصعوبة بالغة): آه إن شاء الله يا بابا.

والدي: وكمان قال لي إنك هتروح له يرقيك ويعملك تحصين.

نادر: آه.... إن شاء الله.

والدي: إيه إالي في رقبتك ده؟

- أول ما قال كده.. بصيت على رقبتني لاقيت مكان أنياب الأفعى.

نادر: أنت شايفها يا بابا؟

والدي: أيوه رقبته فيها حاجة زي خروم... أو عضة!

نادر: بابا أنا محتاج أنام.. ممكن تسييني شويه؟

والدي: حاضر يا ابني.

خرج وقفل باب الأوضة.. وأنا اترميت على السرير.. اترميت والله أعلم أول ما اغمض عينيا هيحصل إيه؟

- هنام لأنني محتاج جدًا أنام.

إرهاق..

مجهود..

كوابيس وأحلام مزعجة..

ونوم مقلق متعب محتاج تقوم منه عشان ترتاح..

تقريبًا كنت عامل زي الطالب ليلة الامتحان.. عمال أراجع كل إلهي حصل..

ويتعاد ويتعاد ويتعاد بتفاصيل أصعب...

صحيت زي ما أكون كنت في حرب شرسية... قايم جسمي واجعني..

كل جسمي حرفيًا ومكان عضة التعبان تحديداً واجعني جدًا..

خلاص النهارده آخر يوم في أجازتي ومن بكره هرجع الجورنال..

عندي أمل اشتغل في المكان واتثبت فلازم ارجع اشتغل أفضل


من الأول..


نادر فوده 2 كساب

بس النهارده عندي مهام أو تحديدًا هي مهمة واحدة لازم أخلصها
وبعدها هقفل الموضوع ده نهائي.. مهمة تتلخص في كلمة واحدة...

(مروة).

أکید عندها كلام وكلام مهم جدًا.. مش هخرج من عندها غير وأنا
عندي معلومات كثير..





فطرت واتحركت من البيت .. كانت الساعة واحدة ونص الظهر ..
غيرت هدومي وخرجت رايح بيت خالتي (صفية)

أول ما خالتي فتحت الباب خدتني بالحضن ..

خالتي صفية: حبيبي يا (نادر) يا وش الخير دايباً.

نادر: إزيك يا خالتي .. عامله إيه؟

خالتي صفية: طالما شوفتك أكيد كويسه الحمد لله.

نادر: أو مال (مروة) فين؟

خالتي: طب أقعد وارتاح طيب .. (مروة) خرجت وزمانها جايه ..

هكلمها تيجي ومنتأ خرش.

نادر: خرجت فين؟

خالتي صفية: راحت لـ (هبة) صاحبها عشان فرحها بعد يومين ..

بقالها أسبوعين بتروح لها كثير.

نادر: أسبوعين آه.

خالتي صفية: تشرب إيه؟

نادر: أي حاجة يا خالتي منك حلوة.

خالتي صافية: وماما ازيها.... إستنى الباب بيفتح أهو... شوفت
أهي (مروة) جت من غير ما نكلمها يا (نادر).

- دخلت (مروة) ولما شافتني ابتسمت.. حسيت إنها جايه وعارفه إني
موجود.. مش عارف ليه.

- مروة: أهلاً يا (نادر).. منور بقالك كثير مجتث عندنا.

- نادر: لا ما أنا هاجني كثير الفترة الجايه...

- مروة: إشمعنى.... وضحكت.

نادر: عشان تبلغيه.

مروة: أبلغ مين؟

نادر: إلي مشغلك عنده.

مروة: تقصد إيه.. أنا مش فاهمه حاجة؟

نادر: إنتي فاهمه قصدي كويس.. أنا أقصد إيه ومين!

مروة: أقسم بالله ما فاهمه حرف واحد من اللي انت بتقوله!

نادر: والله العظيم!!

مروة: نادر... انت كويس؟

نادر: طبعاً كويس... بلغيه إني كويس وعائش وزى الفل.

مروة: هو مين يا ابني... انت اتجننت؟!

تدخلت خالتي (صافية) وقالت:

جرى إيه يا ولاد في إيه؟.. مالك يا (نادر) يا حبيبي؟

مين يا (مروة) ده إلي (نادر) يقصده ومزعله كده؟

مروة: أنا عارفه!!... أهو عندك اسأليه.

نادر: إيه كمية التمثيل ده كله؟.. إنتي مش دخلتي عليا وأنا ميت؟
- قاطعتني (مروة) ضاحكة: دخلت عليك وانت إيه؟.. اتفضلي يا
ماما!!.. (نادر) انت جاي تعمل فينا مقلب!!
خالتي (صفية) ضحكت وقالت: بيهزر معاكي يا (مروة).. ابن
خالتك عادي يعني..

- نادر: وحطيتي في بوقي الطلسم.

- مروة: آه وقطعت جشك حنت.. وحطيتها في أكياس ورميتها
في النيل.

- نادر: مش وقت استظراف خالص!

- مروة: لا فعلاً.. هو وقت شغل المجانين إالي انت بتعمله ده. إيه
شغل (هاري بوتر) اللي انت جاي بتقوله ده؟!..

- نادر: مش جيتي لي عند القبر بتاعي وفضلتي تجبطني!

- خالتي صفية: لا حول ولا قوة إلا بالله... مالك يا ابني؟!..

إيه إالي جراك يا (نادر)... في إيه يا ولاد مالكو؟

أنا مش مصدقه يا (نادر) إنك بتقول الكلام الغريب ده!

- مروة: يا ماما ده (نادر) يعني... يبحب يهزر هزار غريب شويه زي
ما حضرتك لسه قايله...

لو سمحتي يا (ماما).. اعملي لنا حاجة نشربها ولا ناكلها عشان
(نادر) يبطل يقول الكلام العيب ده...

ويقفل برنامج الكاميرا الخفيه ده بقا.. عشان بقا بايخ وغلس أوي..

- بدأت أسأل نفسي: هو اشمعنى (مروة) إالي شايفها حقيقة.. طب
ما معظم الحاجات إالي شوفتها طلعت حاجات محصلتش أصلاً..
وبعدين انت داخل فيهم شمال كده ليه؟!
وكأنها فعلاً كانت موجودة وانت ميت؟.. ده على اعتبار إنك كنت
أصلاً ميت!

..... أنا خلاص هتجنن ...

لو هو عاوز يوصلني للمرحلة دي فلأسف هو نجح بجدارة
وبامتياز كمان إنه يخليني ألف حوالين نفسي وأشك في أقرب الناس ليا
حتى أهلي!

بدأت أدرك إني هخسر الناس واحد ورا التاني بسبب الملعون ده!
وده أكيد جزء من خطة انتقامه مني.

دخلت خالتي (صفية) المطبخ وفضلت أنا و(مروة) ساكتين كل
واحد فينا مستني التاني يتكلم...
نظرات (مروة) ليا مخرجه جداً.. حاسس إنها عاوزه تقوم تديني
بالقلم....

عاوز أتكلم بس مش عارف أبدأ منين؟؟؟.. أفضل حاجة أبدأ بيها
إني أعتذر.. أعتذر عن كل اللي عملته فيها قبل كده
واستغلاها بالشكل البشع اللي عملته في لقاءتي مع (الوقاد)

وبعدھا أعتذر عن اتهامي الغبي ليھا كمان إنها متآمرة مع (كساب) ضدي....

مش كفاية اللي عملته قبل كده... لأ كمان جاي أقولھا الكلام ده... منك لله يا (كساب) انت وأبوك وأمك (حفيظة)..

كان لازم حد يفتح الكلام..

نادر: مروة.. أنا.. أنا.. أنا..

مروة: إيه إيلي أنا.. أنا.. أنا... اتخرست دلوقتي بعد كل اللي قولته يا (نادر)!!

نادر: يا مروة اديني فرصة واسمعي.

مروة: اتفضل.

نادر: أنا مزيت بحاجة صعبة أوي... مش حاسب أحكيھا لأني كل ما بحكيھا بتعب نفسيًا جدًا..

(كساب) بينتقم مني... بس بطريقة أبشع من الموت مليون مرة.. أنا بقيت اتلفت حواليا وأنا صاحي..

وقبل ما أنام أفكر وأتخيل.. ياترى إيه من الكوارث هشوفه في كوابيسي كل ليله!؟

مروة: أنا مش فاهمه حاجة.

نادر: كل اللي بطلبه منك تسامحيني.. أنا غلطت في حقك أكثر من مرة وانا بدفع تمن غلطتي ده كبير أوي.

مرّوة: والله؟ واعتذارك ده كان فين من زمان... كان فين من يوم
ما ودتني لـ (الوقاد)؟

كان فين يوم ما اتكتفت في كرسي زي الكلبة؟.. كان فين لما اترميت
في تربة لو حدي وعفريت يبجي لي كل ساعة يبص عليا ويصرخ ويمشي؟
كان فين بعد ما (الوقاد) مات وانت أصبحت الفارس ومهانس
عليك تسأل انت عملت إيه في حياتي؟

أقولك على حاجة يا نادر؟

نادر: اتفضلي.

مرّوة: انت جيت تعتذر بعد ما الدنيا بدأت تتعك على دماغك غالبًا
من جديد... عارف ليه؟
عشان انت إنسان أناني ومبتفكرش غير في نفسك.. حتى الاعتذار ده
بردو لنفسك يا (نادر).

- كلام (مرّوة) نزل عليا زي جردل الميه المتلج... معنديش أي تعليق
ولا حاجة أدافع بيها عن نفسي!

مرّوة: ساكت بردو!.. عرفت إنك مكشوف أوي يا (نادر) بيه؟!

نادر: عرفت...

- مرّوة سكتت شويه وسألتنى: بالمناسبة الحلوة دي.. أخبار

العضة إيه؟

- نادر: عضه إيه؟

- مرّوة: العضه دي.....

وقامت مروة فجأة وانقضت عليا وضغطت على رقبتني مكان العضة
وقالت لي: دي.. دي..

اتألمت جدًا وزقيتها لورا....

مروة: لسه بتوجع صح؟

نادر: يبقى أنا... إنتي

مروة: أنا أنا.. إنتي إنتي.... مالك يا بابا... انت فقدت النطق ولا إيه؟
بس تنكر أن سيدك (كساب) علم عليك وخلاك تشوف الموت
بعينيك؟

نادر: سيدي (كساب)!

مروة: سيدك وسيدي... فاكر يا (نادر) الحته لما أنا خبطت عليك؟..
كل ما أفكرها أضحك أوي..

وانت غلبان وبترد عليا زي الفار المزنونق في المصيدة..

نادر: حته!! هو كان فيلم؟ ولا حلم ولا حقيقة؟

مروة: لا يا عم مليش دعوة... ممنوع أتكلم في النقطة دي بالذات...

بس تصدق يا (نادر) إن أنا فرحانه فيك أوي...

كنت مصدق نفسك أوي وععيش دور مش دورك... طول عمرك

رخم وغلس ولما صدقت نفسك خدتنني كوبري....

أهو جالك اللي هيدونس عليك بالجزمة وبمساعدتي... بساعده وأنا

مرحبة جدًا وسعيدة جدًا جدًا..

ولسه اللي جاي هيعجبك أوي... سيدي محضر لك شوية مفاجآت

إنما إيه تحفة يا (نادر)... تحفة.

- حسيت إني قاعد قدام واحدة مختلة عقليًا.. طول ما بتتكلم عينيها
بتلمع ومبرقه والضحكة مش مفارقة وشها....
مش ممكن تكون طبيعية أبدًا..

مروة: روح اجري على الشيخ (عطوط) بتاعك عيط له واحكي له
واتعشى معاه.. يمكن يعملك حاجة..

نادر: مروة إنتي عارفه إنتي بتعملي إيه في ابن خالتك؟

مروة: دلوقتي افكرت انك ابن خالتي... الله يرحم!

نادر: قولي له هو عاوز إيه مني؟

مروة: ولا حاجة... بيريبك بس كده... وببيديك درس.. وفي الآخر
هيردلك القلم.

نادر: خلاص يموتني ويخلصني.

مروة: ده بعينك... هو عشان كده بيقول عليك غبي.

مروة: متقلقش فاضلك شوية لعنات انتقام هيعدوا هيعدوا.. وبعدها
هترتاح الراحة الأبدية.. بس قول انشالله..

بس فيه حاجة (كساب) قالها ليا عاوزاك تاخذ بالك منها.. بيقول إن
آخر لعنة هي آخر يوم في عمرك.

شكله كده يا (نادر) هيموتك فاجهز بقا.. هنيالك مكتوبالك
يا عم على إيد سيدك.

نادر: إنتي جراللك إيه؟.. انتي فرحانه إني هموت؟

مروة: مش فارقه الحقيقة... أنا ليا سيدي (كساب) يكون راضي...
نادر: أرجوكي يا (مروة) قولي لي بما إنك واصله كده وأول مرة
أكتشف إنك قوية بالشكل ده.... ده انتي حتى (كساب) شكله
مبيستغناش عنك..

قولي لي كان حلم ولا حقيقة؟.. (حاولت أفخم وأعظم فيها عشان
أخذ إجابة لسؤالي):

مروة: طبعا أنا مهمة وكويس إنك فهمت ده.. هقولك وربنا يستر..
الي حصل ده حاجة كده غريبة عبارة عن كابوس... نور الأوضه
ارتعش... قالت لي: شايف هيلغوه.
نادر: يبقى انت ضعيفة.

مروة: لا يا حبيبي الجن الي مسخرهم (الوقاد) وورثهم
ل (كساب).. وخصوصا تلاته كانوا خدام أبوه دخلوا جوا الكابوس ده
وغيروا في تفاصيله..

وكل واحد فيهم جسد لك نخاوفك انها حقيقة.. عشان الكابوس
يوصل لأكثر درجة من الواقعية.. والألم يبقى محسوس جدا وتخرج من
دايرة إنه كابوس يعني..

تقدر تقول كده كابوس حقيقي واقعي..
شافوا تخيلك الخاص عن القبر واتجسدوا لك بتفاصيل ظنونك دي
عشان يقضوا عليك... زي الطفل لو رسم صورة للعفريت وانت لبست
زيها وطلعت له ممكن يموت فيها!

نادر: طب وانتي دخلتي إزاي؟

مرودة: ده موضوع طويل.

نادر: احكي أنا عندي استعداد أسمع.. واللي يهمني أسمع كمان

إنتي ليه بقيتي تابعه له كده.. عملتي في نفسك كده ليه؟؟

مرودة: ملكش فيه أنا مبسوطة وبعدين انت مالك يا أخي.. كلمة تانية

ومش هعرفك أنا جيت لك إزاي القبر وانت أصلاً مموتش!

نادر: خلاص خلاص.. احكي اللي انتي عاوزه تحكيه يا (مرودة).

- دخلت خالتي (صفية) علينا بصينيه فيها سندوتشات وكوبايتين

عصير.. تقولش طالعين رحلة مثلاً!!

لسه هتقعد.. (مرودة) قالت لها: ماما أنا محتاجة أقعد شويه مع (نادر).

خالتي صفية: حاضر بس كنت عاوزه أسألك إيه الأخبار حصلش

جديد؟

مرودة: مش وقته يا ماما.

خالتي صفية: طب عاوزه أقولك إن طليقتك عاوز يقعد معاكي..

الراجل متمسك بيكي جداً.. حرام عليك يا بنتي هو أولى.. لسه هتقعد

مع ناس منعرفهاش.

مرودة: ماما الصفحة دي اتقفلت والبركه في الشيخ (نادر) وأعوانه....

وبصيت لي

خالتي صفية: صحيح.... وأنا اللي كنت فاكره شيوخ (نادر)

هيرجعوكي أتا ريهم عفرتوكي زيادة.. مرتاحتيش غير لما اطلقتني..

وبرغم كل ده الراجل لسه باقي عليك يا بنتي.

مروة: مش خلاص بقا! ممكن تسبينا لو حدنا شويه يا (ماما) بقا؟

خالتي صفية: براحتك يا بنتي... بعد إذنك يا (نادر) يا ابني.

- انسحبت خالتي في هدوء وحزن على حال بنتها.. أو مال لو تعرف

اللي بنتها فعلاً فيه هتعمل إيه؟!!

نادر: أو مال لو عرفت موضوع سيدك وتاج راسك؟!!

مروة: هتعرف متقلقش... كله في وقته... اطلع انت منها.

نادر: المهم خالينا في موضوعنا.

مروة: لأ فيه أهم من موضوعنا.

نادر: إيه؟

مروة: إنك تكون خادم لسيدك (كساب) وبعدها هيسامحك.

نادر: سيدك إنتي يا محبوبه.

مروة: هنرجع لللعك تاني؟!!

نادر: احكي وملكيش دعوه بيا.

مروة: كنت يومها هنا في البيت لاقيت (كساب) بعت لي إنه عاوزني

ضروري فروحت له..

نادر: روحتي له فين؟

مروة: نفس بيت سيدنا (الوقاد).

أول ما روخت قال لي إنه هيحطني في امتحان كبير وهيشوف هنجح

فيه ولا لأ.. إني أفهم اللي قالوا أبداً!

فقال لي تعالي ورايا.. فاكرا الأوضه اللي كان أبوه بيقعد فيها... قعدنا
فيها وضمّم النور تمامًا.. بقيت مش شايفه أي حاجة....
وطلب مني أغمض زي ما (الوقاد) عمل معايا زمان و حذرني من
إني أفتح عينيا هيلحق بي الأذى لو فتحتها.
بدأ ينادي على ناس بالاسم.. حارس وكامل و عارف.. أنا فاكراه
الأسامي دي كويس..

وقالي نادي عليهم معايا وقولي ورايا اللي هتقوله بالضبط:

بعد التوريث..

بعد نقل القوة والقدرة..

أصبحتم الآن خدامًا لي..

أمركم مثلما أمركم (الوقاد) من قبل..

أحذركم كما حذركم (الوقاد) من قبل..

أعاقبكم مثلما أعاقبكم (الوقاد) من قبل..

أكافئكم مثلما كافأكم (الوقاد) من قبل..

بحق العهود بينكم وبين سيدكم (الوقاد)..

بحق الحكم والميثاق بينكم وبين حليفكم (الوقاد)

نسألکم الحضور الآن..

في التو وفي اللحظة وفي الساعة...

الساعة الساعة

العجل العجل

الأجل الأجل

بحق ملك يوم الأربعاء

بحق منك ملوك الجن

بحق ما رد الأرض

طاه رازن عقب طاه رازن عقب

سارن جان وهب سارن جان وهب

الحارس الكامل العارف

احضروا آلان لنا

احضروا آلان لنا

الحارس الكامل العارف

احضروا آلان لنا

احضروا آلان لنا

مرورة: فضل يقول وأنا أقول وراه وفضلت أكرر لحد ما حفظت
التعاويد دي زي ما تكون أناشيد المدرسة.

فضل يعيد ويزيد ومفيش حاجة بتحصل..

بدأت أحس إن نبرة صوته اتغيرت وبدأ يزقق ويقول:

فين دول يا (وقاد).. هما دول اللي قولت لي هيكونوا خدمي..

هما دول لي قولت لي هيكونوا رهن إشارتي أيها المخادع..

أنا هعرف أتعامل باللي عندي يا (وقاد)!

مرودة: صراخ (كساب) خلاله مش سامع اللي أنا سامعاه!
سمعت همس متداخل بيقول كلمة واحدة:
... حضرنا.. حضرنا.. حضرنا

كنت عاوزه أقوله بس خوفت

لما بدأ يشتت في أبوه الهمس اتغير...

أحسن استقبالنا

أحسن استقبالنا

أحسن استقبالنا

في الأول كان همس برردو.. بس بدأ يعلى الصوت تدريجي لحد
ما (كساب) سمعه لكنهم مبطلوش...

فضلوا يكرروا في الجملة وصوتهم يعلى أكثر وأكثر لحد ما بقتش
قادره أتحملة...

أحسن استقبالنا

أحسن استقبالنا

أحسن استقبالنا

تبدل الوضع وبدأ (كساب) هو اللي يصرخ وسمعت صوته وهو
بيترزع في الأرض وبعدها بيتخبط في حيطان الأوضة

والجملة لسه مستمرة بأصوات غاضبة جدًا:

أحسن استقبالنا

أحسن استقبالنا

أحسن استقبالنا

وهو عمال يقول: خلاص.. خلاص.. خلاص.. أنا آسف.

فجأه سكتوا وسابوه ورجعوا تاني يهمسوا:

حضرنا.. حضرنا.. حضرنا.

وأنا مش شايفه أي حاجة.. بس عينيا من الخوف وإجبارها إنها تفضل
مغمضه.. اترعشت وفتحت لاقيت الأوضه منوره أحمر و(كساب)
مرمي على الأرض.

وتلات كائنات سودا طويلة نحيفة جدًا أطول منا بشويه ومعهدهمش
شعر واقفين حواليه.. فضلت مفتحه عينيا كانوا مادين إيديهم التلاته
عليه وييلمسوه... والتلاته في نفس الوقت لمحووا إني مفتحه عنيه فقاموا
بسرعة وانقضوا عليا...

فصرخ كساب: غمضي عينيكي بسرعة!!!

غمضت بسرعة فمحصلش حاجة... أيوه محصلش حاجة ومحدث

لمسني حتى!

- فضلت الدنيا ساكته تمامًا وأنا واقفه وهموت وأقعد.. بس (كساب)

اتكلم: الآن «اذهبوا بها حيث أريد.»

وبدأ يوجه كلامه ليا:

كساب: (مروة) هتروحي بيت (نادر) هتلاقيه مات.

فصرخت: مات؟؟.. لاقيت حاجة زي إيره من نار دخلت في ودي..

من كتر الألم اتخرست.

كساب: إنتي خايفه على الكلب ده بعد ما ضيعك؟.. هو ده الاتفاق

اللي بينا؟

ع العموم هو مما تش هو فاكر أنه مات.. افتحي إيدك.. فتحت إيدي

اليمين.. زعق وقال الثانية..

فتحت إيدي الشمال لقيت كف إيد متلج زي ما يكون طالع من

التلاجة مسك إيدي وخط فيها ورقة وطبق إيدي عليها...

كساب: خبي اللعنه دي كويس وهتروحي تدخلني أوضته لوحدك

وتحطي اللعنه في بوق (نادر) ضروري حالاً.

مروة: حالاً إزاي البيت بعيد.. لقيت يا (نادر) رجليا بتترفع من على

الأرض وبطير.. أيوه والله.. وحسيت بهوا الطيران وفتحت عيني لقيتني

جوا حاجة زي نفق عمودي عماله بتطلع فيه وحواليا كل حاجة بتقع

وناس كتير بتقع منهم اللي شباب واللي عواجيز واللي أطفال.. الصور

كانت سريعة ومتلاحقة أوي فغمضت عيني لأنها تعبت جداً من السرعة

دي... أيوه نفق طويل وكأنه نفق الموت.

بس الأصوات كانت مرعبة... كلها أصوات آلام وعذاب وكلام

مفهوم من عينة:

لأ مش دلوقتي.. سيوني شويه

(أشهد أن لا إله إلا الله، وأشهد أن محمداً رسول الله)

مع المسيح ذاك أفضل جداً

طب سيني ساعة واحدة بس

أبوس إيدك متموتنيش دلوقتي

لأ لأ

الله هما دول الملايكة

ربي رجعني اكفر عن كل ذنوبي وأتوب يا رب

كلام كثير متداخل وآلام وندم وفرحه وحزن وبدأت أحس إني بتزل
على الأرض...

فتحت عينيا لقتني قدام باب بيتنا.. دخلت لبست العبايه وخطيت
اللعة في جيب البنطلون تحتها وجيت عندك...

ودخلت لاقيت الموضوع فعلاً حصل وحققي... مبقتش مستوعبة
حصل ازاي وإمتي؟

لكن أنا كان مطلوب مني أنفذ مهمة محددة..
دخلت عليك الأوضه ولو هله مش هكذب عليك صعبت عليا لكن
هرجع وأقولك.. ولائي لسيدي كان أعظم بكثير..

فتحت بوقك وخطيت اللعة وبعدها..

نادر: بعدها خدتها تاني وفتحتها وقرיתי المكتوب فيها.

مرورة: إيه ده انت كنت صاحي وقتها؟ .. طب أقسم بالله وأنا هناك
حسيت وأنا بقرا الورقه إن فيه حاجة واقفة ورايا وطول ما أنا في الأوضه
حاسه إن فيه حد بيراقبني وقولت أكيد (كساب) باعت حد يحميني.
نادر: لا مبعتش حد لأنك متهميهوش ولا حاجة...

مرورة: يعني موضوع روحك ده مكنش في القبر بس؟

نادر: لأ يا (مرورة) ده كان من قبلها بكتير أوي...

مرورة: المهم خلصت وروحت وكننت فاكراه إن كده خلاص..

(كساب) كلمني وقال: النهارده بعد المغرب هتدخل الحمام وتقلي
النور وتعملي اللي هقولك عليه بالضبط...

وهتلاقي في دولابك ورقه اقربها وانتي في الحمام واعملي كل التعليقات
اللي فيها بالحرف.

مكنش قدامي غير إني أنفذ الأمر مع إني كنت خايفه..

ماما دخلت الحمام عليا قبل المغرب كان الباب مفتوح وقالت لي:
بتعملي إيه؟

- أنا كنت بشيل اللمة الكبيرة وبحط لمة صغيرة... معرفتش أرد
أقولها إيه.

مرورة: بغير اللمبه يا ماما.

والدتها: ما انا شايفه بس اللمبه كانت شغاله.

مرورة: اتحرقت حالاً.

والدتها: طب اللمبه إلي بتركيها دي صغيرة أوي؟

مروة: ولا صغيرة ولا حاجة.

والدتها: يا بنتي لمبة الحمام لازم تكون كبيرة.

مروة: مين بقا اللي قال كده... دي كانت بتوجع عينييا وبفضل
مغمضه عيني وأنا في الحمام.

والدتها: والنبي؟!!

مروة: اااه... دي بقايا (ماما) مريحة للعين... شايفه إضاءتها حلوة
ازاي مش هنتعب منها وأنا عينييا مش هتوجعني تاني.

والدتها: يا بنتي حرام عليكى أنا نظري ضعيف خلقه.. هقع في الحمام
كده.

مروة: ولا هتقعي ولا حاجة يا ست الحبايب.. أقولك نجربها
ونشوف.

والدتها: ربنا يشفيكي يا بنتي بجد.

وخرجت (ماما) بتضرب كف على كف بسببي.... بس المهم إني
عملت أول خطوة.. هستنى لبعده المغرب وهعمل باقي المهمة...
فتحت الدولاب ولاقيت فعلا الورقة.. حطيتها في جيبي وقولت
هقراها على طول في الحمام لا يكون غلط إني أقرأها هنا.. وبعد أقل من
ساعة خدت هدومي وتعمدت أعدي من قدام (ماما) عشان تفهم إني
داخله آخذ دش!

ودخلت الحمام.. وطلعت الورقة لاقيت أول سطر مكتوب.. (اقرأي
الآتي ثلاث مرات أمام المرآة).. وانتي مغمضة عينيكى... وبعدها فتحي

نادر فوده 2 كساب

عشان تكلمي تنفيذ المطلوب... كان معناه إني لازم أحفظ المكتوب عشان
أقوله وأنا مغمضه عينيا

الحارس الكامل العارف

من بيت الخلاء والجن.. أقسم عليكم سيدكم ووريته أن تحضروا

الحارس الكامل العارف

من بيت الخلاء والجن.. أقسم عليكم سيدكم

ووريته أن تحضروا

الحارس الكامل العارف

من بيت الخلاء والجن.. أقسم عليكم سيدكم

ووريته أن تحضروا

- كده قولتها ثلاث مرات زي ما قال... ومحصلتي حاجة.. فتحت

عينيا قدام المرايه.... صرخت صرخة مكتومة وحطيت إيدي على بوقي..

شوفت في المرايه (كساب) وصورتي اختفت تمامًا!!

حسيت أقسم بالله كهربا ضربت في جسمي والله من الفزع أول

ما شوفته مكان انعكاس صورتي في المرايه....

فضلت صورته ثابتة وابتسم بعدها وقال لي: كلمي اللي في الورقة

يا (مروة)..

أيديا كانت بترعش.. بصيت في الورقة لاقت مكتوب اقرأ أي
الطلسم الآتي خمس مرات وانتني مفتحه عنكي وباصه جدًا ومركزة في
المرايه.

بصيت في الورقة وبدأت أحاول أنطق الكلام لأنني مش فاهمه منه أي
حاجة:

قيعان وهمان شهاشق

زوبع غيلان دنامش

سليل ميمون نعمان

قيعان وهمان شهاشق

زوبع غيلان دنامش

سليل ميمون نعمان

قيعان وهمان شهاشق

زوبع غيلان دنامش

سليل ميمون نعمان

قيعان وهمان شهاشق

زوبع غيلان دنامش

سليل ميمون نعمان

قيعان وهمان شهاشق
زوبع غيلان دنامش
سليل ميمون نعمان

- قولتهم وفضلت بردو أبص على المرايه زي ما (كساب) قال لي
ورجعت بصيت للورقة وكملت.. اقري ده كثير:

- بحق قوة الشر والنار.

- بحق إبليس وثأره من نسل آدم الجبار.

- بحق سدره المنتهى وشجرة الزقوم بالنار.

- بحق قوة الشر والنار.

- بحق إبليس وثأره من نسل آدم الجبار.

- بحق سدره المنتهى وشجرة الزقوم بالنار.

نقسم عليكم أن ترسلوا لي (الحارس والكامل والعارف)
عليهم تنفيذ مهمة الآن.

- مكتوب إني أكرر الكلام كثير.. فضلت أكرر وأعيد في المكتوب

لدرجة إني حفظته وبقيت أسمعته وبدأت أزهدق...

لحد ما لاقيت ستارة البانيو بتتحرك ورايا بالراحة... كانت مقفولة

بدأت تتفتح ببطء مخيف..

بطلت اتكلم وفضلت متنحه في المراه .. بعدها اتلفت قوتل يمكن
تهيوأت لاقيتها فعلاً بتفتح... وفجأة وقفت ومفتحتش تاني...
قوتل أكيد حاجة غلط حصلت وقفت المهمة.. قربت
من الستارة وفتحتها بالراحة لأنني مش عارفه هلاقي وراها إيه
وفتحتها.....!!

لاقيت في أرضية البانيو حاجة زي القنفد بس أكبر شويه.... كوره
كبيرة شويه عبارة عن شوك بس ليها إيدين رفيعة
عماله تتحرك بيهم في البانيو رايحه جايه والكوره الشوكية دي لها
عينين.

نادر: الكوره دي أد راسنا كده؟

مروة: أيوه.

- فاكيرين؟

فاكيرين الكوره دي أنا شوفتها فين؟! لو بتفكروا ارجعوا لحكاية
الوقاد وھتعرفوا

رجعت (مروة) تكمل: فضل الشيء ده رايح جاي في البانيو
بالراحة... وأنا مش فاهمه هو أنا كنت بقول كل ده عشان يطلعي قنفد
في الآخر!!!

- اتلفت وزايا عشان أخرج من الحمام.. لاقيت في وشي أبشع ثلاثة
وجوه شوفتهم في حياتي.... تلات كائنات مفزعة وشوشهم في وشي..

جيت أصرخ واحد منهم كتم بوقي بإيده اللزجة المقرفة..
كانوا متفحمين وعينيهم صفرا مرعبة وشعرهم عامل زي الشوك
وسنانهم عبارة عن إبر ودبابيس ولونها أبيض لامع جدًا..
لما شال إيده قعدت أمسح مكانها.. بس كان مكانها بيحرق جدًا..
بدأو يتكلموا بصوت جاي من أعماق الجحيم:

الحارس.. الكامل.. العارف

أتينا من أعماق باطن الأرض...

كرامة لسيدنا ومولانا (الوقاد)

ووريته... الأمر لك الآن...

أنا تنحت أمر إيه إيلي ليا؟!... أنا مش عارفه أنا جبتهم ليه أصلاً..
بدأت أبص حواليا وأنا دي على (كساب)... أنت فين؟... أقولهم
إيه دول؟!!

مجاليش أي رد....

والتلات عفاريت واقفين قدامي ساكتين..

اتشجعت وقولت لهم: أنا مش عارفه (كساب) قال لي أستدعيكم
وخلص..

لقيتهم بدأوا يطلعوا أصوات تخوف كده.. شكلها كده معناها إنهم
غضبوا..

قولت لهم: طب أنا أعمل إيه؟.. والله ما قال لي أعمل إيه تاني.. أنا
قريت إيلي في الورقة... آه الورقة!

فتحتها بسرعة..... لاقيت لسه في كلام مكتوب..

(إذا حضروا الثلاثة قولي لهم بالحرف):

(نادر مصطفى عبد الرحيم فوده).. أريد اختراق كابوسه معكم..
لأوصل رسالة من سيدي.

في عز صوتهم المخيف ده.. قرئت لهم الجملة فسكتوا..

ولاقيت التلاته اتلفوا حواليا وكل واحد حط إيده على كتف الثاني..
وأنا في النص وبدأوا يدوروا بهدوء حواليا ولكن سرعتهم زادت
وزادت وزادت لدرجة إني حسيت إنهم اختفوا وبدأت دايرة تتشكل
حوالي ازي النفق اللي شوفته قبل كده.. بس كانت سودا وفيها برق
أحمر.. كل ما البرق يضرب فيها أشوف وشوش كتير في وشي...
وشوش بائسة حزينة وبعضها

مرعب وبعضها مشوه... مكش فيها وشوش مبتسمة خالص كلها
وشوش بالشكل اللي قولت لك عليه..

وبدأت أسمع أصوات عذاب لبشر لا تطاق متداخل معاها جمل من
عينة:

- يا رب العفو.

- هم اللي قالولي ومشيت وراهم.

- ابعدوا عني..... ابعدوا عني.

- يا رب أرجع ساعة واحدة بس.

- يا رب القيامة تقوم يا رب.

- هو السبب يا رب هو اللي شدني للطريق ده.
- الدنيا خدتني... الدنيا خدتني... الدنيا خدتني.
- ابعدوا عني... ابعدوا عني.
- يا رب رجعني ساعة واحدة بس.
- كلها كانت جمل ندم وحزن واتهامات!! في وقتها دعيت عنى (كساب) وعلى معرفته.

- فجأة و(مروة) بتحكي كل شبابيك البيت اترزعت والنور اتقطع كذا ثانية ورجع... (مروة) برقت ومعلقتش قوت لها: وبعدين يا (مروة) حصل إيه؟
مروة: بدأ دورانهم حواليا يظهر تاني ويقل يقل تدريجيًا لحد ما وقفوا وبعدوا عني التلاته لاقيت نفسي في مدخل التراب والدنيا ضلمه... وقفت خايفه وخصوصًا إنهم كمان واقفين قدامي وعمالين يشاورولي أدخل وراهم.. لاقيت يافظه كبيرة مكتوب عليها:
السلام عليكم دار قوم مؤمنين.. وقفت قدامها وبدأت أقرأها لاقيت التلاته في وقت واحد أطلقوا صرخة خلعت قلبي وهزت المكان كله كأن زلزال ضرب المكان...
وغالبًا الصرخة دي صحت الميتين متفهمش ولا إيه.. لأنني بدأت أسمع صوت خبط ورزح كثير من جوه كل تربة وناس بتستغيث!
رجعوا تاني التلاته شاورولي إني أمشي وراهم فمشيت وراهم.

وتوقفت (مرورة) عن الكلام وبصت لي بصره كأنها اكتشفت كنز
مثلاً.. بصره كلها حماس وانتصار..

مرورة: بقولك إيه.. تحب تشوف اللي حصل زي ما أنا شوفته بالضبط؟
نادر: طب ما أنا عيشته.

مرورة: افهم يا ابني.. تشوفه من بره زي ما أنا شوفته غير إنك
نعيشه... هتفرج على اللي حصلك وانت برا الأحداث.. فاهمني؟.. زي
ما شوفت نفسك كده وانت ميت..

نادر: وده ممكن يحصل؟

مرورة: عيب عليك... أنا دلوقتي خبرة..

نادر: هطلع لي التلاته إياهم دول؟

مرورة: ولا هطلع ولا هتزل... كل اللي هتعمله هتشرّب ميه هديالك
وانا هقول طلسم وهتشوف اللي هيجصل.. الأدوار هتتعاكس.. أنا
هتختفي تماماً وانت العفارييت هتتعامل معاك إنك أنا وهتمر بكل اللي
أنا مرّيت بيه.

نادر: وإزاي مش هيشوفوني؟

مرورة: عشان ده ماضي خلص.. إنت هتشوف حاجة زي فيلم ثلاثي
الأبعاد مش أكثر.

نادر: مرورة ناويه لي على إيه؟

مرورة: خلاص هكمل لك واسمع وبلاش وش.

نادر: لأ خلاص يا (مرورة) هانم.. أنا موافق.

سابتني ودخلت أوضتها ونخرجت معاها كوبايه فيها حاجة بيضا
زي اللبن وقالت لي: أدخل الحمام ونور النور الضعيف ده واشربه
وبعدها تعالى.

خدت المشروب ودخلت وأنا كلي يقين إن (مروة) مش عاوزه خير
ليا أبداً.. بس بردو شربته.. شويه وبدأت أحس بخنقة بشعة لا تحمل..
ووقعت في الأرض دايم... فوقت على صوت خبط على باب الحمام
فقمتم جلشان أفتح الباب....

بسند بإيدي على الأرض لاقيت تراب.. رفعت وشي لاقطني في
الشارع مرمي على الأرض.. قومت وقفت لقيتني فعلاً في المقابر!!
بصيت حواليا في الضلمه مش شايف حد خالص!

سمعت صوت الخبط تاني على الباب.. بدأ بباب قبر واحد بعدها
بابين ثلاثة وأكثر

لحد ما الموضوع بقا عبارة عن خبط لمئات الأبواب لا يطاق..
- وسكتوا كلهم فجأة...

بدأت أشوف من بعيد على إضاءة عمدان النور الضعيفة تلات
أشخاص جاينين من بعيد... ولما قربوا اتأكدت من كلام (مروة).

« الحارس - الكامل - العارف »

ملاحظهم صعبة جداً وطوال أوي وبشرتهم وأجسامهم زي ما تتون
محروقة..

بدأوا يشاورولي أمشي وراهم..

فعلًا محسوس بأي اختلاف و(مروة) بردو مطلعتش كدابه.
مشيت وراهم... كنا ماشيين في شوارع المقابر والدنيا ضلمه ومرعبة
وموحشة جدًا لما باب تربة ماشي جنبه خبط اتحركت للناحية الثانية
نلقاني..

لاقت الباب اللي روحت ناحيته خبط وكذا باب ورا بعض.
وقفوا التلات عفاريت دول يبصوا البعض وكان فيه لغة خفية
بينهم.. وفي لحظة ويمكن أقل لقيت التلاته حواليا.. كان طالع منهم
كمان حرارة بشعة.. من كتر المفاجأة ملحقتش أقاومهم.

واحد نزل في الأرض وشدني من رجليا.. اتكعبلت وقعت على
وشي على الأرض وبدأوا التلاته يجروا بيا في شوارع التراب وأنا بتسحل
على بطني زي فيلم الأرض ومشهد الفنان (محمود المليجي) الشهير...
لا قادر أصرخ ولا أعمل أي حاجة.. بدأت أبواب القبور الدق عليها
يفي زي الطبول..

واحد من التلاته وقف.. فالباقين وقفوا وأنا مرمي على الأرض
مش قادر أقوم بأي حركة..

التلاته قعدوا في الأرض وحطوا كفوف أيديهم على الأرض
وصرخوا صرخة رهيبه طويلة جدًا ورزعوا أيديهم على الأرض..
بدأت كل أبواب القبور اللي حواليا تتفتح واحد ورا الثاني في مشهد
نفيس فيلم رعب يقدر أبدًا يجسده!!

وبعدها ساد صمت وسكوت وهدوء غالبًا يسبق العاصفة...
سكوت يخوف جدًا..

قاموا الثلاثة وفضلوا يلفوا حوالين أنفسهم وعينهم بتدور على حاجة
معينة..

واحد منهم صرخ صرخة خاطفة وشاور بإيده على قبر في جنب..
بصوا الاتنين التانيين عليه وأنا كما بصيت..

لقيت إيدين بتخرج منه وبعدها بدأ جسم يخرج زحفاً على الأرض
يخرج كاملاً... جسم ضعيف نحيف حركته بطيئة جداً
اتحرك برا القبر وخرج منه وثبت مكانه.

- صرخ الثاني وشاور ورايا.. لقيت أربع قبور بيخرج منهم
كوارث.. لأن المرة دي كانت هياكل عظمية بتزحف على الأرض خارج
القبور بتاعتها..

واتجمعوا كلهم قدام قبر من الأربعة اللي ورايا... وفضلوا نايمين
قدامه..

- لقيتني بتسحل تاني وبتجر ناحية الهياكل العظمية واطرمت
قدامهم.. الأربعة انقضوا عليا....

معرفش هيعملوا إيه؟.. دول شوية عضم في الآخر لكن صوت خبط
سنانهم في بعض كان رهيب وشكل الجماجم نفسه بالليل مرعب...
والهياكل العظمية اللي طول عمري بخاف أشوف أفلام الرعب اللي
فيها الهياكل دي.. جه الوقت وبقيت في مواجهة مجموعة منهم وجهاً
لوجه...

فضلوا يدوروا ويلفوا حواليا وبعدها انسحبوا مع بعض..

اتشدت تاني و اترميت قدام جثة لراجل تخين أو لست تخينة.. قاعد
قدام قبره في سكون مرعب..

هو غالبًا راجل... اترميت قدامه وخليني أوصف لكم ملامحه...
هو متآكل الجلد.. عيونه جاخظه لبرا ولونها أبيض ساده.. وشه معظمه
متحلل بشكل مقرف وجسمه لا يختلف كثيرًا..

فيما عدا وجود دود حي سارح على جسمه في أجزاء مختلفة....
زحفت بكل قوتي عشان ميلمسنيش.... لكن مفيش فايده.

مسكني من رجلي وسحبني رجعني عنده.. وبعدها سابني زحفت
تاني..

شدني تاني من رجلي عليه ورجع تاني سابني و اكرر الموضوع كذا
مرة وكأنه عاوزني بس قدامه وملكه.

في الآخر فضلت مرمي قدام التربة وهو قاعد زي ما يكون حارسها
وأنا فريسته اللي محتفظ بيها لوقت ما يجوع هيخلص عليها.

اتحرك الثلاثي « الحارس، والكامل، والعارف » وشدني واحد منهم
من رجلي من قدام الجثة.

الجثة طلعت صوت غاضب وهجمت عليا وشدتني منه قدامها
تاني.. شدوني التلاته مع بعض منها.. رجعت هجمت هجمة أشرس
وبمتهى القوة غرس سنانه في رجلي من تحت ركبتني بالضبط وبدأ
يشدني ناحيته تاني ببوقه وهو غارس سنانه في رجلي..

سابوني له التلاته... وقعدوا على الأرض وضربوها بأيديهم...

نادر فوده 2 كساب

خرج من القبر بتاعه أذرع هي بالضبط أذرع الأخطبوط بشكلها
المعروف.. التفت حواليه وبدأت تسحبه وهو برده عاضض رجلي
وقابض عليها..

اتشد جوا القبر واتشدت معاه ودخلت رجليا جوا القبر ونصي
برا القبر..

- ضرب التلات عفاريت الأرض تاني فاهتزت... فسابني أخيراً وبدأ
يصرخ.. سحبت نفسي بسرعة لقيت الأذرع دني التفت حوالين
راسه كلها... وبتعصر في كل حنة من جسمه حتى راسه.. تراجعت
بسرعة وباب القبر اترزع واتقفل عليه! أكيد (مروة) محصلهاش ده طبعا!

ألم لا يحتمل وخلاص بقا بيني وبين فقدان الوعي لحظات..
شاوري واحد منهم إني أقوم أقف.. قومت بصعوبة بالغة شاوروا
لي أمشي وراهم.. كنت ماشي بعرج وبدأت أعرف طريقنا إحنارايحين
ناحية ترب عيلة (فوده) فعلاً..
بس قبلها بتربة في تربتين أنا عارفهم كويس... واحدة مكتوب عليها
نساء والتانية أطفال..

دول بيجمعوا فيهم العضم لما بيجوا يجددوا بناء المقابر ويحطوا
فيها عضم قديم.. وبعد تجديد التربة أحياناً يرجعوه وأحياناً لأ.

شاور واحد من العفاريت للأولانية بتاعة الستات اتفتحت

ولاقيت خارج منها حاجات عامله زي الجنيات جميلة جدًا وبعد
ما تخرج تتحول لجثة مرعبة متأكلة.... وكلهم جاين جري ناحيتي...
يارب ارحمني أنا مش هقدر أتحمل تاني بجد!!

لكن اللي حصل إن الجثث تراجعت وبدأت تصرخ بشكل هستيري
وأنا مش فاهم ليه...

بيص لاقيت باب التربة الثانية اتفتح وخرج منه جثث أطفال كثيرة
جدًا وأول ما جثث السيدات دي شافتهم حصل لهم اللي حصل!!

كانوا أطفال شكلاً وجسمًا.. لكن كلامح ممكن تكره بسببهم
الأطفال للأبد...

نفس المشكلة أجسام بالية.. عيون جا حظة لبرا.. جلود متحللة..
العظم ظاهر من تحتها في أماكن كثيرة.. عيونهم نازل منها سائل
إسود بدل الدموع.. لكنه كثير ومخلي وشهم مفرع أكثر..
اللي راسه سليمة تلاقي شعره متآكل ومختفي معظمه
واللي عنده إيد سليمة تلاقي التانية مش باقي منها غير عضم!
اللي نص وجهه سليم نصه التاني متقطع ودائب..

بس برغم كل المواصفات إالي لا تتحمل اللي شايفها... لكنهم
قربوا مني وعملوا دايرة حواليا عشان يمنعوا جثث الستات والجنيات
إنها تقرب مني... يعني بيحموني... أول حاجة تقف معايا من وقت
ما بدأت أواجه انتقام اللعين (كساب)..

فضلوا حواليا لحد ما الجنيات والجثث دخلت القبر وشدوا الباب
وقفلوه عليهم..

لكن الحارس والعارف والكامل.... معجبهمش اللي بيحصل ده
صرخوا التلاته صرخة مجمعة..

الأطفال بدأو يجروا زي النمل في هرمله وخوف وكلهم دخلوا القبر
وهما بيتألموا بسبب الصرخه دي وقفلوا الباب عليهم...

خلاص غالبًا كده مفيش غير مقابرنا بعد اللي شوفته ده كله..
اتحركت ناحية مقابرنا... كان قدامها حاجة مبنية كده بنسميها
(المصطبه) عشان نقعد عليها... فقعدت عليها..

واحد منهم شاوري على باب التربة... زقيته بإيدي متفتحش..

بس فهمت هو عاوزني أعمل إيه؟ هو عاوزني أخبط..

خبطت على باب التربة.. حاجة خبطت من جوا..

لقتني بقول: نادر؟

أنا جاي أقولك بس إنه كل اللي انت فيه وهم وكذب من (كساب)..

متصدقش يا (نادر) أي حاجة... كله خداع ووهم..

اتفتح باب القبر بهدوء وكان بيطلع صوت مخيف وهو بيتفتح

اتفتح لكن محدش طلع...

شوية انتظار وخوف إني أدخل ولاقيت إيدين خارجة من القبر..
بس دي مش إيديا... دي إيدين حد كبير..

وكمال خروج... وخرج كاملاً.. برغم تآكل جلده ووشه اللي بقا
أزرق تمامًا:.. وعنيه اللي اختفت والتانيه طالعه برا... لكنني عرفته
ده... ده

ده عمي شحاته الله يرحمه... اللي لما مات كل حياقي اتغيرت وتفاصيل
كل ده في روايتي إلي فاتت «الجزء الأول» «الوقاد».. «قبل البداية»..

عمي خرج وانا قومت وقفت مش عارف هيعمل إيه هو كمان؟!
لكن اللي حصل إن عمي اتكلم ولكنه كلام معظمه مش مفهوم زي
اللي لسانه ثقيل..

(عم شحاته) بصوت وطريقة غير مفهومة: إيه اللي جابك هنا؟

نادر: عم شحاته.. انت عايش ازاي ولا أنت إيه؟

عم شحاته: لأ مش عايش.. امشي من هنا.

نادر: أنا دخلت منطقة مش عارف أطلع منها.

عم شحاته: أنا جيت لأمك في الحلم وبلغتها تحذرك وانت مفيش
فايده فيك.. وما سمعتش كلامها

نادر: طب أعمل إيه عشان أخرج من الدائرة دي؟

عم شحاته: الجأ له.

نادر: مين؟

عم شحاته: اللي نسيته خالص... ربنا يا (نادر).

مجرد ما عم شحاته قال ربنا... التلاته صرخوا نفس الصرخة
(وعم شحاته) بدأ يتلوى كأنه فيه حاجة بتقطع في جسمه وبدأ
يزحف عشان يدخل القبر بس مكانش عارف... بدأت أساعده وزقيته
بالراحة لحد ما دخل..

و بمتتهى العنف اتخبطت على راسي.. دوخت و وقعت جوا القبر
وآخر حاجة سمعتها حاجتين:


الحاجة الأولى: صوت باب القبر بيتقفل عليا.

الحاجة الثانية: صوت (مرودة) وهي بتخبط على باب القبر

و بتقول: يا (نادر).. أنا أقدر أخرجك من كل اللي انت فيه ده..

«نفس الحوار الأول اللي دار بيني وبينها»

وفقدت الوعي تمامًا..



باب القبر افتتح ودخل التلاته منه... قاهم خدوه ارموه ورجعوه..
شدوني بمنتهى القوة ورفعوني فوق وسابوني أقع على الأرض
ووقعت بمنتهى العنف.. وغبت عن الوعي..

بدأت أسمع صوت الخبط على باب القبر من جديد بعنف وبدأ
صوت من بعيد بينادي عليا باسمي:

افتح يا نادر

افتح يا ابني..... فيه إيه؟

بدأت تدريجيًا افتح عينيا.. لقيت نفسي في أرض حمام خالتي صفية..
تحاملت على نفسي وقومت فتحت الباب...

أول ما شافتنى رقت بالصوت.. عارفين ليه؟

عشان المرة دي كان شكلي حرفيًا طالع من تربة... ده غير الدم اللي
مغرق أرض الحمام وهدومي!

دخلتني الأوضه بتاعتها ونيمتني على السرير واتصلت بأبوي يا يجب
دكتور وييجي فورًا..

وجه والدي ومعاه دكتور فضل يطهر في الجروح ساعات طويلة وجه
عند جرح رجلي وقال لي: انت في كلب عضك؟

شاورت له إني مش فاكر...

ما انا هقوله إيه؟.. هقوله إن ميت عضني!

وبعدين كرر السؤال فجاوبت به لاً..

فكملت تطهير الجروح... و(بابا) كان جايب هدوم ليازي ما خالتي
قالت له..

وغير لي هدومي كلها..

خالتي أصرت إني أبات وأنا أصريت إني أروح.. اتسندت على والدي
وقومت وخرجنا واحنا عند الباب سألتها:

(مروة) فين يا خالتي؟

خالتي صفية: والله ما عارفه.. أنا سيبتكوازي ما طلبتوامني..
بعدها بشويه سمعت صوت وقع جامده في الحمام... جريت خبطت
عليك الباب..

نادر: (مروة) بردو فين؟

خالتي صفية: يا ابني والله ما اعرف من وقت ما سيبتكوا مشوفتهاش
تاني... هتلاقيها عند صاحبته.. هتروح فين يعني!

نادر: صاحبته آه... طيب بلغيتها إني بقولها شكرًا على كرم الضيافة..

خالتي صفية: هي زعلتك في حاجة؟.. ساخني يا (نادر)... امسحها
فيا والنبي..

نادر: خالص... كل خير..

روحت مع (بابا) وحكيت له اللي حصل كله وكان مش عارف
يعلق وبالتالي (بابا) حكى لعم (مختار) أكيد طبعًا بعدها.. وأكيد أكيد
عم (مختار) حكى للشيخ (لظفي) طبعًا.

كمية أدوية ومضادات حيوية حلوة كده همشي عليها الفترة الجايه..
والمفروض إني بكره هرجع تدريبي وشغلي من جديد!

ده الأمل الوحيد عندي إني أخرج من اللي أنا فيه.
وصلت أوضتي وغصب عني سمعت حوار دار بين والدي ووالدتي:
والدي: الموضوع شكله بجد!

والدتي: وانت كان عندك شك إنه مش بجد؟

والدي: كنت بقول يمكن تهيؤات وتخريف مثلاً.

والدتي: تهيؤات مين يا مصطفى؟... ابنك دخل حتة خطر برجليه
ودي نتيجتها!

والدي: طب والعمل؟

والدتي: إوعى تكون فاكر إن اللي ابنك عمله ده هيعدي كده بالساهل.

والدي: قصدك إيه يعني؟

والدتي: قصدي انت فاهمه كويس.. اللي اسمه (كساب) ده ابنك قتل
له أبوه!!!... انت مدرك ده؟ و(كساب) هيرد اللي حصل، وغالبًا هو
بدأ،

بس فعلاً بطريقته... هيفضل ورا ابنك لحد ما يخليه يتجنن، لو كان
والعياذ بالله عاوز يموته كان عمل كده من وقتها.

والدي: تقصدي إيه يا ام نادر؟

والدتي: (كساب) عاوز يلعب بأعصابه.. بص على وش (نادر) ابنك
بقا عامل ازاي وانت تعرف (كساب) بيعمل إيه؟!

والدي: طيب الحل إيه؟

والدتي: قوم روح للشيخ (لطفي) اعرف اللي حصل إيه في القعدة
بينهم واسمع رأيه بعد اللي حصل لابنك عند (صفية).. أكيد هيقلونا
على حاجة، خليه يقنع (نادر) يرجع بصلي تاني، منين عاوز ربنا ينقذه
ويساعده ويقف معاه وهو مبطل صلاة!!.. ده أنا كل ما أفاتحه في
موضوع الصلاة يقول لي بصلي بصلي بزهدك كده..

وأنا عارفه إنه بيقطع في الصلاة بقاله مدة!

والدي: أهو راجع شغله من بكره، أهى حاجة تشغله... وينسى اللي
حصل هنا.

والدتي: ده تدريب يومين... نفسي يشتغل.. يتوظف ويروح ويبجي
كل يوم.

والدي: هم بيحبوه ويبحبوا كتاباته خصوصاً بعد ما اداهم قصة
كاتبها بتاعته هديه من غير ولا مليم، وعلى حسب كلام (نادر) فيه
كلام إنهم لو اتبسطوا بجد منه هيشغلوه بعقد مؤقت لحد ما يشبته في
الجورنال.

نمت بعدها معرفش اتكلموا في إيه تاني.. صحيت بدري عشان ألحق
القطر وأخذت سندوتشات معايا وسافرت ووصلت الجورنال.. الكل
استقبلني بحفاوة بعد أجازتي المرضي واطمنوا كلهم إنني كويس....
محدث علق ع الخرابيش اللي ف وشي.

دخلت المكتب لاقيت تورتة واحتفال برجوعي... ولاقيت مديري
المباشر جاي بيسلم عليا ويقول لي: «مبروك يا نادر.»

قولت له: على إيه يا أفندم؟

قال لي: انت هتشتغل معنا من النهار ده زي ما وعدتك من ملة..
الجورنال ناقصه الحته اللي انت بتكتب فيها، والموضوع اللي انت كتبه
وكان اسمه «لعنة الوقاد» لما اتعمل موضوع صحفي ونزل في الجورنال..
مبيعات الجورنال اتضربت في عشرة.. مالك الجورنال كلمنا وطلب إننا
نعينك.. بس وقتها انت كنت في أجازة واتصلت بيك كذا مرة ومكتش
بترد.. بس في الآخر قولنا نعملها لك مفاجأة لما تيجي... مبروك... شا
حيلك وجهاز لنا مواضيع تانية تكسر الدنيا..

- الكل بارك وهنأ وأنا نفسي مكتش مصدق.. الحقيقة اللي نفسي
اقولهاهم كلهم، إني مش بتاع كتابة عن العفاريت،
بس إيه المشكلة.. ده اللي شوفته مع الشيخ (لطفي) يملأ أعداد
وأعداد من الجورنال... هحكي منش محتاج اخترع قصص.

WASEL
وإصطاك
BOOK
STORE

عشق القراءة
أعجبني بالكتاب

f @wasel.book.store

01157149739

01001565370

@ wasel.bookstore@gmail.com

WASEL
وإصطاك
BOOK
STORE

BOOK
STORE

الفصل الثامن

«اليوم أصبحت نادر فوده
الصحفي بجريدة عمق الحدث»

هو ده المسمى الوظيفي بتاعى ابتداءً من النهارده...

فعدت على مكتبي... بالمناسبة الأوضه اللي أنا فيها بتضم ثلاثة صحفيين غيري.. بس كل واحد بيكتب في حته بعيدة تمامًا عن الثاني!

أما أنا فبدأت أكتب أول موضوع ليا بعد ما بقيت موظف رسميًا.. اخترت الموضوع من إحدى زياراتي أنا والشيخ (لطفى) واللي كانت لمنزل أختين عايشين مع أمهم، فإكر كويس إن الكبيرة كان اسمها (عايدة) كانت مخطوبة ومن يوم ما اتخطبت وأختها اللي مش مخطوبة اسمها (سماح) حالها اتقلب...

علطول مريضة وبليل بتصحى تصرخ وتصحى العمارة كلها.. المعتاد إن اللي اتخطبت لو فيه سحر أو أي حاجة هي اللي بتتعب مش أختها الغير مخطوبة!

مش ناسي جلسات الشيخ (لطفى) الطويلة معاها..

كنا بنقعد معاها بالساعات وتتكلم عادي جدًا.. لا كان القرآن يزعها ولا الرقية بتضايقتها... ولا أي حاجة ماثرة فيها!

كانت حالة مستعصية.... مش هنسى شكل الشيخ (لطفى) كل مرة وهو يقول لو الدتها: مش عارف أعمل إيه أكثر من اللي عملته.. بنتك سليمة مفيهاش أي حاجة تخص لبس أو مس أو سحر.

- كلامه كان مش مقنع، أنا نفسي مكتش مقنع بيه، البنت شكلها بقا
دبلان وعيانه ووالدتها لفت بيها على دكاترة في كل التخصصات دون
جدوى.. لحد ما في يوم والدتهم صحيت على صويت ولاقيتها بتضرب
أختها المخطوبة بدون أي سبب!

عدى يبجي أسبوع ولاقيت الشيخ (لطفي) بيتصل بيا الساعة تلاته
الفجر وقال لي:

الشيخ لطفي: (نادر) عندي ملاحظة وعاوزك تشاركني رأيك.

نادر: اتفضل يا شيخ (لطفي).

الشيخ لطفي: هو انت مش ملاحظ إن التلات مرات اللي زوحنا فيهم
بيت الأختين.. كنا كل ما نروح تلاقي المخطوبة خرجت مع خطيبها؟!!

نادر: عادي ما احنا اللي بنروح لهم يوم الخميس! وأكد هو بياخذها
ويخرجوا في اليوم ده زي أي اتنين مخطوبين يا شيخ!.. إيه الغريب في
كده؟

الشيخ لطفي: صدفة تلات مرات؟!!

نادر: وعشرة كمان!

الشيخ لطفي: طب ولو عاوزين نتأكد؟

نادر: بسيطة المرة الجايه مش هنروح الخميس خالص، وزيادة في
الحرص مش هنقول لهم إننا رايجين.. أعتقد إننا كده بنسبة كبيرة هنشوفها
هناك.

الشيخ لطفي: تمام بكره هكلمك أقولك هنروح إمتى.

نادر: طب ما تقول دلوقتي.

الشيخ لطفني: بكره.. لأ بكره مش هينفع! هفكر واقولك.

تاني يوم صلينا العشا واحنا مروحين لقيت الشيخ (لطفني) غير الطريق بدون أي مقدمات ودخل طريق تاني وخذني معاه.

نادر: في إيه احنا رايجين فين؟

الشيخ لطفني: لا الطريق ده أقصر.

نادر: أقصر ازاي؟! .. ده مش طريقنا أصلاً يا شيخ!

- مردش عليا وفضل ماشي وأنا وراه... لحد ما لقيت نفسي قدام العمارة اللي فيها بيت الأختين.. مفهمتش الحقيقة، خبطنا على الباب، فتحت الأم الباب.. اتخضت من الزيارة المفاجئة بس دعتنا للدخول...

الشيخ بصري ووشوشني: الزيارة لازم تكون مفاجأة لست وبناتها وأي جن موجود في البيت كمان.. فهمت أنا ليه مقولتكش امبارح ولا النهارده؟

دخلنا قعدنا.. بعدها جت الأخت الصغيرة صاحبة المشكلة قعدت معانا والشيخ (لطفني) سأل عشان يظمن على الأخت المخطوبة: (عايدة) فين؟.. فردت الأم انها جوه نايمه... ملحقوش بخلصوا الكلمة ولاقينا (عايدة) دي لابسه لبس خروج وطالعه بسرعة ناحية باب الشقة!

الأم اتكلمت بذهول: رايجه فين يا (عايدة) إنتي مش كنتي نايمه؟؟

مردتش عليها.. لقيت الشيخ (لطفني) نط من مكانه ووصل قبلها للباب ووقف في وشها وقال لها:

الشيخ لطفي: مش والدتك بتسألك رايجه فين؟

عايدة (الأخت المخطوبة): خارجة وانت مالك انت.

الشيخ لطفي: مالي ونص.. ملحقوش يبلغوكي إني جاي.. صح؟! صح؟! صح!!

عايدة: هما مين يا عم انت؟

الشيخ لطفي: بتأذيها في أختها يا كلب... أنا هحرقك بأمر الله حالاً.

الكل كان واقف مش فاهم حاجة إلا أنا طبعاً....

- بدأت (عايدة) تحاول التخلص من الموقف بأي شكل عشان تخرج برا البيت.. لكن الشيخ (لطفي) فضل واقف قدام الباب بحزم وقوة.

الشيخ لطفي: بالذوق كده تخرج لوحدك وإلا نخرجك على جهنم حذف.. تختار إيه؟

عايدة: انت بتقول إيه يا راجل انت؟! .. انت مش جاي تشوف أختي (سماح) ماها؟.. مالك بيا؟.. أنا المخطوبة يا حج انت!

الشيخ لطفي: خلاص براحتك..

وبدأ الشيخ لطفي يقرأ..

بِسْمِ اللَّهِ الرَّحْمَنِ الرَّحِيمِ

لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ لَهُ مَا فِي السَّمَوَاتِ وَمَا فِي الْأَرْضِ
مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِشَيْءٍ
مِّنْ عِلْمِهِ إِلَّا بِمَا شَاءَ وَسِعَ كُرْسِيُّهُ السَّمَوَاتِ وَالْأَرْضَ وَلَا يَئُودُهُ حِفْظُهُمَا وَهُوَ الْعَلِيُّ
عَظِيمٌ ﴿٢٥٥﴾

- في أول آية الكرسي (عايدة) محصلهاش أي حاجة... لكن شويه
وبدأت التغيرات اللي أنا خلاص حفظتها تحصل... في البداية بدأت
تعرق، وبعد كده قالت: "عاوزه أدخل أوضتي." بعدها فضلت تقول
هموت يا (ماما).. مشي الراجل ده من هنا.. مشوووووه من هنا!!

الشيخ (لظفي) شاور لو الدتهم متتحركش من مكانها..

بعدها خلص الشيخ (لظفي) آية الكرسي.. وفضل مركز معاها.

الشيخ لظفي: إيه رأيك أنا لسه بسخن؟

عايدة: خلاص أنا هدخل أوضتي.. سييني أدخل.

الشيخ لظفي: تدخل فين... أنا بقول نكمل أحسن.

وبدأ الشيخ (لظفي) في قراءة آيات قرآنية متفرقة من سور مختلفة،

ويجي عند كلمات معينة وصوته يعلى ويكرر آيات معينة...

بدأ المشهد يتغير تمامًا... انفجرت (عايدة) في الصراخ.

عايدة: سيوني سيوني سيوني... عاوزين مني إيه؟؟؟

الشيخ لظفي: أقسم عليك بخالقك أن تترك أمة الله..

أقسم عليك بخالقك أن تخرج

وتغادر هذا الجسد للأبد..

أقسم عليك بخالقك أن تترك أمة الله..

أقسم عليك بخالقك أن تخرج

وتغادر هذا الجسد للأبد..

عايدة: مقدرش... مقدرش.

الشيخ لطفي: هو إيه اللي ماتقدرش؟

الشيخ لطفي: رد عدل وسمعني صوتك... هتفضل مستخبي وراها
لإمتي يا جبان؟.. سمعني صوتك يا جبان.

- اللي حصل إن (عايدة) ردت... بس مش هقولكوا بصوت راجل..
لأ ده بصوت صعب جداً.. مزيج من صوتها وصوت راجل...
يعني كلمة بصوتها وكلمة بصوت راجل...

المزيج ده كان مرعب، ووالدتها وأختها وشههم بقى شاحب جداً،
وكانوا واقفين قدام الباب معانا وعمالين يترعشوا من الرعب والفرع.

عايدة (بالصوت المختلط ده): خليها تفسخ الخطوبة وأنا أنسى أختها
حالا.

الشيخ لطفي: نعم؟

عايدة (بنفس الصوت): أنا بوصل لها بنس رسالة.. إنها لو كملت
الخطوبة هقضي على حياة أختها وأنا هعمل كده فعلاً ولو اتجوزت هقضي
على جوزها.

فجأة سمعنا صرخة من (عايدة) نفسها وسط كلام الجن واتكلمت
مي:

ملكش دعوة بأختي.. اعمل فيا أنا اللي عاوزه.. سيب أختي في
حالها.

الشيخ لطفي: سيبه يا (عايدة) يخلص اللي عنده.. كمل كمل.
رجعت (عايدة) ترد بالصوت المختلط تاني: خليها تسيبه... أنا
مقدرش أوجه لـ (عايدة) أي أذى.. لكن أقدر أوي أخلص على اللي
جواليها واحد ورا التاني.

الشيخ لطفي: طيب إيه رأيك بقا إني أنا اللي هخلص عليك دلوقتي
بأمر الله؟

عايدة (بنفس الصوت المختلط): لو عملت فيا حاجة.. هتأذيها معايا
هي كمان.. خروجي منها مش هيكون سهل عليها.

الشيخ لطفي: انت لابسها من إمتي؟

عايدة (بالصوت المختلط): من وهي في ثانوي.

الشيخ لطفي: خلاص يبقى كفاية كده أوي عليك وتخرج.

عايدة (بالصوت المختلط): طيب سيبني والصبح هي هتصحى
هتلاقيني مشيت، ولو مخرجتش تعالى واعمل فيا اللي انت عاوزه.

- زعق الشيخ (لطفي) بصوت أنا نفسي خوفت منه، واترسم على
وش (عايدة) أقصى علامات الهلع..

الشيخ (لطفي) بعد ما زعق رجع تاني يقول أدعية كثير، ورجعت
(عايدة) تصرخ، وبعدها سمعت الكلمة اللي كنت لما بسمعها دايمًا معاه
في جولاته بعرف إن النهاية قربت..

قالت: خلاص.. خلاص.. خلاص.

الشيخ لطفي: اخرج منها ولو فكرت تأذيها وانت خارج.. أنا اللي
هرجعك تاني جواها عشان هحرقك، ورب العزة هحرقك.

(عايدة) قعدت في الأرض، وقعد الشيخ (لظفي) وطلب من أختها
ووالدها يسندوها، وقرب من ودنها وفضل يقرأ أدعية كتير لخدمها
بدأت (عايدة) تترعش بعنف... بعدها جسمها سكت تمامًا وطلب
منهم يسندوها ويوصلوها لأوضتها... واتفق معاهم إنه هيجي تاني يوم
يطمن عليها..

تاني يوم بعد صلاة العشاء ورحنا لهم... ولاقيناهم كويسين جدًا
وقعدنا كلنا في صلاة البيت...

الحقيقة (عايدة) كانت قاعده مستكينة جدًا وشكلها غير امبارح
خالص، والشيخ (لظفي) اتكلم معاه شويه ورقاها الرقية الشرعية..
بعدها وجه كلامه للجميع:

زي ما أكيد كلكو فهمتوا (عايدة) كان عليها جن اسمه الجن
العاشق.. ده أسباب وجوده كتيرة جدًا.. لكن هو كان مثبت في (عايدة)
بشكل كبير، وأول ما عرف إنها هتتخطب اتجنن وبدأ يفكر يتقم.. بس
انتقامه منها مكنش في شخصها لأنه بيحبها فقرر يضغط عليها بيانه بأذي
المقربين لها، و(عايدة) عالعموم كانت عارفه.. الموضوع ده مش جديد
عليها!

قرر يبدأ بأختها (سماح).. هو ملبسهاش بس قرر يتعبها لخدمها
(عايدة) تسلم.

لما جيت أكثر من مرة.. كانت (سماح) كويسه ومفيش أعراض سحر
عليها.. أي نعم فيه تعب بس من نوع مختلف أنا مكتتش اعرفه!

ولما خدت بالي إن (عايدة) مش موجودة.. شكيت في الموضوع والحمد لله طلع شكلي في محله.

وشويه وكان وارد جدًا تبدأ أو تقولوا إن اللي عند (سماح) مرض نفسي من غيرتها من أختها (عايدة).. ده إذا كنتو مقولتوش كده فعلاً! (عايدة) ووالدها بصوا البعض وبصوا في الأرض.. فيما معناه إنهم فعلاً قالوا إن أختها بتعمل كده من الغيرة مش أكثر.. حتى و(عايدة) عارفه الحقيقة.

كامل كلامه وقال:

المهم البيت هتحصنه ولو حصل وحسيتوا بأي حاجة غريبة.. لازم بتعتوا لي تعرفوني وهاجي فوراً.

سماح: يعني كل اللي كان بيعمله ده بدافع الحب بس؟
الشيخ لطفي: أيوه.

سماح: حد طایل طيب حد يعمل عشانه كل كده؟

الشيخ رد باستغراب شديد: يعني ممكن عملي حاجة حرام... وربنا محرم العلاقة دي؟!!

سماح: مش القصد يعني.

الشيخ لطفي: وبعدين عاوز ألفت نظرك لحاجة.. هييجي وقت ولازم يوريكي شكله الحقيقي.. انتي متخيلاه (رشدي أباطة) مثلاً؟!!

ده جن يا بنتي.. عارفه شكله إيه ولا مش عارفه؟

سماح: خلاص هتخوفني ليه؟ .. أنا بهزر.

الشيخ لطفي: لأ لازم عشان كلامك اللي من النوع ده بيجذبهم ليكي يا بنتي، شكلهم مرعب مش هتطيق تشوفيه... قصيرين جدًا وفيه منهم طوال جدًا شعورهم كثيفة... رؤوسهم أكبر منا، بعضهم عيونهم طويلة باستقامة، وكمات عينيهم واسعة جدًا وكبيرة، وقطاع كبير جدًا منهم عينية حمراء..

قاطعته سماح:

خلاص والله ما هفتح بوقي تاني أنا آسفة... وضحكت..
وانتهت قصة (لعنة الأختين).. وقررت أقدمها للجورنال مقسمة على عدددين..


- عدلتها ووظبطتها وسلمتها للجورنال كأول عمل ليا بعد تعييني، وكان موعد نزول الجورنال بعد يومين.. روجت بلغت أهلي وفرحوا جدًا وبدأنا نتناسى جميعًا اللي حصل، وأنا حياتي التحسنت أول ما مسكت الجورنال في أيدي وشوفت الموضوع وقريته ولاقيته مش متشال منه ولا كلمة..

وبعد ما بردو عرفت إن المبيعات في الطالع، وكله بسبب باب (ما وراء الطبيعة) بتاعي.

في آخر الموضوع حطيت للقارئ السطر الآتي:

لو عندك أي قصة مريت بيها أو عشتها وحابب نحقق فيها ونشرها..
إبعث لنا جواب على العنوان الآتي وحطيت عنوان الجورنال.....

كنت مش محتاج أكتب حاجة تانية اليومين دول لأن قصة (لعنة الأختين) هتتقسم على عدددين، ولسه الجزء الثاني هينزل العدد الجاي.. فكنت بروح الجريدة أرغي وأسمع انطباعات زمائلي عن الجزء الأول من القصة، ومش عاوز أكتب تاني دلوقتي... مليش مزاج الحقيقة.



الفصل التاسع

عمارة الفرع

BOOK
STORE

في يوم الصبح لاقيت عم (مدبولي) الساعي جاي وجايب لي جواب
ويقول: "الجواب ده جاي لك يا أستاذ تامر."

قولتلو: "نادر يا عم مدبولي، وربنا... نادر"... اداهولي وخرج..

بعد ما خرج بصيت على أول جواب يجيلي الشغل... أدإيه كنت
مبسوط أوي.. جواب مبعوت بالبريد السريع مغلف بكيس بلاستيك..
قطعته وبصيت على الظرف اللي فيه الجواب مكتوب عليه من برا عنوان
الجريدة... وفي الآخر أحلى جملة قررتها في حياتي:

يسلم ليد الأستاذ/ نادر فوده الصحفي بجريدة عمق الحدث..

كان نفسي أبوس الجواب والله.. قلبت الظرف لاقيت كلمة "هام
للغاية"

بعد كده اسم المرسل: أحمد نجيب، والعنوان في "شبرا مصر"

فتحت الجواب بحرص شديد وبدأت أقرأ

السلام عليكم:

الأستاذ الصحفي المحترم / نادر فوده

تحية طيبة وبعد،،

قرأت لكم أكثر من عمل كان آخرهم قصة (لعنة الأختين) الجزء الأول، لا أعلم إن كانت حقيقية مثما قلت أم من وحي خيالك، استمتعت جدًا بالقراءة وتفاعلت مع الأحداث كثيرًا، وأنتظر بلهفة الجزء الثاني كي أعرف نهاية هذه القصة، ولكن أثناء قراءتي رغبت كثيرًا في التواصل معك شخصيًا، فتساءلت كيف يمكنني ذلك؟.. وإذ ابني أجد في نهاية القصة عنوان مراسلات قسم باب (ما وراء الطبيعة)، وكان الرد آتاني فورًا، فقررت أن أكتب لك هذا الخطاب، وهذه المرة الأولى التي أكتب فيها أي خطاب في حياتي..

أنا اسمي (أحمد نجيب) طالب بكلية الهندسة - شعبة عمارة... كل ما يشغلني هو دراستي وأسرتي المكونة مني ومن أختي وأخي الأصغر مني لأن أبي وأمي توفاهم الله...

لكن هناك شيئًا آخر يشغلني أكثر من كل ذلك حاليًا... هو "بيت

النصر"

أرجو أن تقوم بزيارة للعنوان الذي سأختم به الخطاب ومعه رقم

هاتفي ..

آسف إن كنت أطلت ... لكن أرجو أن تأتي لزيارتنا...

فنحن أمام بيت ملعون بمعنى الكلمة..... لا نستطيع النوم.....
أسمى جاهداً للخروج من المكان.. فالوضع أصبح لا يحتمل!
في انتظار زيارة حضرتك أستاذ نادر

العنوان: شبرا مصر.....


رقم هاتف: ٠١٠٠.....

مع خالص تحياتي وتقديري لشخصكم الكريم

أحمد نجيب

ملحوظة أخيرة: ما ستجده عندما تأتي أفضل كثيراً من (لعنة الأختين)

وشكراً



- قفلت الجواب وأنا مش فاهم حاجة، فطلعت الرقم المكتوب
واتصلت...

صوت: ألو

نادر: أستاذ أحمد نجيب؟

الصوت: أيوه يا فندم.. مين حضرتك؟

نادر: أنا نادر فوده الصحفي اللي حضرتك بعثت له جواب.

أحمد نجيب: آه أهلاً... شكراً لاهتمام حضرتك.

نادر: العفو على إيه!

أحمد نجيب: أنا معجب بكتابات حضرتك جداً.

نادر: شكراً أستاذ أحمد، ولا نقول بشمهندس أحمد؟

أحمد نجيب: أحمد وخلص.

نادر: طيب أحمد الجواب مش موضح التفاصيل.. هوانت بيتك

مسكون؟

أحمد: لأ بيت النصر ده في وشنا.

نادر: طيب انت متأكد؟

أحمد نجيب: الأفضل تيجي وتشوف بنفسك.

نادر: طيب انت عاوزني أجيب شيخ معايا؟

أحمد نجيب: معتقدش له لازمة.. إحنا خلاص ماشيين بعد أسبوع.

نادر: يعني مجيش ولا إيه؟

أحمد نجيب: لأ تعالى.

نادر: مش انت قولت انك ماشي؟

أحمد نجيب: آه... تعالى انت خد سبق صحفي كبير لك وتحقيق محترم

لجورنالك ولا مش عاوز؟!!

نادر: آه فهمتك طيب تمام.

أحمد نجيب: هتيجي النهارده؟

نادر: لأ النهارده صعب أوي.

أحمد نجيب: طيب إمتى؟

نادر: يبقى بكره.

أحمد نجيب: بكره الجمعة صح؟

نادر: أيوه.

أحمد نجيب: مش هينفع.

نادر: ليه؟

أحمد نجيب: مفيش حاجة بتحصل في البيت يوم الجمعة بالذات،

وده اليوم اللي بنقعد فيه مرتاحين وبنعرف ننام.

نادر: طيب السبت كويس؟

أحمد نجيب: تمام جدًا.

نادر: تحب آجي الساعة كام؟

نادر فودة 2 كسابج

أحمد نجيب: بعد المغرب كل البلاوي بتطلع.

نادر: تمام جدًّا.. هاخذ موافقة الجورنال وهاجي إن شاء الله.

أحمد نجيب: وأنا مستني حضرتك.

نادر: تمام.... شكرًا.

أحمد نجيب: مع السلامة.

نادر: مع ألف سلامة.

- كده كده السبت أجازة.. بس بردو هقول للمدير عشان أفرحه..

دخلت حكيت له كل حاجة من أول الجواب لحد ما خلصت المكالمة مع (أحمد نجيب).

مديري المباشر زي ما أكون جبت له مليون جنيه.. قام وقف وسلم عليا..

مديري: برافو يا (نادر) برافو.

نادر: برافو على إيه.. هو أنا لسه روحت؟!!

مديري: برافو على فكرة الجوابات.. لما انت كتبت العنوان في آخر

العدد اللي فات.. مكتش متخيل إن استجابة القراء هتكون سريعة بالشكل ده.

نادر: ولا أنا الحقيقة يا فندم.

مديري: كمان يا (نادر) إننا ننشر تحقيقات وقصص من عند القراء

هتعمل رد فعل إيجابي جدًّا.

نادر: أديك شوفت.. يا فندم.

مديري: المهم هتروح إمتى المشوار ده؟

نادر: السبت غالبًا.

مديري: تمام.. عدي على الحسابات خد مبلغ تحت الحساب عشان
انتقالاتك ومصاريفك، وخذ جهاز الـ MP3 عشان تسجل لو حابب.
نادر: لأ أنا هسجل على شرايط..

مديري: طيب اللي يربحك.. فقلوس واشتري شرايط تسجل
عليها يا (نادر)... أنا عاوز تحبطة أحمد من (لعنة الأختين)...
ولما نيحي نشرها هنكتب قبلها.. (قصة حدثت بالفعل في شوارع
شبرا مصر).

نادر: إن شاء الله يا فندم.. أستاذن حضرتك همشي.

مديري: اتفضل يا نادر.

- خرجت وأنا كده واخذ كل الموافقات على خوض أول تجربة غريبة
مع حد معروفش ولا معايا بقا شيخ ولا قرايب..
دي لحد معروفش تمامًا ورايح لوحدي عشان أحقق فيها وأخرج
منها بتحقيق غني للجورنال.

خرجت من الجورنال، وكان لازم أسافر فورًا عشان أرتب لحكاية
(أحمد نجيب) دي..

وبعد ما ارجع هأجر شقه هنا جنب الجورنال زي ما زمايلي في
الجورنال كلهم نصحوني.. عشان مش هقدر أسافر كل يوم وكمان
وعدوني يشوفولي شقة إيجار.

- طول ما أنا في الطريق بفكر في اللي جاي ويا ترى هتكون حاجة
فعلاً ناجحة و هتعمل فرقة ولا لا، وهلبس بسببها في حياطة؟ ولا إيه
اللي ها يحصل؟

ع العموم ربنا يستر..

روحت البيت ولسه هناك فرحانين بإني بقيت يومياً بروح الشغل،
فاتحتهم في موضوع الشقة المتأجرة.. وافقوا جداً عشان راحتى..
أكلت وقعدت معاهم والدنيا الحمد لله استقرت جداً وقومت عشان
آخذ دش وأنا.. الباب خبط فقعدت تاني ولا قيت (ماما) بتقول:
(مروة) أهلاً يا بنتي تعالى... انتي جايه لو حدك... مالك معيطة
ليه؟.. فيه إيه؟!

(بالمناسبة أنا حكيت كل اللي حصل هناك في بيت خالتي (صفية)..
بس مجبتش سيرة (مروة) من قريب أو بعيد..
...دخلت (مروة) وسلمت على (بابا) ومسلمتني عليها وقعدت
وانفجرت في العياط..

بدأ (بابا وماما) يسألوها: مالك فيه إيه؟

مروة: ماما يا عمي مش عارفه عاوزه إيه؟

والدي: ماها ماما؟!

مروة: عاوزاني أموت بالبطنيء.... بجد مش فاهماها.

والدي: إنجزي يا (مروة) من غير شعارات... فيه إيه؟

(مروة) بطلت عياط واتعدلت في قعدتها وقالت:

أنا جاي لي عريس..

ماما: طب كويس ودي حاجة وحشة!

مروة: أدكي قولتي يا خالتي.. قوليلها!.. متقوليش الكلام ده ليا أنا!

والدي: إستني بس وأمك رفضاه ليه؟

والدتي: آه صحيح.. أكيد شايفه فيه عيب يا (مروة).

مروة: والله ما فيه عيوب.

والدتي: أومال (صفية) رافضة ليه؟

مروة: عشان عوزاني أرجع لطريقي!

والدتي: آه... فهمت كده.

والدي: طب وانتي مفيش أي أمل ترجعي له؟

مروة: لأ طبعا.

والدي: طب هو جه اتقدم ولا لسه؟

مروة: ولا جه ولا عتب باب البيت.. دي لسه بقولها رقت بالصوت.

والدي: رقت بالصوت عشان بس قولتي لها جاي لي عريس؟!

مروة: آه.

والدي: مش غريبة دي يا مروة؟

مروة: والله يا عمي ده اللي حصل.

والدي: خلاص أنا هاخذ خالتك ونروح لها.

مروة: ياريت أكون موجودة عشان عاوزه أفهمها إني مش هرجع لسي زفت ده أبدًا.

- كل الحوار ده داير وأنا عيني مشيلتهاش من على (مروة) لدرجة إنها كانت متلخبطة وخايقة ترفع عينيها ناحيتي.

والدتي: طيب العريس ده إيه إمكانياته؟

مروة: يعني إيه إمكانياته؟!

والدتي: عنده بيت بتاعه... مين أهله؟

مروة: أهله ميتين وعنده بيت أيوه.

والدتي: ويشتغل إيه؟

مروة: رجل أعمال وشغله في أكثر من بلد وهلف معاه الدنيا.

تدخلت أنا في النص: واسمه (كساب).

- أبويا وأممي الاتنين قاموا وقفوا، وأبويا بص لها وزعق: كساب؟

- (مروة) هزت ببجاجة راسها إنه آه!

والدي: كساب مين؟

مروة: (كساب) اللي انت عارفه يا عمي.

والدي: لأ ده انتي اتجننتي رسمي خلاص وعاوزه الضرب، وجايه

تقولي (ماما) مش موافقة... ماهي لازم متوافقش.

والدتي: وإنتي فاكره نفسك هتخبي إنه (كساب) لحد إمتي؟ وكم ان

فاهمه إننا هنروح نقنع أمك بيه؟!!!

مروة: أنا مش فاهمه إيه المشكلة يعني.. مش راجل زي أي راجل؟

والدي: إنتي مجنونه يا بت انتي؟!!!

مروة: اتجننت عشان "هتجوز"؟
والدي: هتتجوزي كساب؟! ده بعينك! ده أنا أموتك قبل ماده
يحصل.

مروة: حرام عليكوا بجد.. هو هينفذ لكم كل طلباتكم، إيه الجبروت
والافترا بتاعكم ده؟!!

والدتي: احرسي يا زفتة.. إزاي تكلمي عمك كده؟.. حسابي معاكي
بعدين...

- قامت (مروة) وهي بتعيط وقالت: براحتكوا.. بس أنا هتجوزه..
والتفتت ليا وقالت:

مبسوط يا بوز القرف؟.. كل ما أحاول أنسى اللي انت عملته فيا..
تعمل حاجة تانية تفكرني وتخليني أكرهك أكثر، والله حلال فيك اللي
عمله فيك.. ولسه اللي هيعمله فيك سيدك بكره!
بصيت لها بنظرة مستفزة وابتسامة سخيفة جدًا وقلت: هيعمله
الساعة كام؟

- خرجت ورزعت الباب وراها و(بابا وماما) مندهشين وبيضربوا
كف بكف..

والدي اتلفت لي: إنت عرفت مين يا (نادر) إنه (كساب)؟

نادر: منطقي جدًا إنه يكون (كساب).. (مروة) يا (بابا) هي اللي
دخلتني للمرحلة اللي شوفتني عليها في بيت خالتي.. زي ما بيقولوا كده
سلمتني لـ (كساب) تسليم أهالي.. صدقني يا والدي (مروة) خادمة لـ

نادر فوده 2 كساب

(كساب) درجة أولى.. هو محتاج واحدة زيها تكون خادمة وزوجة له،

وتجيب له وريث جديد "كساب صغير"

وهي كمان زيه ولايقة جدًا عليه.. (مروة) طول عمرها سلبية وأناية

ويهمها نفسها أولاً وأخيراً، والمواصفات دي تنفع جدًا مع (كساب)...

(مروة) مبسوطة بحالة الاستعباد لـ (كساب) جدًا..

وعندها آمال عريضة إنها تكون زيه، ويمكن أحسن منه كمان.

والدي: يعني إيه؟

نادر: يعني ريجي نفسك يا ماما... (مروة) هتتجوز (كساب) بمزاجنا

أو غصب عننا!.. هو غالبًا كان حابب إنه يكون بمزاجنا عشاني أنا

تحديدًا.

والدي: عشانك إزاي؟

نادر: عشان يقول لي أنا دخلت العيلة رسميًا وهقضيالك عليهم

قدام عينك، ويبدأ يكسبكم كلكم وأفضل أنا أحذركم وانتو تقولوا ما

الراجل طلع كويس أهوه يا (نادر).. حرام عليك اللي كنت بتقوله عنه

وبعدها يعمل فيكوا ما بداله.. يا بابا (مروة) كلها فوايد لـ (كساب)

ومش هيتنازل عنها صدقني خصوصًا إن أمه (حفيظة) تسببت إنه عمره

ما هيقدر يتجوز طول حياته من بنات ملوك الجن.. بعد ما دخلت

الأوضه عليه هو و(الوقاد) وهو بيأدوا مراسم زواجه من جنية ملكية،

ومن وقت ما أمه دخلت اتمنع الزواج ده، وأي زواج تاني من جنية!

وعشان كده (كساب) اتقلب على أمه ورمها في المقابر وهي صاحية!

وسابوها تروح في ستين داهية.

طبعًا أنا متأكد إن الموضوع مش هيعدي، ووالدي ووالدتي مش هيسيوها ولا حاجة، وإذا هما سكتوا خالتي هنصحى الصبح عليها جايه بترقع بالصوت..... الحقني يا (مصطفى)، الحقني يا (نادر).... الخ

المهم دخلت خدت دش وقولت أنام وأسيب تجهيز الحاجات لبكره... لسه عندي يوم أحضر فيه كل حاجتي.... ونمت..

صحيت الساعة عشرة صباحًا على صوت (ماما) وهي بتقول لي: "الفتار جاهز يا حبيبي." قعدنا نفطر..

الباب خبط زي ما قولت بالضبط....

خالتي صفية: يا نهار اسود النهارده.

ماما: داخله بز عابيبك ليه يا صفية؟؟؟

خالتي صفية: كده يا اختي؟.. كده يا (مصطفى)؟.. ده انا معتزالك أبوها.

والدي: فيه إيه يا ام (مزوة) عالصبح!؟

خالتي (صفية) بصت لي: وانت قاعد مبتنطقش وساييها.. هو ده رد

الجميل يا (نادر)؟!

نادر: جميل؟!.. طيب..

نادر فوده 2 كساب

خالتي صفية: بقا بدل ما تدوها قلمين يفوقوها.. تسيبوها ترجع لي وانتوا موافقين!!

والدي: موافقين على إيه يا مخبولة انتي؟!!

خالتي: على جوازة الخيبة والندامة يا اختي يا بنت بطن امي.. آخرتها أجوزها لواحد من بتوع أستغفر الله العظيم!

هو أنا بجوزها ولا بحضر عليها عفريت؟!!

والدي: انتي شوفتيها التجوزته؟

خالتي صفية: وأنا لسه هستنى!

والدي: اتهدى شويه واسمعي.. أولاً احنا موافقناش على حاجة.. احنا بهدلناها هنا، بس انا مش هضربها يا صفية! ثانياً هي مشيت معيطة من اللي اتعمل فيها.

خالتي صفية: بس هي جت وقالت هما لا رفضوا ولا وافقوا، أنا أصلاً مكنتش عاوزاها تيجي جتلکم من ورايا، كنت هبعث أجيبکم تشوفوا المصيبة بنفسکم..

وبعدين يا اخويا هو اللي زي ده بيتجوز ليه؟.. عشان يحضر عليها عفارته؟.. ولا يزهق عليها في مرة يسخطها غراب ولا دكر بط؟!!

- أنا انفجرت في الضحك بعد (دكر بط) دي، ووالدي ووالدي كمان وطبعاً ده عصب خالتي صفية أكثر.

خالتي صفية: بقا كده يا أستاذ نادر؟.. بقا كده يا اختي يا بنت أمي وأبوي.. طبعاً (مصطفى) له حق يضحك.. إذا كانت أختي اللي من دمي

وابنها بيتريقوا عليا وعلى بنتي .. ده انت يوم ما جيت بقولك ادخل يا
وش الخير، عشان كانت قايلالي إن فيه مهندس عاوز يتقدم لها وكنت
فرحانه وقولت لها عاوزه اشوفه كذا مرة وفي الآخر طلع مهندس بردو ..
بس مهندس سفلي والعياذ بالله .

والدتي: ياستي اقعدي مبتريقش ولا نيله اقعدي بقا!

والدي: صفيه انتي مش واخده بالك إنك بقالك ربع ساعة عماله
طايحة في الكل ومش مديه فرصة لحد يرد، ومش عاجبك أي كلمه لأي
حدا

خالتي صفيه: ماشي يا أستاذ (مصطفى) .. أنا آسفة .. أنا قايمه
ماشية .. يحرم عليا بيتكم لحد ما بنتي تفوق من اللي هيا فيه . أنا إيه اللي
جانبي ... أنا ماشيه ..

محدش بقا بيوقف مع حد في الزمن ده .. يا خسارة يا ألف خسارة!

جريت أمسكها قبل ما تطلع .. زعقت فيا وقالت:

خالتي صفيه: ابعده انت بالذات ما انت سبب المصايب والغم ده
كله .. مش انت اللي وديتها عنده يا (نادر) أفندي، وآخرتها تتريق على
كلام خالتك، إوعى غور من وشي!

- خرجت ورزعت الباب وراها ... وفضلنا نبص لبعض إحنا التلاته
ومش مستوعبين اللي حصل!

والدي لأمي: أختك اتجننت!

والدتي: ما انت عارفها يا (مصطفى) .. إيه الجديد يغني؟

نادر فوده 2 كساب

والدي: (مرودة) شكلها قالت لها إننا موافقين.

والدي: لأ مخدمش بالك؟.. قالت لها لا رفضوا ولا وافقوا.

نادر: كلها يومين وتلاقوا خالتي جايه تزغرد وتعزمكم على الفاتحة.

والدي: انت هتقول لي.. أختي وانا عارفها كويس.

- خرجت (أمنية) من أوضتها وطلعت.. كانت جوه وسامعه كل اللي

حصل بس محبتش تخرج، وقعدت تفطر معانا.

- صليت الجمعة في اليوم ده بعد انقطاع طويل جدًا.. صليتها بعد

إلحاح من (بابا وماما) كثير ولا زلت متضايق جدًا من نفسي من الحالة
اللي وصلت لها..

من الكسل في العبادات بالشكل ده..

- بلغت الجميع إني عندي شغل بكره استثنائي في الجورنال، وعلى
بليل كنت برتب شنطتي (الهاند باج) الصغيرة وخطيت فيها:

ورق وأقلام - جهاز التسجيل بتاعي وتلات شرائط كاسيت جديدة

"أكيد مش هعيد كارثة التسجيل على شرائط أم كلثوم وعبد الحليم

حافظ، وموسيقار الأجيال محمد عبد الوهاب" لأنني مش مسامح نفسي

على الجريمة اللي عملتها وأنا عند (الوقاد) لو فاكرين!

خلاص بقا بقينا بنشتغل بمهنية ومعايها شرائط مخصوص للتسجيل

عليها..

السبت الظهر كنت مسافر... وصلت شبرا الخيمة، ركبت تاكسي وطلبت منه يوديني شبرا مصر، وأنا في الطريق زميلي في الجورنال كلمني يقول لي إنه بالفعل لقي ليا شقة وأجرها لي مفروشة بناءً على توجيهات مديري المباشر... طيب ده كويس جدًّا، هخلص النهارده وهروح شقتي الجديدة.

- وصلت العنوان واتصلت بـ (أحمد نجيب) وطلع قابلني وخذني شقته، ودخلت قعدت قال لي هنضطر نستنى للمغرب... عشان تبدأ تسمع اللي بيحصل وممكن للعشا كمان. قولت له: مفيش مشاكل أهو أسمع منكم الحكاية كلها لحد المغرب... إحنا العصر دلوقتي، الوقت مش طويل يعني يا أحمد.

دخل ولد صغير في ابتدائي قدمهولي (أحمد) وقال لي: (عمرو) أخويا ودخلت بعده بنت شكلها في ثانوي.. عرفني (أحمد) بيها بردو وقال لي: (دنيا) أختي.

- قعدوا كلهم وبدأ (أحمد) الكلام:

والله يا أستاذ (نادر) الدنيا كانت تمام جدًّا ومفيش أي مشاكل لحد ما والدي ووالدي توفاهم الله في الحج، طبعًا انت متخيل شعورنا وقتها.. مرينا بأسوأ أيام الموت والعزا... بعدها البيت فضي عليا تمامًا، وبدأت أحاول أحتضن (عمرو، ودنيا) لأن فقد (ماما، وبابا) كارثة

بكل المقاييس، بس ربك كريم.. قدرت أقوم بدور إلى حد ما كويس،
وارتبطنا ببعض جدًا وبدأنا نتعاش كلنا مع فكرة إن محدش بيعبرنا أو
بيسأل عنا قريب كان أو غريب..

لحد ما في يوم صحينا الفجر على صوت صراخ وانفجارات وسارينة
مطافي، وخبط عنيف على باب الشقة في نفس الوقت.. فتحت لقيت
حد من الجيران يقول لي: "خد اخواتك وانزل.. البيت بيولع." شيلتهم
والله بلبس النوم ونزلنا حافيين الشارع.. بس لما نزلنا اكتشفت إن عمارتنا
سليمة، اللي بيولع عمارة قديمة قدامنا من مباني زمان، واسمها (بيت
النصر) نسبة لصاحبها القديم (نصر عطا الله).

العمارة كانت كتلة من الجحيم.. والمطافي بدأت تظفي بس مش قادرة
تسد قدام كل النار دي....

- حرفيًا محدش خرج من العمارة!!.. ملقيوش جثث متفحمة حتى!!
هو مكانش ساكن فيها كثير.. ثلاث شقق بس من ضمنهم مالك
العمارة الحالي ومراته.

- الحريقة اتظفت الساعة عشرة الصبح.. يعني فضلوا يطفوا فيها
حوالي ست ساعات...

سألت (أحمد): "هي فين العمارة دي؟؟؟" أخذني من أيدي
وفتح الشباك... لاقيت بيت قديم نوعًا ما بس مش محروق
ولا حاجة.

نادر: هو فين اللي ولع ده؟!

أحمد نجيب: ما دي أول حاجة غريبة حصلت..

بعد يبجي أسبوع أو عشر أيام من الحادثة؛ صحينا كلنا لاقينا البيت
كله واجهته متبيضة ومدهونة زي ما انت شايف ومحدث شاف مين إالي
عمل ده!!

الناس كلها فضلت تسأل بعض ولكن دون أي جدوى، العمارة
سكانها ماتوا ومفيش حد ظهر يسأل عنهم أو عن العمارة وإذا بها تتلون
كده!

لحد ما في يوم كنت في أوضتي بذاكر.. سمعت أختي (دنيا) بتصرخ..
جريت لقيتها واقفة قدام الشباك وبتشاور على (بيت النصر) قولت لها:
فيه إيه؟.. قالت لي:

بص!!!

بصيت وأنا كمان تنحت وانخضيت جداً.. البيت رجع لشكله بعد ما
نفحم، أيوه رجع محروق من جديد!

إحنا الاتنين وقفنا مش عارفين تفسير ولا تعليق على إالي قدامنا ده،
وخصوصاً إن تاني يوم الصبح صحيت فتحت الشباك لاقيت البيت
رجع متبيض تاني!

صحيت (دنيا) سألتها عن إالي حصل امبارح عشان أتأكد إنه مش
حلم، فأكدت فقولت لها: طب اطلعي بقا بصي عليه هتلاقيه اتبيض من
جديد..

بعدها فضل ثابت على شكله المبيض، لحد ما في يوم بليل صحيت على صرخة (دنيا) تاني وبتنادي عليا؛ جريت من أوضتي لاقيتها واقفة في الصلاة مفزوعة.. لسه هسألها، فقالت لي: ركز واسمع..

ركزت فعلاً بدأت أسمع صوت ناس بتتكلم في الشقة!!!

أول حاجة عملتها بصيت على التلفزيون والراديو... مفيش حاجة منهم شغالة.. كان كلام كثير ومتداخل صعب تفهم منه حاجة.

(دنيا) قالت لي: كنت صاحية أشرب سمعت الصوت ده.. وقفت قولت يمكن تخاريف نوم.. بس أديك سامع انت كمان أهوه.

حاولت أتبع مصدر الصوت.. بس ملوش أي مصدر في الشقة... بس مع شوية تركيز تحركت ناحية الشباك اللي في الصلاة اللي بيطل على العمارة إياها.. فتحته الصوت علي جداً جوا الشقة، صعب تحدد الصوت جاي من جوا الشقة ولا من العمارة!!!

المهم إنه صوت صعب جداً.. ولا يحتمل.

وأنا بيص لمحت واحد خارج بيجري من العمارة ومعه طفل واتنين كمان، وواحد منهم يمشي بالراحه أوي... بس مش عارف أحدد مين دول!

الصوت بعدها سكت خالص..

قفلت الشباك وقولت لـ (دنيا): ادخلي نامي.. أما نشوف حكاية البيت ده إيه!! ونمنا يا (نادر) والموضوع عدى عليه يوم بالضبط....

وبليل صحينا على صوت سارينة الإسعاف، وأول ما طلعتنا الصلاة لاقيناها منورة جداً، بصيت من الشباك... العمارة ولعت تاني..

خدت (عمرو، ودنيا) ونزلنا نجري عشان العمارة ممكن كده تقع أو
النار تنتقل للعمارة اللي احنا فيها... فنزلنا في الشارع نجري..
أول ما نزلنا لقينا الشارع فاضي..

مفيش ناس..

مفيش مطافي..

مفيش أصلاً حريقة!!

وقفنا نبص لبعض ومش فاهمين حاجة!!

أخذت اخواتي وطلعنا الشقة، وأقنعتهم يناموا بالعافية وفضلت
صاحي للصبح أفكر؛ هو فيه إيه فعلاً؟!

الساعة السابعة صباحاً؛ نزلت الدور اللي تحتي لأستاذ (عادل)
وسألته: هي العمارة اللي قدامنا دي كويسه؟

ضحك من سؤالي وقال لي: آه كويسه وبتسلم عليك.

قولت له: افهمني بس يا (عادل) أنا بسمع فيها أصوات غريبة
بالليل....

دخلت مراته مدام (كارمن) وقالت: أيوه يا (أحمد)... صوت وخبط
وناس بتصوت وناس بتتكلم.

(عادل) قال لها: خلاص يا ماما اهدي. ردت عليه: أنا عاوزة أمشي
من البيت ده بقولك أهوه يا (عادل).. (أحمد) كمان سمع مش احنا
لوحدنا!

قولت له: هو انت بتخبي ليه؟

عادل: مش مسألة بخبي... هي جالها أمر إزاله وهتهد خلاص.

أحمد: طيب مين اللي بيضها ودهنها بعد الحريقة؟

عادل: ولا نعرف.

أحمد: طيب صاحبها فين؟

عادل: حازم؟ مختفي من بعد الحريقة... بيقلوا ممكن يكون اتحرق

فيها!

أحمد: ده مفيش ولا جثة!! على العموم كويس موضوع أمر الإزالة

ده فعلاً.

عادل: عشان كده مش حابب نرغي في الموضوع.. لا يطلعوا ويجولنا.

أحمد: هما مين؟

عادل: العفاريت، وانت متوقع العمارة... إيه اللي فيها دلوقتي، أرواح

اللي ماتوا وعفاريت صحابهم.

أحمد: صح..

وسبته وروحت الكلية، ولما رجعت البيت حكيت لـ (دنيا) وقولت

لها: نكبر دماغنا لحد ما يهدوها. وقررنا إننا خلاص هنكبر دماغنا فعلاً،

لكن ده محصلش!!

بعدها بيوم... صحيت على صوت (دنيا): يا عمرو، يا عمرو)

ارجع.. انت رايح فين؟

يا أحمد.. يا أحمد.. يا أحمد الحقني!

قومت نظيت من على سريري.. طلعت لاقيت (دنيا) واقفة بتبص

من شباك الصلاة وعماله تشاور وتصوت (الساعة وقتها كانت الثالثة

وعشرة بالليل).

أحمد: فيه إيه يا (دنيا) تاني؟

دنيا: إلحق أخوك عمرو!

أحمد: عمرو!! ماله فيه إيه؟ انطقي.

دنيا: تعالى بص بسرعة.

بصيت من الشباك؛ لاقيت (عمرو) واقف في الشارع.. زعقت استنى أنا نازل لك، رفع راسه وبص لي بصة.. قلبي اتخلع من الرعب بسببها، وبعدها دخل بسرعة جوا (بيت النصر) "العمارة اللي قدامنا" اللي سبب كل الهم ده.

(دنيا) صرخت، وأنا نزلت حافي أجري عشان ألحقه..

نزلت ووقفت قدام مدخل العمارة.. محتار وبسأل نفسي: هو دخل ازاي ومين؟!!

المدخل معمول بوابة حديد وعليها كمية جنازير وسلاسل مش طبيعية.. عمري ما خدت بالي منها، حاولت أزقها أو أحركها ولكن طبعا مفيش فايده..

فضلت أخبط على البوابة وأنادي على (عمرو) بس مفيش أي رد بيجيلي.. لفيت حوالين العمارة، ووصلت عند الشيش بتاع شباك شقة في الدور الأرضي كان ضعيف غالبًا بسبب الحريقة.. خبطة واحدة ويقع وفعلاً ضربته كذا ضربة اتكسر ودخلت العمارة..

بس الغريبة إن الشباك بيطل على سلم العمارة؛ كأنه باب تاني للعمارة مش شباك "وضع غريب مفهموش" بس بدأت أطلع السلم وأنا مش شايف حاجة من الضلمه وناديت على (عمرو) أكثر من مرة..

كنت ماشي بتحسس الحيطان يا (نادر) عشان متكعبلش.. بس وأنا
بلمس الحيطه إيدي جت على حاجة زي ما تكون جسم حد عريان..
صدر راجل تحديداً سحبت إيدي بسرعة.. رجعت حطيت إيدي تاني
ملقيتش حاجة.. كملت مشي على السلم.. من أول ما دخلت عمال
أدوس على طوب وزلط وخشب متكسر، وفجأة دوست على حاجة
نطيت بسببها.. وخلي بالك أنا كنت حافي وبيا حساسي كده... الحاجة
اللي دوست عليها لها شعر وطرية وكبيرة..

حاجة زي ما تكون جسم كلب.... نايم أو ميت!

كملت مشي على السلم بالراحة جداً.. إيدي وصلت لجرس شقة...
لا إرادياً ضغطت الجرس فرن!! أيوه رن... رن ازاى في العمارة المحروقة
كلها دي!!؟

مش دي الصدمة الحقيقية، الصدمة لما سمعت صوت من جوا الشقة..
صوت واحدة ست: مين... مين اللي بيخبط؟

بقيت مش عارف أنطق من الدهول!

وإذا بصوت طفل: أفتح الباب يا طنط؟

صوت السيدة: لا يا حبيبي متفتحش لحد غريب زي ما علمتك.

- صوت الطفل هو هو صوت (عمرو) أخويا.. أنا متوهش عن

صوت أخويا أبداً.

- زعقت: عمرو؟.. عمرو؟

افتح يا (عمرو) الباب بسرعة... افتح.

الباب افتتح فعلاً... وحصل أعجب شيء، نور مجهول المصدر سطع في المكان كله لدرجة إني خبيت عيني، ولكن رجعت بصيت لما شوفت المكان عبارة عن أطلال متفحمة.. ملحققتش أشوف كثير لأن باب الشقة تحول لباب جديد، وراح آثار الحريق من عليه ووراه الحيطان رجعت عادية منش محروقة والسلم والعمارة كلها اتغيرت في ثواني ورجعت لشكل أي عمارة عادية غير محروقة.. السلم نور وبقا نضيف جداً وكل آثار الحريق اختفت تماماً من العمارة، وأنا واقف مبرق... وإذا بصوت ست يقطع كل اللي أنا فيه: مالك يا أستاذ؟! انت عاوز مين؟

وقفت مبرق لها ومش فاهم أي حاجة... ولا بنطق بأي كلمة...
وجنبها طفل بس مش (عمرو) ولا حاجة..

سمعت صوت آذان الفجر

في اللحظة دي... الست دخلت بعد ما زهقت من خروسي وقفلت الباب... وبعد ما قفلت الباب... في لحظة كل حاجة بدأت ترجع لشكلها المحترق تاني.. باب الشقة، الجدران والحيطان، والسلم والأرض، ورجعنا للضلمة تماماً من جديد... سمعت من بعيد صوت (دنيا) أختي: يا أحمد.. يا أحمد..

انزل أنا لاقيت (عمرو) لاقيته... إنت سامعني؟ بقولك لاقيت (عمرو)..

نزلت أجري... ووصلت لمدخل العمارة؛ كان متوارب فتحته وخرجت منه...

أول ما خرجت لاقيت السلاسل والجنازير بتمشي لوحدها على الباب، وبتقفله زي ما كان!!

لاقيت (دنيا) جايه من ناحية تانية.. ناحية الشباك اللي أنا دخلت منه. دنيا: أنا كنت الناحية التانية... لاقيته يا (أحمد) خلاص.

أحمد: كان فين؟ أنا كنت جوه ملقتوش.. بس سمعت صوته والله.

دنيا: صوت مين؟ هو مدخلهاش غالبًا أصلاً!

أحمد: مش فاهم هو دخل العمارة ولا مدخلهاش؟؟؟؟

دنيا: ما هو ده الغريب في الموضوع.

أحمد: غريب إزاي؟ مش فاهم!

دنيا: انت لما دخلت العمارة.. شوفتك من الشباك قولت هنزل أدخل وراك... دخلت لبست الإسدال بتاعي، وطلعت الصالة آخذ المفتاح، وأنا معديه لاقيته واقف بيشرّب من التلاجة، بصراحة اتفزعت فزعة رهيبه.

قولت له: إنت كنت فين يا بني؟.. وإيه إالي تترك تحت؟ ماردش

عليا!

وسابني واقفة، ودخل أوضته ونام!! وهو داخل قال جملة غريبة.

أحمد: قال إيه؟

دنيا: قال: أفتح الباب يا طنط؟ وبعدها دخل أوضته نام.. بعدها

نزلت أجري عشان ألحق أرجعك!

أحمد: يعني (عمرو) في أوضته نايم؟!

دنيا: آه والله.

أحمد: أو مال احنا شوفنا مين في الشارع؟! هو أخوكي بيمشي وهو

نايم؟!!

دنيا: لأ يا (أحمد) انت بتقول إيه?... لأ طبعًا.

خذت (دنيا) وطلعنا الشقة، ودخلت أوضة (عمرو) لاقيته نايم
ومستغرق فعلاً.

نادر: أنا مش فاهم يا (أحمد).. هو البيت رجع بسكانه يعني ولا

إيه؟!!

أحمد نجيب: ده اللي شوفته أديني حكيت هولك، بس تاني يوم قبل ما
أروح الكلية بعد ما (عمرو، ودنيا) راحوا المدرسة...

نزلت وروحت عند الشباك واتصدمت.. لاقيته رجع سليم كأني
مكسرتوش، فبدأت أشك في نفسي!.. المهم كسرت تاني ودخلت، نور
النهار كان داخل العمارة نوعًا ما، فدخلت بس ملقتش غير آثار الحريق
وزلط وطوب وخشب محروق.. طلعت ووصلت عند الشقة اللي رنيت
الجرس بتاعها..

أولاً: ملقيتش الجرس، مكانه سايح تمامًا.

ثانيًا: مفيش باب أصلاً.. متكسر من الحريقة.

بعدها خدت بعضي وخرجت من العمارة وروحت الكلية..

إحنا يومئذ يا (نادر) دلوقتي بنسمع الصوت المقرف اللي كرهنا في

حياتنا بجد.

نادر: خلاص كده؟

أحمد: لأ مش خلاص...

نادر: طيب مفكرتش تروح (بيت النصر) ده تاني؟!

أحمد: لأ مفكرتش، بس (دنيا) راحت.. مش بقولك مش خلاص!

نادر: دنيا؟!

(دنيا) دخلت في الحوار: آه.. أنا فهمت كده إن الوضع ده بيحصل
آخر دقائق قبل الفجر، ومع الأذان بيتهني، فقررت أنزل أشوف وأتأكد
بنفسي.

نادر: إحكي لي.

دنيا: خليتهم كلهم ناموا، واستنيت لنفس الوقت الساعة الثالثة
وعشرة، نزلت ثلاثة ونصف بالضبط وروحت عند الشباك، وكان معايا
شاكوش كسرت حته وشديت الشيش اتفتح كله، ودخلت وكان معايا
كشاف نورته.. المكان كله عبارة عن خرابة محروقة...

طلعت السلم بالراحة جداً... وسلطت الكشاف على الحيطه لحد
ما لاقيت الجرس... رنيته واحده فعلاً ردت، إترعبت ونزلت أجري
اتكعبت على السلم... باب الشقة اتفتح... لاقيت الدنيا نورت كلها...
بعدها لاقيت قدمين قدامي على السلم... رفعت وشي شوفت واحد
بيص لي بمنتهى الغضب،

وزعق فيا: إيه اللي جابك هنا؟

نادر: تعرفيه الراجل ده؟

دنيا: لأ... ولا عمري شوفته.. بس عمري ما بنسى نظرتة ليا أبداً.

نادر: عمل أي حاجة ثاني؟

دنيا: عداني ودخل الشقة، وزعق في اللي فتحت الباب، وفضل يقول لها: هسيبك هنا تتحرقني ومش هاخذك معاهم.

أحمد نجيب: بعدها أنا بعث لك الجواب... وانت جيت.

نادر: طيب احنا المفروض بالليل أهوه، والمغرب عدازي ما قولت لي.

أحمد: (نادر) معلش هتبات في أوضتي النهارده، وأنا هيات مع (عمرو) وهاجي أصحيك بالليل تسمع بنفسك.. هي ملهاش وقت ثابت، المهم إنها بالليل وخلص.

نادر: أبات؟! مش عامل حسابي وعندي شغل الصبح.

أحمد: أرجوك يا (نادر) امشي بكره، بس اسمع الليلة بس... إنك تسمع بنفسك الوضع هيكون مختلف.

نادر: (أحمد) أنا مش شيخ.. أنا هنقل اللي بيحصل وخلص.. مش محل لكم حاجة.

أحمد: وأنا مطلبتش غير كده، وأنا قولت لك إننا هنمشي، أنا كل اللي عاوزه الموضوع يتعرف ويتعجل بهد (بيت النصر) ده... وأبقى عملت حاجة مفيدة قبل ما أمشي، وانت كمان هيكون معاك قصة مرعبة حدثت بالفعل، هو ده شويه؟!

نادر: لأ مش شويه طبعًا.. بس أنا مش عامل حسابي.

أحمد: حسابك إيه يا (نادر)؟! هجيبلك بيجامة من عندي، واتصل انت في الشغل بلغهم بيوم أجازة معلش.

- بصراحة كنت متردد... بس الموضوع شكله يستاهل إني أبات...
مع إني كان نفسي أروح شقتي الجديدة المفروشة اللي المفروض والدي
كتر خيره نزل واطمن بنفسه إنها كويسه، ونقل حاجاتي اللي جهزتها لهم
عشان يجيوها في الشقة..

(دنيا) عملت عشا واتعشينا واتكلمنا في مواضيع تانية غير (بيت
النصر) دراستهم وحياتهم وأحلامهم، وخذنا كلنا على بعض وبقينا
صحاب واتكلمنا في حاجات كثير و(عمرو) كان قاعد جنبي علطول..
بصراحة حسيتهم حاسين بغربة ووحدة كبيرة، أشفقت جدًّا عليهم
ودعيت ربنا يبارك في أعمار أمهاتنا وآبائنا جميعًا.

الساعة الحادية عشرة بالليل دخلت مع (أحمد) الأوضه، واتكلمنا
شويه وسألني: هتعمل إيه؟.. قولت له: والله مش عارف، سيب الأمور
تمشي زي ما تمشي!

استأذن (أحمد) وخرج وسابني، وأنا غيرت هدومي ونمت...
طبعا مش نوم ولا بتاع، بس أهو أديني مريح على السرير وبعث رسالة
لمديري يبلغه، إن الموضوع محتاج مني شغل كثير، فمش هقدر آجي بكره
الجورنال، عينا غفلت معرفش بقا أد إيه، ولكن صحيت على صوت
خبط على الباب.. قومت قعدت شويه على ما استوعبت، أنا فين وبعمل
إيه؟!

فتحت باب الأوضه ملقتش حد... بس سمعت صوت ناس كثير
بتهمس ويتكلم فعلا جاي من الصالة، والصوت بعيد.. رجعت
الأوضه وطلعت التسجيل من شنتطي وخرجت الصالة، وبدأت

أسجل... فعلاً كان فيه صوت همس وكلام، وفي النص أصوات آهات
وأحياناً بكاء... جريت على شباك الصالة... بصيت.. لاقيت واحد
خارج من (بيت النصر) ووراه اتنين أو تلاته تانيين!

في اللحظة دي.. لاقيت (أحمد، ودنيا) خارجين من أوضهم... أول
ما شافوني قالولي: إنت صحيت؟.. ده احنا كنا جاين نصحيك.

قولت لهم: لأ صحيت وسمعت وسجلت كمان.

أحمد: وهتعمل إيه؟

نادر: الساعة كام دلوقتي؟

أحمد: واحدة ونص.

نادر: تمام.. أنا هدخل العمارة دلوقتي.

أحمد: مش هتلاقي حاجة.

دنيا: بيظهروا قبل الفجر.

نادر: غالباً انتوا فاهمين غلط.. هما فعلاً بيختفوا مع الفجر، لكن
بيظهروا من قبل الفجر بكثير.. أنا متأكد إني لو دخلت دلوقتي هلاقيهم.

أحمد: مش عارف... عاوزني آجي معاك؟

نادر: لأ أنا عاوز بس كشاف، وهاخد الكاسيت بتاعي معايا.

دخلت (دنيا) جابت كشاف، أخذته منها...

أحمد: أنا هنزل معاك أدخلك من الشباك عشان متدورش كثير عليه.

نادر: تمام ماشي.

ونزلنا... وكسر (أحمد) الشباك، ودخلت وقولت له: ارجع انت
لإخواتك... شغلت الكاسيت يسجل..

نفس الوصف بتاع (أحمد، ودنيا) عمارة محروقة متهالكة... طلعت
السلم بحذر، ووصلت لأول شقة.. لاقيت الجرس وضغطت عليه...
صوت سيدة من الداخل: مين؟

نادر: أنا (نادر) يا فندم.

صوت السيدة: لو انت اللي عاوز تأجر عندهنا.. (حازم) مش موجود،
بصراحة كتر خيرها.. مكنتش عارف هقورها أنا مين وجاي ليه!
ردت عليها: بس أنا جاي من محافظة بعيدة، وحرام أرجع تاني كده.
صوت السيدة: طيب استنى..

وفتحت الباب، كانت سيدة في الأربعينات من عمرها، طيبة الوجه
والملامح..

ابتسمت وقالت: لولا إنك والله جاي من سفر.. مكنتش ليا دعوة،
أنا شايله إيدي من التعامل مع السكان خالص برغم إنهم قليلين.. ثانية
واحدة همجيب موبايلى أطلب (حازم)، ودخلت وعينيا دخلت معاها
وبدأت الشقة المحترقة من جوا تتبدل لشقة جميلة، وهي ماشيه جواها
عادي جدًا ولا شايفه أي حاجة من اللي أنا شايفه.. مفروشة فرش حلوة
جدًا، والعمارة كلها بالتبعية تحولت تمامًا..

رجعت ومعاها التليفون، وقالت لي: مبردش خالص بقاله كذا
يوم.. ده العادي بتاعه على فكرة..

أنا مقدرش أديك شقة.. لازم هو يوافق ونشوف مين ناوي يمشي
وانت تاخذ شقته.. بس أقدر أديك أوضه، بس هتكون فوق السطح لو
تناسبك.

نادر: تناسبني طبعًا.

السيدة: تعالي معايا، وشدت المفاتيح من على تراييزة جوا وقفلت
الباب وطلعنا.. كانت هي الأرضي وفوقينا دورين... كل دور شقة.

وطلعنا فوق السطح... الدنيا كانت نهار تمامًا.. إزاي مش فاهم!!
فتحت الأوضه... فرجتني عليها وأبدت موافقتي،

قالت لي: طالما تمام وعجبك.. بكره زي دلوقتي تيجي وتجب
تسمعيت جنبه عشان المقدم والتأمين.. هي بتلتميت جنبه وهاخذ
شهرين مقدم وشهر تأمين،

والعقد هيكون جاهز... أنا اسمي (رثيفة) وجوزي (حازم) صاحب
(بيت النصر) ده وارثه عن أهله.

نادر: تمام.

رثيفة: إنت لازم تيجي تشرب معنا بكره الشاي.. يكون (حازم)
رجع، هو معلش بيختفي بسبب شغله بالكذا يوم.. بس انا اتعودت على
كده.

نزلنا على السلم، وقالت لي: هنا شقة مدام (هناء) عايشه وابنها عنده
سبع سنين.

ونزلنا تاني: هنا شقة (عم جابر) راجل كبير ومراته (ماما اعتماد) دول
بركة البيت والله، واحنا تحتهم وانت هتنور السطوح.

نادر: بقول لحضرتك إيه يا مدام (رثيفة)، هو حصل أي حريقة في
العمارة قبل كده؟

رثيفة: فال الله ولا فالك... إيه الكلام الوحش ده؟...

نادر: خلاص متزعليش مني.. أنا آسف....

وصلتها لباب شقتها، ونزلت وفتحت باب العمارة وخرجت،

وجيت أروح لبيت (أحمد) جه في بالي حاجة غريبة...

لما روحت الشقة (أحمد) فتح لي بيقول لي: إيه الأخبار؟ مردتش عليه،

دخلت أوضته خدت من جيبي تسعميت جنيه ونزلت رجعت للعمارة

تاني، وروحت عند الشباك وكسرتة ودخلت ولاقيت العمارة رجعت

خرابة... روحت وخبطت على بيت (رثيفة)... وفتحت الباب وكل

حاجة رجعت مش محروقة تاني..

رثيفة: جاي في معادك بالضبط.

نادر: آه طبعًا... طبعًا.

رثيفة: (حازم) مجاش للأسف، بس أنا هسكنك متخافش... ولما

بيجي يبقى يعمل اللي عاوزه بقا... اتفضل ادخل يا أستاذ (نادر).

دخلت كان فيه صوت طفل يلعب جوا، وقعدت وجات وجابت

العقد مضيته واديتها الفلوس... سابتنى ودخلت جوا واتكلمت في

الموبايل، وبدأت تزعق وتعيط، وتكلم إنها زهقت من عيشتها مع

(حازم)، وإنها مش هتقدر تعيش مع واحد مريض كده.. بعدها رجعت

وكان باين إنها معيطه..

نادر: أنا آسف لتطفلي.. بس لو فيه حاجة أقدر أساعد بيها.

رثيفة: أنا آسفة صوتي كان عالي.

نادر: أنا تلميذ لشيخ ممكن أجيبه يرقيكوا مثلاً.

رثيفة: شيخ مع حازم؟! .. إنت جيت على أصعب حاجة.

نادر: ممكن أعرف السبب؟

رثيفة: عشان جوزي جاله هوس بكتب السحر والتحضير، ولما واجهته واعترضت؛ سباب لي البيت ومشي.. بس أنا بالليل بحس إنه موجود وأخرج ملاقيهوش.

نادر: إزاي؟

رثيفة: والله بسمع صوت خطواته، وبشم ريحته في البيت.. بس مبشوفوش، غالباً أنا اتجننت.

نادر: ممكن أشوف الكتب اللي بيقرأ منها؟

رثيفة: أهني دي كمان اختفت من مكتبه تماماً.. مع إنه يوم ما اتخانقنا وخرج، مشي من غير حتى ما ياخذ هدوم معاه، وعلطول بطلبه مبيردش... وبعث له رسايل ومبيردش عليا... كل ده عشان مش عاوزة الحاجات دي في بيتنا... عشان كده كتبت لك العقد عشان ظروف سفرك يا أستاذ (نادر).

نادر: كتر خير حضرتك، وأنا تحت أمرك وأمر ابن حضرتك.

رثيفة: ابني! أنا مش مخلفه!

نادر: أو مال الصوت اللي جواد ده إيه؟

رثيفة: آه ده (كريم) ابن مدام (هناء) اللي فوق بتعديه عليا، وهي رايحه المدرسة.. أصلها بتشتغل مدرسة ومطلقة وعاشة هي وهو لو حدهم.

نادر: تمام.. ربنا يقويكي.

- استأذنتها وطلعت الأوضه فوق السطوح.. بصيت في ساعتني كان
الفجر باقي عليه دقائق، استنيت لما أذن بدأت كل حاجة تتحرق حواليا
بدون نار، تراب إسود ملا الجو.. الدنيا اتحولت لكتل فحم وظلام
دامس.. ولعت الكشاف ونزلت على السلم وأنا قدام شقه (هنا)
سمعت صرخات عالية..

إنت فين يا (كريم).. إنت فين يا (كريم).. رد يا ابني..

كملت ونزلت عند شقة الزوجين المسنين، سمعت صوت حشرة
الموت وبكاء ضعيف..

جيت عند شقة (رئيفة) سمعتها بتقول: حرام عليك.. حرام عليك...

خرجت من العمارة.. كان الآذان لسبه شغال... طلعت الشقة قابلني
(أحمد) وسألني: حصل إيه؟.. قلت له: أنا هبات النهارده كمان.... وافق
طبعًا..

وقلت له: هحكى لك كل حاجة لما أخلص...

طلعت الكاسيت الصغير من جيبني عشان أطمئن إنه مكمل تسجيل،
من وقت ما خرجت من البيت لاقيته خلص، جيبته من الأول وشغلته
لاقت الأصوات في الشقة وكلامي مع (أحمد، ودنيا).

حديثي مع مدام (رئيفة) موجود... كده أنا ماشي صح جدًا.

تاني يوم بالنهار، إستغلّيت الوقت في كتابة كل اللي حصل بالتفصيل
الممل.

وبعد الساعة الثانية عشرة بالليل اتحركت وروحت العمارة، ولسه
هخبط على مدام (رئيفة) سمعت صرخة من شقة مدام (هناء)... طلعت
جري ولاقيت جرس رنيته...

خرجت واحده منهارة من العياط، وبدأت العمارة تتحول لشكلها
العادي..

مدام هناء: مين حضرتك؟

نادر: أنا جاركم الجديد، وسمعتك بتصرخي.

هناء: مفيش حاجة.

نادر: أنا ليا قرايب في الشرطة، وممكن أساعدك.

هناء: إبني... إبني مش عارفه ضاع مني ولا معايا... عندي ولا مش
عندي!!

نادر: يعني إيه؟

هناء: مش هتقول عليا مجنونه؟!

نادر: مش هقول بس فهميني.

هناء: اتفضل ادخل.

حياتنا كانت تمام جدًّا لحد الزفت اللي اسمه (حازم) ما جه
في مرة وخذاه معاه، وقال لي: هفسحه. وغاب كثير نزلت سألت
(رئيفة) أول ما قولت لها زعقت، وقالت لي: لأ (حازم).. لأ
يا (هناء) لأ.

نادر فوده 2 كساج

أول ما قالت لي اترعبت.. فضلت أدور عليه في الشوارع، روجت قسم الشرطة وبلغت، وفضلت في الشوارع يوم كامل ألف زي المجنونه! وروجت البيت وأنا يائسة تمامًا.. دخلت أوضتي غيرت هدومي ودخلت أوضته في الضلمه.. قعدت على طرف سرير (كريم) أعيط بدل الدموع دم..

فجأة لاقيت الدولاب بيتهز؛ اترعبت وانكمرت مكاني.. الدولاب اتفتح وخرج منه حاجة قصيرة... وفضلت تقرب مني ونفسها بقا في وشي.. بدأت أقرأ قرآن.. الحاجة دي اتكلمت بصوت يخوف، وقالت:

ماما!!

ومدت أيدها نورت أبا جورة الكومودينو... لاقيت (كريم) إبني في وشي!
صرخت وحضته وفضلت أعيط ومنهارة، لكن حضنه كان غريب.. مش حضن إبني..

وسألته: كتوا فين؟.. مردش ولحد يومنا ده مردش!
كل يوم أصحى ملاقيش (كريم) وأقلب عليه الدنيا، وبالليل ألاقه طالع من دولاب أوضته... ده مش إبني.. أنا عاوزه إبني...
(حازم) بدل إبني بالشيء اللي عندي ده... هو دلوقتي مختفي.. كمان شو به هيطهر.. أرجوك تعالى.. أنا مليش حد غير ربنا.
نادر: حاضر.. بس أنا عندي سؤال، إنتي بتنزليه كتير عند مدام (رقيقة) ليه؟

هناء: مين.. كريم؟ عشان هي ست وحدانية، ومبتخلفش والكلام ده كان قبل ما يعيش جوا الدولار.

نادر: طيب صحيح مفكر تيش تدوري، وهو مختفي جوا الدولار؟
هناء: جربت مرتين؛ أول مرة ملقتوش.. ثاني مرة لاقيت كلب في الدولار نايم.. خرجت جريت برا الشقة، ورجعت لقيته مش موجود!!
بلاش تفتح الدولار انت، أرجوك تعالى بعد ساعة وشوفه واحكم إنت، وقول لي أنا مجنونة ولا عاقلة؟

- نزلت من عند مدام (هناء) وخرجت من العمارة.. وقفت برا شويه ودخلتها ثاني لقيتها محروقة، وزوحت على شقه (هناء) فتحت الباب، ورجعت العمارة عادية.. ما انا فهمت النظام خلاص بقا.
هناء: شكراً إنك جيت في ميعادك.. اتفضل ادخل.

دخلت أوضة (كريم)... طلبت منها تسيني لوحدي و(هناء) شاورت لي على الدولار، وبعدها خرجت وقفلت الباب وراها.
- روحت ناحية الدولار بحذر، وبقيت أمد إيدي وأرجعها ثاني لحد ما قررت وفتحت الدولار.. لاقيت كلب مسلوخ جلده، عبارة عن لحم بدم واقف، وبدأ يزجر بهدوء فبالراحة حاولت أقفل الدولار، لكنه زق باب الدولار وزقني على الأرض، ونط فوقي.. بدأت أقاوم وأصرخ وأناادي (هناء) ولكن مردتش عليا، كان وشه في وشي.. لحظات مرت عليا زي العمر كله... عينه مشتعلة باللون الأحمر... سنانه بتنقط دم عليا! ضوافره مغروسة في أكتافي...

مش ممكن يكون كلب.. ده مسخ مرعب، وبدأ يشمشم فيا.. شم وشي كله وشعري وصدري وبطني.. وكأنه بيتعرف على الوجبة بتاعته.. رفع راسه لورا وفتح بوقه على الآخر، وطلع صوت بيعوي زي الديابه وهجم براسه على رقبتى، وقبل ما ينهشها.. وقف عند مكان العضة بتاعة التعبان، وفي نفس الوقت باب الدولاب طلع صوت..

فقام من عليا بسرعة وقف قدام الدولاب.. الدولاب اتفتح دخل بسرعة واتقفل وراه، بعدها بدقيقة الدولاب اتفتح وخرج منه طفل ماشي بهدوء، وعدى من فوقى وقعد على سريره.. وأنا نايم فى الأرض ببص عليه مش مصدق المشهد كله، التفت لى واتكلم زي المنوم مغناطيسيًا:

كريم: إنت ضيف عندنا؟

نادر: إنت كنت فىن؟

كريم: بس هو الضيف بيدخل أوض الناس من غير استئذان؟

نادر: مامتك اللي دخلتني.

كريم: ما هو (حازم) زعلان منها جدًا.. عشان كده يقول لى إنها

هتتحرق!

نادر: كنت فىن؟

كريم: كنت فى بيتي الجديد.. خلى بالك الحارس منع نفسه عنك

بالأمر المرة دي، المرة الجايه هيخلص عليك.. بعد إذنك عاوز أطلع لـ

(ماما) أقعد معاها شويه.

خرج وبعد ما خرج بدقايق، دخلت والدته وقالت لى:

هناء: أنا مقدرتش أدخل، أنا نبهتك إن فتح الدولاب غلط، غلط.. الحمد لله إن الكلب المتوحش سابق.

نادر: هو فين دلوقتي؟

هناء: الكلب؟

نادر: لا (كريم) ابنك.

هناء: قاعد قدام التليفزيون شبه التمثال زي كل يوم، وقال لي جملة تخصك.

نادر: قال إيه؟

هناء: قال لي: مشيه لو عاوزه تعيشي... أنا خوفت من بعدها أوي... أرجوك يا أستاذ (نادر) امشي وانسى كل اللي حكيت هولك، وأنا راضية باللي ربنا كتبه ليا.. أنا غلطانة ومكش المفروض أتكلم!

- سيبتها وخرجت بصيت عليه، وأنا ماشي لاقيته فعلاً إنسان آلي قاعد ومعاه لعبة يلعب بيها بدون أي مشاعر... وشه ممسوح من عليه أي انطباعات، وطلعت أوضتي فوق السطوح.... لاقيتها مفتوحة ومنوره! ولاقيت (رئيفة) خارجة منها!

نادر: هو فيه حاجة؟

رئيفة: لأ أبداً مفيش.. كنت برش لك الأوضة عشان الحشرات المتطفلة هنا كثير جداً..

- حسيت إن نبرتها في الكلام متغيرة تماماً!! وسابتنى ونزلت! فعدت شويه مش فاهم، ومش عارف أربط الأحداث ببعضها!!

فوقت على آذان الفجر.. نزلت بسرعة على السلم، وجنب بيت
(هنا) سمعت صوتها بتصرخ: إمسك إيدي يا كريم..

نزلت عند الاتنين الكبار، سمعت صوت الست العجوزة بتئن وبتألم
وبتقول: ليه كده... ليه كده؟!
وعند شقة (رئيفة) سمعت صوتها بتزعق: هو ده اللي رجعتك... هو

ده؟!!!

وعادت العمارة لشكلها المحترق من جوا... وخرجت ورجعت شقة
(أحمد) واخواته ودخلت أوضتي وشغلت الوش الثاني من الشريط..
اتسجل عليه حوارى الأول مع مدام (هنا) بس، وأول ما دخلت أوضة
(كريم) الصوت اختفى تمامًا... معرفش ليه!

كتبت كل اللي حصل ولسه مقرر تشر هسمي القصة دي إيه لما
أنشرها.. غالبًا هسميها: بيت النصر... لما أخلصها هشوف!
أحمد دخل لي، وفاجئته إني هبات يوم كمان..

هو مكانش مضايق.. بس مستغرب وخصوصًا إني محكتش أي
حاجة!!

دخلت نمت.. شوفت في الحلم كل اللي حصل تاني، ولاقتني بسأل
(رئيفة): هو جوزك مين؟!

وهي ردت: معرفش. وفضلت تضحك زي المجنونة....

صحيت من النوم وبدأت يوم جديد، واحنا قاعدين نطفر اتكلمت
(دنيا)..

دنيا: تعرف يا (نادر) إن من وقت ما انت دخلت (بيت النصر)..
مبقاش في صوت بنسمعه تاني خالص!

نادر: فعلاً؟

دنيا: آه والله.. شكلك هتحل الموضوع ده!!

نادر: يا (دنيا) هو أنا مش جاي أحل.. بس لو لاقيت حل أكيد مش
هتاخر.

أحمد نجيب: طب ممكن نعرف وصلت لإيه؟

- حكيت لهم كل اللي حصل، وكانوا منبهرين بكل حرف بيسمعوه.

أحمد نجيب: (نادر) على فكره انت مش بيتهيا لك..

همادول سكن العمارة فعلاً مدام (هناء) واتنين عوا جيز فعلاً،
والراجل صاحب البيت أبو وش كشر ومراته..

نادر: بمعنى؟

أحمد: بمعنى إنك ماشي صح، وكمل اللي بدأته...

- مع دقات الحادية عشرة ليلاً كنت قدام العمارة، ودخلت المرة دي
مقرر أروح آخر شقة، شقة الزوجين المسنين (جابر، واعتماد) وأنا طالع
على السلم، فجأة الدنيا نورت من غير ما أضغط أي جرس ولا قيت باب
شقة (رثيفة) اتفتح.... إنت فين يا (نادر) من بدري؟

نادر: كنت.. كنت في الشغل... آه في الشغل.

رثيفة: طيب اتفضل. ولا قيتها بتديني التسعمائة جنيه

نادر: إيه دول؟

نادر فوده 2 كساب

رئيفة: فلوسك.. مش هينفع تقعد هنا.

نادر: هو أنا عملت حاجة؟

رئيفة: (حازم) جه ولقيته عارف إني أجرت الأوضة.. بهدلني وقال:

لازم تمشيه.

نادر: طيب إيه الغلط اللي غلطه؟

رئيفة: معرفش.. هو قال كده وخلاص.

نادر: بس ده مكانش كلامك.. كان مش فارق معاكي.

رئيفة: أصله هددني.

نادر: هددك؟!!

رئيفة: آه.. قال لي: لو سبتك قاعد هتحرق مع اللي هيتحرقوا.

نادر: يعني إيه؟

رئيفة: مش فاهمه، بس نظراته وهو بيتكلم كانت مرعبة جدًا.. هو إيه

حكاية الحريق؟.. إنت اتكلمت عنه وهو كمان حتى (هنا)!

نادر: طيب إديني النهارده بس، وهمشي الصبح.

رئيفة: طيب بكره أرجوك تمشي.

نادر: أنا عندي طلب مزعج شويه.

رئيفة: اتفضل.

نادر: ممكن أشوف صورة لـ (حازم) جوز حضرتك؟

رئيفة: أيوه طبعًا.

- دخلت وطلعت معاها برواز صغير، وقالت لي: هو ده.

نادر: إيه ده؟.. الصورة بيضا.

رثيفة: هو إيه اللي بيضا؟.. ما هو قدامك أهوه.

نادر: والله فاضية.. البرواز فاضي!

رثيفة: طب استنى ولا أقولك ادخل معايا.. وشاورت لي على الحيطه،
وقالت: آدى صورة الفرحة... باين أهوه بس هو شكله اتغير شويه عن
كده... وموت والده أثر عليه جدًا.

نادر: والده ده مات من إمتى؟

رثيفة: معلى لازم أدخل عشان ممكن يجي والدنيا تتنيل، وبطل تبقى
حشري وفضولي كده!

نادر: بالمناسبة.. صورة الفرحة شايفك انتي بس فيها.

- دخلت وقفلت الباب، وأنا طلعت بسرعة لشقة (أستاذ جابر)
وخبطت فتح الباب بعد شويه راجل عجوز قولت له: أنا ساكن جديد
وحابب أتعرف على سكان العمارة. رد بهدوء: إحنا مش حاين!

ظهر صوت ست من وراء، أكيد دي مدام (اعتقاد): اتفضل
يا ابني.. جرى إيه يا جابر!

جابر: أصلي زهقت من المندوبين.

اعتقاد: بيقولك ساكن جديد.. ما تركز شويه يا راجل انت.

جابر: آه.. طيب اتفضل.

دخلت جوا واتكلمنا شويه.. كانت الزوجة مرحة بيا جدًا، لكن
الزوج لاء!

نادر فوده 2 كساب

قام قال: هعمل شاي. ودخل المطبخ.. أول ما دخل سألت مدام

(اعتماد)..

نادر: هو أستاذ (جابر) مش طايقني ليه؟

اعتماد: ولا طايقني!

نادر: إيه؟

مدام اعتماد: مش حكاية مش طايق!

نادر: أو مال إيه؟

اعتماد: هو مؤخرًا ما بقاش بيحب حد..

نادر: عندي سؤال.

اعتماد: اتفضل.

نادر: مرة وأنا معدي سمعت صوت حضرتك بتعيطي، ومرة تانية

سمعت كلام عندكوا وعايط بردو.

اعتماد: معلش كنت تعبانه.

نادر: ست (اعتماد) أنا عارف إن فيه حاجة غريبة بتحصل عندكو

ومش عندكو بس، في العمارة كلها.. أنا عاوز أساعدك.. ساعديني

أساعدك.

اعتماد: مش فاهمه.

نادر: لأ فاهمه... أستاذ (جابر) تصرفاته متغيره من مدة! وحاسه أنه

بقا واحد تاني.

اعتماد: ده حقيقي..

نادر: بيقولك جمل من نوعية.. همشي واسيبك.
اعتماد: آه.

نادر: خرج مع (حازم) صاحب العمارة؟

اعتماد: كثير.. كتر خيره بياخذه يتمشى بدل القعدة دي!

نادر: طب بيطلع لك من الدولاب؟

اعتماد: نعم!

نادر: طيب قالك إن العمارة هتولع.

اعتماد بفرع: إيه؟ يا جابر... يا جابر.

نادر: اسكتي يا حاجة.. اسكتي ياما.

اعتماد: يا جابر.. الحقني.. تعالى.

جابر: فيه إيه؟

اعتماد: الأستاذ بيقول إن العمارة هتولع.

جابر: أنا قولت ماتدخلش الأشكال دي عندنا... قوم اطلع برا

ياللا!

(جابر) وهو بيتردني كنت حاسس كأني قولت مصيبة، وهو عارفها!

خرجت من الشقة، كان الفجر لسه فاضل عليه كثير... طلعت

أوضتي على السطوح وبدأت أربط الخيوط..

(حازم) بدأ يشتغل في التحضير والتجنن غالبًا واتلبس... هو اللي

تسبب في اللي حصل لـ (كريم) ابن مدام (هناء) ولعم (جابر) جوز ست

(اعتماد).. اختارهم تحديدًا لسبب هو الوحيد اللي يعرفه! لكن ملوش

نادر فوده 2 كساب

دعوة لاب (هنا) و لاب (اعتماد) مش عاوزهم... وفيه كلام عن الحريفة
اللي متحصل في البيت.. ولما بياخد حد برا بيرجع واحد تاني!

لاقيت باب الأوضة بيخبط ودخلت مدام (رثيفة)..

نادر: أهلاً وسهلاً.

رثيفة: أهلاً.

نادر: خلاص أنا نازل امشي.

رثيفة: أنا مش لاقية حد أحكي له اللي عندي غيرك.. (حازم) بقا
واحد تاني، والكتب اللي بيقرأ منها واضح إن فيها شر كبير سيطر عليه..

نادر: كل ده صح، بس هو بيعمل كده ليه؟

رثيفة: أنا كنت فاهمه إنه عاوز يحس بالعظمة ويبقى ساحر وكده..
بس لاقيت الورقة دي، خدها اقراها يمكن تفهم منها حاجة.

نادر: هاتيها كده.

- فتحت الورقة، وبدأت أقرأ:

الآن أنفذ مراسم تنصيب خادماً لك يا سيدي، أبدأ الآن في تنفيذ كل

الشروط..

الكفر بكل شيء.

الاقتناع التام بسيادة إبليس.

تقديم القرابين الثلاثة للثلاثة العظماء.

أقدم قربانين من جيلين مختلفين كما أمرت.. أقدم العجوز والطفل.

وأقدم قرباني الخاص.. الزوجة.

أقدم كل ذلك حبًا وكرامة.
أشعل نارك المقدسة في كل الأزجاء.
أنتظر حضورك في النهاية، وتسليمي تاج الخادم المخلص.

أنتظر

أنتظر

أنتظر

رثيفة: أنا مش فاهمه هو هيعمل إيه؟ ويقصد إيه بالزوجة؟ هيدبحني
بغني؟!!!

نادر: نصيحة مني.. إمشي من البيت يمكن تغيري الواقع.. جوزك
مفيش منه أمل خلاص.

رثيفة: أمشي أروح فين؟!!

نادر: أي مكان... اهربي!

- (رثيفة) نوعًا ما اقتنعت بكلامي، ونزلت تجري وهي بتكلم نفسها،
وسابت لي الورقة.. وأنا مش عارف، هل ممكن أبدل اللي حصل وأغير
الماضي وأحداثه؟!!

ببص لاقيت على باب الأوضه واحد واقف لي! خبيت الورقة بسرعة
في جيبتي.

نادر: إنت مين؟

الشخص الغريب: إنت اللي مين؟.. ده بيتي.

نادر: آه... انت حازم؟

الشخص: انت مش وصلك رسالة الطرد!
نادر: هتعمل فيهم إيه يا حازم؟ هتحرقتهم؟ عشان أوهامك
وأمرضك!

حازم: رغاوي وحشري... بس هتموت الليلة.

- بعدها اتحرك ونزل وسابني...

مفيش دقايق وسمعت صوت (هنا) بتصرخ... نزلت أجري...

لاقيت الباب مفتوح و(حازم) نازل وواخد ابنها في إيدته، معرفتش
أخده منه ولا أشوف (هنا)! دخلت أجري عليها...

لاقيت (هنا) في منظر غريب جدًا:

كان فيه بقعة زيت سودا كبيرة في الأرض و(هنا) نص جسمها اللي
فوق هو اللي باين منها.. (هنا) كانت واقعه جواها وبتبلعها... وعلى
حيطة الصلاة مكتوب:

أشعل نارك المقدسة في كل الأرجاء.. القربان الأول الطفل..

جريت حاولت أوصل لها أنقذها... المشكلة إن بقعة الزيت السودا
كبيرة جدًا، وعشان أوصل لها لازم أنزل معاها جوه دايرة الزيت اللي
بتبلعها دي، دخلت المطبخ جري جيت مقشاة ومديتها ليها عشان
اسحبها بيها، (هنا) مسكتها وبدأت فعلا تخرج وأنا شديتها ناحيتي...
لكن ظهر ثلاث إيد من السودا من الزيت الأسود مسكوا المقشاة وشدوها
مني بمنتهى العنف، ورجعت (هنا) للأسف تغرق تاني في الزيت
الأسود، وقبل ما يبلع راسها... قالت لي:

ابني ابني.. حازم أخده.... أرجوك انقذه منه..

بقعة الزيت اشتعلت وولعت في راس (هناء) في منظر بشع، جلد وشها ساح وعظمها ولع، وغاصت المسكينة جوا البقعة المشتعلة..

- صرخة ثانية لصوت ست عجوزة خلتنني أجري.. نزلت لاقيت أستاذ (جابر) خارج من الشقة، وعلى وشه ابتسامة شيطانية، وواقف (حازم، وكريم) على السلم مستنيينه و(حازم) يبص لي بكل برود.. زقت (جابر) ودخلت على المسكينة الثانية لاقيتها مصلوبة على الحيطه في الصالة ومرسوم حوالها أشكال ورموز غير مفهومة ومكتوب:

أشعل نارك المقدسة في كل الأرجاء.. القربان الثاني العجوز.

كان خارج من الحيطه من ورا (اعتماد) إيدين سودا وحمرا كثير لها حوافر حاده، وبدأت تغرس حوافرها دي في جسمها كله... انفجر الدم من كل حته منها... واتصفت المسكينة تماما واشتعلت النار في جسمها كله....

مبقاش غير (رئيفة)... نزلت دخلت شقة (رئيفة) ملقتش أي حاجة ولا لقيتها هي شخصيا.

وبردو على حيطه من الصالة مكتوب: أشعل نارك المقدسة في كل الأرجاء.. القربان الثالث والخاص.. الزوجة.

الشقة ملخبطة، وعلى باقي حيطانها مكتوب بالدم:

نفذنا العهد

نفذنا العهد

نقدنا العهد

ورسومات كثير غريبة ومش مفهومة..... وورق كتب متقطع في كل
حته..

النار بدأ صوتها يعلو في العمارة... طلعت من الشقة بتاعة (رثيفة)
أجري عشان أنفد بجلدي.. لاقت شخص مولع عمال يجري ويصرخ...
- يا ترى مين ده؟!!

ده مش العجوز و(هنا) الأرض بلعتها، و(اعتماد) الحيطه صفتها....
وده صوت راجل... فضل يصرخ فيا

الراجل المشتعل: الحقني... يا نادر.. آآآه

وقفت مش عارف أعمل إيه... دخل شقة (رثيفة) يجري، دخلت
وراه وجريت على أوضة النوم شديت لحاف وحاولت أطفئه به، لكن
كانت النار اتمكنت منه وبقا كتلة لهب..
وهو بيتحرق قال لي:

إيليس ضحك عليا.. سلمته مراتي و(جابر، وكريم) سرق أرواحهم
وعلقها عشان يغذي روحه بيهم وخرقني.. حرقني بعد ما وعدني
ياخدني معاه.. حرقني عشان هو غدار وملوش عهد.

فضل بعدها يصرخ ووقع على الأرض... سييته لأن الخطوة الجايه
أنا اللي هتتحرق، لكن ظهر ثلاث أجسام سودا سريعة جدًا.. عارفهم
وعمري ما نسيت شكلهم شدوه بسرعة ودخلوا بيه جوا حيطه واختفى
تمامًا! بدأت الحيطان تولع... نزلت اجري وخرجت من الباب...
اترميت في الشارع والدخان كان قاتلني..

بس اللي حصل إن العمارة ولعت بجذ، وجه (أحمد) أخذني والمطافي
جت تظفيها... وفي عز ما بيظفوها العمارة وقعت واتطربقت كلها على
الأرض....

طلعنا الشقة.. شكلي كان مأساوي، دخلت اترميت في بانيو الحمام..
غوصت في الميه، خلصت دخلت أوضة (أحمد) انهارت على السرير
ونمت.....

معرفة نمت أد إيه؟!!

صحيت وكتبت كتبت كتبت.. بعض الحاجات متسجلة وبعضها
لأ.. بس وثقت كل حاجة وختمت موضوع (بيت النصر) بإني تفسيري
الوحيد واللي وارد جدًا يكون غلط إن دي (الأرواح المعلقة) مع رفضي
دائمًا للفكرة... بس دي كانت رسالة عاوزين يوصلوها كلهم... كانوا
عاوزين العمارة تتهد عشان غالبًا كلهم لسه محبوسين تحت سيطرة الشر،
وأرواحهم معلقة! وهد العمارة هو خلاصهم الوحيد!

أما (حازم) فهو اللي باع نفسه وأهله وجيرانه للشيطان... بعد ما
خدعه.. أغراه وغواه زي ما غوى آدم... وتسبب في خروجه من الجنة!
وفي الآخر غدر بيه كعاداته الشيطانية..

(بيت النصر) لم يكن أي بيت ولم تكن أي عمارة... إنها عمارة الفرع!

الفصل العاشر

انتلقى الدرس يا غبي

BOOK
STORE

جهزت شنطتي عشان أمشي.. سلمت على (أحمد، ودنيا، وعمرو)
وأكدت لهم إن (بيت النصر) خلاص بابہ اتقفل للأبد وبلا رجعة..

وسبت شبرا مصر، وركبت تاكسي وروحت شقتي الجديدة بعد
ما خدت المفتاح من زميلي عشان بكره الصبح هسلمهم في الجورنال
موضوع وتحقيق العمر..

تحقيق «عمارة الفرع»

نمت بكل استغراق وفرحة وهدووووء... نمت كصحفي محقق
إنجاز وسبق رائع بكل المقاييس، وعملت تليفوني صامت عشان محدش
يكلمني خالص.

صحيت من النوم لاقيت فوق التلاتين مكالمة! بقلب فيهم لاقيت
الشغل ورقم (أمنية) أختي والتليفون فصل شحن للأسف وانا بقلب..
غيرت هدومي وروحت الشغل عشان أنا متوقع الاحتفال اللي
مستيني.. خصوصاً إن قبل ما أنام بعث لمديري (جبت لك قصة العمر)!
وصلت الشغل ودخلت دخلة (صلاح الدين) بس الكل بيص لي
بطريقة غريبة جداً.. كل ما أسلم على حد مينطقش...

نادر فوده 2 كساب

دخلت لمديري لما زهقت منهم... وقف ورحب بيا جدًا وبدأت
أحكي له عن القصة، ويقول له: هبدأ أكتبها على الكمبيوتر... قاطعني
بحزم..

المدير: تمام تمام.

نادر: هو فيه إيه؟ كلكم مديني وش ليه كده من أول ما جيت؟

المدير: ولا وش ولا حاجة.. أصلك قافل موبايلك من الصبح ومش

عارفين نوصلك.

نادر: طيب ما أديني جيت أهو بنفسني..

المدير: حمد الله على سلامتكم.

نادر: طيب يا عمق الحدث يا محبطين.. أنا هقوم أكتب (عمارة الفزع)

بمزاج.

المدير: نادر.. أنا عاوز أقولك على حاجة.

نادر: حاجة إيه؟

المدير بتردد: البقاء لله.

نادر: مش فاهم.

المدير بتردد أكثر: والدك يا (نادر) اتوفى.

نادر: إيه؟!!

المدير: الموضوع حصل النهارده الصبح.

- سبته وطلعت. أجري من المكتب زي المجنون... دخلت مكتبي
ووصلت الموبايل بالشاحن وكلمت (أمنية)... ردت منهارة..

أمنية: انت فين يا (نادر)... بكلمك من الصبح...

نادر: (بابا) ماله؟

أمنية: بابا.. مات.. يا نادر.. مات.

نادر: إزاي.. إنطقي إزاي؟

أمنية: مات والكل مرعوب يدخل عليه.. عمك (مختار) قفل الباب،
وقال: لازم انت تيجي فوراً!

نادر: يعني إيه مرعوبين يدخلوا عليه؟!

أمنية: بابا شكله.... شكله صعب يا نادر.... صعب.

نادر: أنا جاي.. هسافر حالاً.

أمنية: (مرودة) بنت خالتك جت لابسه فستان فرح، وعماله تصوت
شويه وتضحك شويه زي المجنونة، وتقول: فرحي.. فرحي.. فرحي..

وتقول كلام غريب من بتاعها و(ماما) طردتها...

دي كانت مصره تدخل أوضة (بابا) وتقول: لازم يشوفني وانا

عروسة قبل ما يمشي. دي اتجنت رسمي يا (نادر) وفضحتنا!

نادر بصراخ: لأ إوعي يا (أمنية) تدخل.. إوعي.

- قفلت التليفون مع (أمنية) وانفجرت في البكاء، والبكل دخل
يواسيني... وأكثر من حد عرض عليا يسافر معايا ورفضت.. سبت
ورقي كله وحاجتي... وخرجت من الجورنال زي التايه..

لاقيت عم (مدبولي) الساعي جاي بييجري ورايا.. ويديني جواب
جديد.. قولت له: مش وقته يا عم (مدبولي).. مش وقته.. انت مش
شايف اللي انا فيه!

رد وقال لي: عارف يا ابني.. بس أصل الراجل اللي جاب
الجواب ده جابه من أربع أيام فاتوا، وقال لي: أول ما (نادر)
يتبلغ بوفاة والده ويرجع بالسلامة إديله الجواب ده.. دي
وصية أبوه، الراجل ده كان عارف إن والدك هيموت ازاي
يا ابني؟!.. هو والدك كان عيان أوي كده؟

فقولت لازم تاخذ الوصية...

- خدت الجواب وبصيت فيه لاقيت مكتوب على الظرف (يفتح فقط
بعد وفاتي)... (مصطفى عبد الرحيم فوده).

بقيت ماشي في الشارع أكلم نفسي... أبويا مات... راح خلاص
وكلام (أمنية) ميظمنش أبدًا، وإيه الوصية اللي بعتهالي؟!.. هو كان عيان
ومخبي ليه؟

ركبت القطر... وبعد وصلة بكاء افكرت الجواب... طلعت من
جيبى وبصيت عليه، ومعرفتش أتخيل أبويا كاتب فيه إيه..

وفتحته وبدأت أقراه..

بسم الله الرحمن الرحيم

إبني العزيز: نادر

أتمنى أن يصلك هذا الخطاب، وأنت صامد قوي كما عهدتك، بالطبع سيصلك هذا الخطاب وأنا بين يدي الله؛

لذا أوصيك أولاً بنفسك وبأمك وبأختك أخيراً، ليس لهم في الحياة دونك سنداً من بعدي.

أنا الآن في دار الحق، وأود أن أخبرك ما لم أستطع أن أخبرك به من قبل وأنا على قيد الحياة...

لقد تسببت لنا في معاناةٍ طويلة بعد قتلك لـ (الوقاد).. عشنا في ألمٍ دائمٍ وعذابٍ وتهديداتٍ.

من منا لم يتعرض للأذى من (كساب) بسببك (أمك - أختك - أنا)؟ وكل ذلك كنت ولازمت أنت السبب فيه، لا أعرف كيف ستعيش من بعد موتي، وأنت على درايةٍ تامة أنك السبب فيه؟!!

بالطبع كنت تظن أن هذا الخطاب سيكون خطاباً رقيق المشاعر.. يبقى ذكرى تتباهى بها أمام أمك وأختك وأصدقائك وشيوخك حالياً، وزوجتك وأبنائك لاحقاً.

لكن الحقيقة أن هذا الخطاب سيبقى وصمة عار على جبينك طوال حياتك.

- (كنت بقرا وصية أبويا اللي عبارة عن طعنات متتالية ونافذة في

كل حة في جسمي ..

إزاي أبويا شايقني كده؟ .. وهل دي فعلاً الحقيقة؟ .. زاد بكائي
وعويبي قدام كل من حولي في القطار، ورجعت أكمل قراية الجواب)

- أخيراً يا (نادر) خد مني الخلاصة:

حلو الكلام اللي فات ده طبعاً؟

أكيد آه ..

طيب أخبار (حازم) إيه يا (نادر)؟

أخبار (هناء) وابنها إيه؟

مش (حازم) قالك إبليس وراه؟

تعرف مين إبليس ده ولا أعرفك عليه؟

أنا عمك الأسود!

أنا هطلع لك في كل خندق هستخبي فيه مني يا مسكين!

مش قولت لك هنتقم بطريقتي!

لعناتي بتطاردك، لكن قولت لك قبل كده إن النهاية أكبر من كل ده ...

حق (الوقاد) ... مش هيروح ... روح أبوك قدام روح أبويا ...

روح اجري شوف شكل أبوك على سريريه ميت، والكل مرعوب

يقرب منه!

وبالمناسبة يا نادر ... (روح الوقاد) مش بروح أبوك بس!

حربي معاك بدأت يا (نادر) وعمرها عمر حرب إبليس مع البشر،
ونهايتها بعيدة جدًا.. أبعد بكثير من خيالك..

سلام يا نادر....

انتهى الدرس يا غبي

كسب.....

WASEL
كتاب
BOOK
STORE

الفقرس

- الفصل الأول: جثة في منزلنا المتواضع ٥
- الفصل الثاني: الرسالة الملعونة ٢٥
- الفصل الثالث: آخر المشوار ٣٧
- الفصل الرابع: لمثل هذا فأعدوا ٤٧
- الفصل الخامس: مجرد كابوس !!؟ ٧١
- الفصل السادس: لم يكن كابوسًا ٩١
- الفصل السابع: مروءة ٩٩
- الفصل الثامن: «اليوم أصبحت نادر فوده الصحفي بجريدة عمق الحدث» ١٤٣
- الفصل التاسع: عمارة الفزع ١٥٧
- الفصل العاشر: انتهى الدرس يا غبي ٢١٣

أحمد يونس

نادر فوده 2

(كساب)



KASSEL

BOOK STORE



أحمد يونس



للناشر والتوزيع

المجموعة الدولية
للناشر والتوزيع